

2 ሳሙዔኤሌ ማፃኣፖ ዓይያ ካር

ለማሳ ሳሙዔኤሌ ማፃኣፖ፡- ሳሙዔኤሌ ማፃኣፖ ቤርታሳዞ ሄሊ ፃኣፒንቴያ ማዓዛ፣ ዳውቴ ቤርታዲ ዶኦሎ ዛሎ ዓጮይዳ ዪሁዳኮ ካኣቲ ማዔሢ፤ (ዓይ. 1-4) ዬካፓ ኬዶ ዛሎ ዓጮ ማዔ፣ ዒሰራዔኤሌንታ ዬኖ ዓጮሎኮዋ ቢያ ካኣቲ ማዔ ወይሣሢ ዛላ ኬኤዛያኬ (ዓይ. 5-24)። ማፃኣፒላ፡- ዳውቴ ፔኤኮ ካኣቲዋ ዓጮ ዳልገሻኒ፣ ሃሣ ፔ ቢታንቶ ዶዲሺ ዳይሣኒ ዓጮሎኮ ጋሮና ዙሎናፓ ሙካ ሞርኮና ያልቴ ዴኤፒ ዴኤፒ ያልዚያ ኬኤዛኔ። ዳውቴ ያኦሲ ዒናፓ ጉሙርቃያ፣ ሃሣ ናሽካያ፤ ዬያጉዲ ዴራኣ ዒዛ ጉሙርቃያ ማዔሢ ሃኖ ማፃኣፖይዳ ኬኤዚንቴኔ፤ ሃሣ ጊንሣ ፔቴ ፔቴና ዒዚ ሚጠጊንቴዋ ፑርታ ማዶ ማዶያታሢና ፔ ማሊያ ኩንሣኒ ፑርታ ፑርታ ጎሜ ማዶሢያ ፓይዲ ኬኤዛኔ። ጋዓንቴ ያኦሲ ማሊያ ኬኤዛሢ፣ ናኣታኣኔ ሙኪ ዒ ማዶ ጎሞ ኬኤዜ ዋዶና ፔኤኮ ጎሞ ቡኡዲ ያኦሲ ዒዛይዳ ዓጌ ባኮዋ ዔኬሢ ኬኤዛኔ።

ዳውቴ ናንጌ ናንጎና ዒ ማዶ ማዶ ዒሰራዔኤሌ ዴሮም ሚርጌና ኮሺ ማዔሢሮ ዒዛኮ ጊንፃፓ ዓጮይዳ ማታ ሄላ ዋዶና ቢያ ማሌ ካኣቲ ዔያታ ካኣታሳኒ ኮዓዖ ዳውቴ ናይ ሃንጎ ዳውቴ ዜርፃፓ ማዔያ፣ ዓዳ ዳውቴጉዲ ዔያቶ ወይሣንዳያ ዓሲ «ዓይጌ ኦሞ ዒንጋንዳይ?» ጌይ ኮዓኔ።

ማፃኣፒላ ዲማ ዲማ ዓርቄ ባኮ

- ዳውቴኮ ዪሁዳይዳ ካኣታዲያ (1:1—4:12)
- ዒሰራዔኤሌ ዓጮ ጉቤይዳ ዳውቴኮ ካኣታዲያ (5:1—24:25)
- 1. ቤርታሳ ሌያ (5:1—10:19)
- 2. ዳውቴና ቤርሳቤሆና (11:1—12:25)
- 3. ሜቶና ዋኣኖና (12:26—20:26)
- 4. ጋፒንያ ሌያ (21:1—24:25)

ዳውቴ ሳኣዖኦሌኮ ሃይቦ ዋይዜሢ

1 ሳኣዖኦሌ ሃይቄሰካፓ ዳውቴ ዓማሌቄ ዓሶ ያሎና ባሺ ማዓዖ ፃቅላጌይዳ ሳምዖ ኬሊ ዴዔኔ፤

2 ሃይሣሳ ኬሎና ፔቴ ዴጌ ሳኣዖኦሌንሢ ዓኣ ቤዛፓ ሙኬኔ፤ ዬይ ናማ ዒማና ፔኤኮ ዓፒሎ ዳርዚ፣ ቶኦኮይዳኣ ሲላሊ ዋሃ፣ ዳውቴ ኮይላ ሙካዖ ሳዓ ላሂ ቦንቾ ዔኤሊሢ ዔኤሌኔ፤

3 ደውቱ ዒዛ:- «ዓንካፓ ኔ ሙኬይ?» ጌይ ያኑጩኔ።

ዒዚ ማሃዖ:- «ዒሰራዔኤሌ ዓሳ ዓኣ ቤዛፓ ቶሊ ታ ሙኬኔ» ጌዔኔ።

4 ደውቱ ዒዛ ኮይላ:- «ሂንዳ ማዲንቴ ባኮ ቢያ ታኣም ኬኤዜ» ጌዔኔ።

ናማ:- «ኦኡኮ ፖኦሊሳ ያሎና ባሺንቴ ጳሽኬኔ፤ ሚርጌ ዓሲ ኦኡኮ ሃይቄኔ፤ ሃሣ ሳኣዖኦሊንታ ዒዛኮ ናኣዚ ዮናታኣኔያ ዋዶና» ጌዔኔ።

5 ደውቱ ዬያ ሃይሶ ዔኪ ሙኬ ዴጌሢ ኮይላ:- «ሳኣዖኦሊንታ ዒዛኮ ናኣዚ ዮናታኣኔንታ ሃይቄሢ ዋዲ ኔ ዔሬይ?» ጌይ ያኑጩኔ።

6 ዴጌሢ ማሃዖ:- «ታኣኒ ገልቦዓ ዲካ ዓኣዖ ሳኣዖኦሊ ፔኤኮ ዋርዖ ኮኣላዲ ዓኣንቴ፣ ሃሣ ዒዛ ሞርኮኮ ሳርጌሎ ያይታ ዴዒ ያላ ዓሰንታ ፓራሢና ያላ ዓሰንታ ዒዛ ባንሢ ሙካንቴ ታ ዴንቄኔ፤

7 ዒዚ ዒማና ገንሢም ሸሪ ታና ዴንቃዖ ዔኤላዛ፣ ታኣኒ:- «የ! ታ ጎዳ» ጌዔኔ፤

8 ዒዚ ታና:- «ኔ ዓንኮ ዓሲዳይ?» ጌዒ ያኑጩም፣ ታኣኒ ዓማሌቄ ዓሲታሢ ኬኤዜኔ፤

9 ዬካፓ ዒዚ:- «ሃኒ ሙኪ ታና ዋዴ፤ ዲኡቲ ታ ማኣሳኒ ዓኣሢር ታ ሃይቄያዎይ!» ጌዔኔ፤

10 ዒዚ ሎሎኣማዖ ሃይቃንዳሢ ታ ዔሬሢር ዒዛ ባንሢ ሙኪ ታ ዒዛ ዋዴኔ፤ ዬካፓ ታኣኒ ዒዚ ቶኦካ ዓጋ ቦንቾ ባኮንታ ጋዎንታ ዔኬኔ፤ ታ ጎዳ! ሃይሾ፣ ታ ኔኤም ዔኪ ሙኬኔ» ጌዔኔ።

11 ዬያር ደውቱ ያያዖ ፔኤኮ ማኣዓሢ ዳርዜም ዒዛና ዋላ ዓኣ ዓሳኣ ዒማይዴኔ፤

12 ሳኣዖኦሊንታ ናኣዚ ዮናታኣኔንታ ያኦሲ ያሎ ያላ፣ ዒሰራዔኤሌ ዓሳ ሚርጌ ሃይቄሢር ዴንዲ ሳዓ ዓማንዳያ ሄላንዳኣና ሙኡዚ ሙዑዋዖ ያዪ ዬኤኬኔ።

13 ደውቱ ዬያ ሃይሶ ዔኪ ሙኬ ዴጌሢ:- «ኔ ዓንኮ ዓሲዳይ?» ጌይ ያኑጩኔ።

ዒዚ ማሃዖ:- «ታ ኔ ዓጮይዳ ቤቲ ሙኪ ናንጋ፣ ዓማሌቄ ዓጪ ዓሲ ናይኬ» ጌዔኔ።

14 ደውቱ ዒማና:- «ሂዳዖ ናንገና ናንጋ ጎዳ ዶኦሚ ካኣታሢ ካኣቲ ዋዲ ኔ ጫርቄ ዋዴይ?» ጌይ ያኑጩኔ።

15 ዬካፓ ደውቱ ዒዛና ዋላ ዓኣ ዓሰይዳፓ ፔቲ ዓሲ ዔኤላዖ:- «ሃያ ዋዴ!» ጌይ ዓይሣዛ፣ ዬይ ዓሢ ዬያ፣ ዓማሌቄ ዓጮ ናማ ጳርቄ ዋዴኔ፤

1:10 1ሳሙ. 31:1-6፤ 1ዮኦሲ. ዓሃኬ 10:1-6።

16 ዲሞና ደውቴ ዓማሌቄ ዓሳሢ ኮራ፡- «ሃያ ባኮ ኔ ኔጊዳ ኔኤር ኔኤሲ ዔኪ ዩዔኔ፤ ናንጊና ናንጋ ጎዳ ደኦሜ ካኣቲ ታ ዋዴኔ» ጌይ ኬኤዚያና ኔጊዳ ኔ ኔኤር ዋጌኔ» ጌዔኔ።

ደውቴ ሳኦኦኤልና ዮናታኣኔና ዛሎ ቃዬ ቃዮ

17 ደውቴ ሳኦኦኤልና ዮናታኣኔና ዛሎ ያዩ ቃዬኔ፤

18 ዬያጉዲ ሃሃ ሂኢሺ ዛላ ቃዩንቴ ቃዮ ዪሁዳ ዳራ ጌይ ጌይ ዔራንዳጉዲ ዒዚ ዓይሣኔ፤ ዬይ ቃያ ያሻሬ ማፃላፖይዳ ፃኣፒንቴ ዓኣኔ፤

19 «ኑኡኮ ሱኡጋ ዒሰራዔኤል ጌሜርይዳ ሃይቄኔ፤ ኑኡኮ ፖኦሊሶፓ ዔርቴ ደደ ዓሳ ኩዳኔ!

20 ዬያ ሃይሶ ጋኣቴይዳ ኬኤዚፖቴ፤
ዓሰቄሎና ጎይይዳኣ ጌሰቲፖቴ፤
ፒሊሰፃኤሚ ላኣላ ዋዛዳንዳጉዲ
ዓቲንቶ ቤርቶ ቲቂንቲባኣ ዓሶኮ
ላኣሎ ዒላሺሲፖቴ።»

21 «ዔርቴ ያሎ ዓሶኮ ጊቲማ ዒኢካ ኬኤሪንቴ ዓቲሢር ሳኦኦኤልኮ ጊቲማ ዛይቶና ዑጩንቶ ዓቲሢር ጊልቦዓ ጌሜርይዳ ዒርዚ ዋርቆፓ

ሃሃ ያልኬያ ያልካደፓ!
ዔያቶኮ ጎዡይዳ ፔቴ ባኣዚታዎ ባቃሎፓ፤

22 ዮናታኣኔኮ ዓኣዛ ሳኣ ኬዱዋያኬ፤
ሳኦኦኤልኮ ጩንቾ ዓፓራ ሞርኮ ቲቂ ኩርሳያኬ፤
ዋልቆና ዓኣ ዴኤፖ ቆፂ ሜንሣያኬ፤
ሞርኮዋ ዋዳያኬ።»

23 «ዒሰራዔኤል ዳራ ቢያ ሳኦኦኤልና ዮናታኣኔና ዒናፓ ናሽኪ ዔያቶ ሄርሻኔ፤
ሳኦኦኤልና ዮናታኣኔና ዲሚዲዋዎ ዋላ ናንጌ፣ ዋላ ሃይቄኔ፤
ዔያታ ኮኦኬይዳፓ ባሼ ሩኡራያ፣
ዘቢዳፓኣ ባሼ ዋልቄ ዓኣያኬ።»

24 «ዒሰራዔኤል ላኣሊዮቴ!
ሳኦኦኤል ዒንሢ ሚዛጶ ሻኣዡ ዓፒሎ ማይሴሢር
ዋርቆና ሚዛጲሶና ማኣዓሢ ማይሴሢር
ሳኦኦኤል ዩኤኩዋቴ!»

25 «ዔርቲ ፖኦሊሳ ቢያ ኩዴኔ፤
ቢያሢ ሶሎና ሃይቄኔ፤
ዮናታኣኔያ ጌሚርይዳ ሃይቄ ላሄኔ!»

26 «ታ ዒሻሦ፥ ዮናታኣኔ!
ታ ኔ ዛሎ ዒናፓ ሶያኔ፤
ኔኤና ኑ ዋሊ ኮሺ ናሽካያኸ፤
ኔ ታና ናሽካ ናሹማ ሃይማኬ ጌይንቱዋያኸ፤
ዬይ ናሹማ ላኣሊ ናሽኮያይዳፓ ዑሣኬ።»

27 «ዋልቆና ዓኣ ዴኤፖ ሶሎ ዓሳ ሃይቄኔ!
ዔያቶኮ ሶሎ ዓንጋማኣ ጉሪ ዓቴ።»

2

ዳውቲ ዪሁዳይዳ ካኣታዴሢ

1 ዬካፓ ዳውቲ፡- «ዪሁዳ ካታሞይዳፓ ፔቲ ካታማ ታ ዴንዶንዶ?» ጌይ ናንጊና ናንጋ ጎዳ ሶኦጩኔ።

ናንጊና ናንጋ ጎዳ ማሃዖ፡- «ሂዮ፥ ዴንዴ» ጌዔኔ።

ዳውቲ ጊንሣ፡- «ዋና ካታሜሎ ዴንዶንዶይ?» ጌይ ሶኦጩኔ።

ናንጊና ናንጋ ጎዳ ዒዛሞ፡- «ኩብሮኣኔ ካታሞ ዴንዴ» ጌዔኔ።

2 ዬያር ዳውቲ ፔኤኮ ላሞ ላኣሎ ዒይዚራዔኤሌ ካታማ ሾይንቲ ዓሂናዓሞንታ ቁርሜሎሴ ካታማ ሾይንቲ፥ ሃይቄሢ ናኣባሌ ማቾ ዓቢጋይሎንታ ዔኪ ኩብሮኣኔ ዴንዴ፤

3 ዬያጉዲ ሃሣ ዳውቲ ዒዛና ዋላ ዓኣ ዓሶ ዔያቶኮ ማእሮ ዓሶና ዋላ ዔኪ ዴንዴሢሮ ዔያታ ኩብሮኣኔ ካታሞ ኮይላ ዓኣ ዳኮ ዳኮ ካታሞይዳ ዴዔኔ።

4 ዬካፓ ዪሁዳ ዓሳ ኩብሮኣኔ ሙኪ፥ ዳውቲ ዶኣሚ ዪሁዳይዳ ካኣታሢ።

ዳውቲ ዒማና ጌሌዓዴ ዓሲ ማዔ ያቤሼ ዓሳ ሳኣዖኦሌ ዱኡኪሢሢ ዋይዛዖ፥

5 ጌሌዓዴ ዓሲ ማዔ ያቤሼ ዓሶም፡- «ሳኣዖኦሌ ዱኡኪያና ዒንሢኮ ካኣቲም ኮሺ ማዶ ዒንሢ ማዶሢሮ ናንጊና ናንጋ ጎዳ ዒንሢ ዓንጅንጎ።

6 ሃሣ ዒዚ ፔኤኮ ኮሹሞና ጉሙርቁንቲዖዋ ዒንሢም ፔጋሲ ዳዎንጎ፤ ዒንሢ ማዶ ኮዦ ማዶሮ ታኣኒያ ዒንሢም ኮሺ ማዶ ማሃንዳ።

7 ዓካሪ ዲንሢኮ ካኣታሢ፡ ሳኣፆኦሌ ሃይቁሢሮ ዲጊጨፖቴ! ደዲዋቴ! ዪሁዳ ዴራ ታና ደኦሚ ካኣታሢኔ» ጌይ ከኢታ ዓሲ ደከኔ።

ዔሽባዓኣሌ ዲሰራዔኤሌይዳ ካኣታዳሢ

8 ሳኣፆኦሌኮፖኦሊሶ ዓይሢ፡ ኔሪናኣዚ፡ ዓቤኔሬ ሳኣፆኦሌናኣዚ ዔሽባዓኣሌና * ዋላ ዮርዳኖሴ ዎሮና ፒንቁ ማሂናይሜ ካታሞ ፑኒ ዴንዴኔ፤

9 ዲኢካ ዓቤኔሬ ጌሌዓዴ ዓጮይዳ፡ ዓሴኤሬይዳ፡ ዲይዚራዔኤሌይዳ፡ ዔፕሬኤሜንታ ቢኢኒያሜንታ ጌይፃ፡- ዲሰራዔኤሌ ዓጮ ቢያ ዎይሢንዳጉዲ ዔሽባዓኣሌ ካኣታሢኔ።

10 ዲዚ ካኣታዳኣና ሌዓ ዲዛኮ ያይዲታሚከ፤ ላሞፆ ሌዔ ዲ ካኣታዲ ዎይሢኔ።

ዪሁዳ ፃጳ ጋዓንቴ ዳውቴ ዓሲ ማዒ ዴዴዔኔ፤

11 ዳውቴያ ዲማና ከብሮኦኔይዳ ዴዒ ዪሁዳ ዓጮ ቢያይዳ ላንካይ ሌዔና ዛላና ካኣታዳኔ።

ዲሰራዔኤሌ ዓሶና ዪሁዳ ዓሶና ዋላ ያልቴ ያሎ

12 ዓቤኔሬና ዔሽባዓኣሌ ደንዘና ማሂናይሜፓ ዔቁ ጌባፆኦኔ ካታሞ ሙከኔ፤

13 ዲንዳ ፃራያ ጌይንታ ዲዮዓቤና ዳውቴ ቢታንቶ ዲንጌ ዓሳኣ ሙከ ጌባፆኦኔይዳ ቦቆሎ ዓጮ ዔያቶና ካኣሜኔ፤ ዔያታ ፔቴይዳ ፓቂንቴ ፓቂንቴ ቦቆሎ ዋኣፆ ኮይሎይዳ ሶ ሱኮና ሃኒ ሱኮናይዳ ዴዔኔ።

14 ዲማና ዓቤኔሬ ዲዮዓቤ ኮይላ፡- «ኑ ዓሶፓኣ ዲንሢ ዓሶፓኣ ዴጌ ዴጌ ኑ ደኦራዛ ያ ባሻቴያ ዋሊ ዔያታ ሂንዳ ዛጎንጎ» ጌዔኔ።

ዲዮዓቤ፡- «ቃራከ» ጌዔኔ።

15 ዬያሮ ቢኢኒያሜ ዓሶ ካኣቴ ዔሽባዓኣሌ ዛላፓ ደኦሪንቴ ታጳ ላሞፆ ዓሲና ዳውቴ ዓሶና ዋላ ያሎ ዓርቁኔ።

16 ዬካፓ ፔቴ ፔቴ ዓሳ ፔኤኮ ሞርኮኮ ቶኦኮ ጋፓኖ ማሪ ዓርቁ ጎኦቦይዳ ጎኦቦይዳ ጨንቾ ዓራፖና ዋሊ ጫርጌኔ፤ ዬያይዲ ላማታሚ ያይደ ዓሲ ፔቴና ዲኢካ ሃይቁኔ፤ ዬያሮ ጌባፆኦኔይዳ ዓኣ፡ ዬና ቤዜላ፡- «ያልዚ ሳዓ» ጌይንቴኔ።

* 2:8 ዔሽባዓኣሌና ሃና ሱንፃ ዔብሬ ዓሶ ሙኤጮ ማፃአፖይዳ «ዲያቡሰቴ» ጌይንቴኔ፤ ዓሢኮ ሱንፃ ጋዓንቴ ዔሽባዓኣሌከ (1ፆኦሲ. ዓሃከ 8:33፤ 9:39፤ ሆሴ. 2:16፤ ዔር. 11:13ይዳ ዛጌ።) ዔብሬ ዓሶ ሙኤጮ ማፃአፖይዳ ዓሳ ዬያ ሱንፃ ላኣማኒ ኮዔሢ ካኣና ኔ ዓሶኮ ባዓኣሌ ጌይንታ ያኦዞ ሱንፃይዳ ጌሢንቴኔ ጌይከ፤ ካኣቴ ዳውቴ ዎዶና ባዓኣሌ ጌይፃ ናገሬና ጎጋ ጎዳ ማዔ ዲሰራዔኤሌ ያኦሲ ጌይሢከ።

17 ዬኖ ከሎ ደዲ የልዚ የለንታዛ ዳውቴ ዓሳ ዓቤኔሬንታ
ዒሰራዔኤሌ ዓሶንታ የሊ ባሽኔ።

18 ዒማና ዒዮዓቤ፣ ዓቢሻዬ፣ ዓሳሄሌ፣ ሃይሣ ጌሩያ ናኦታኦ ዒኢካ
ዓኣኔ፤ ዬያሮ ገንገጉዲ ሩኡሪ ጳሽካ፣ ዓሳሄሌ፣

19 ዓቤኔሬ ሌሊ ዋዳኒ ገንገ ዳውሲ ዴንዴ፤

20 ዓቤኔሬ ዒማና ገንሢም ሺሪ ዛጋዎ፡- «ዓሳሄሌ! ኔናዳ?»
ጌዔኔ።

ዓሳሄሌ ማሃዎ፡- «ሂዮ፣ ታናኬ» ጌዔኔ።

21 ዓቤኔሬ ዒዛ ኮራ፡- «ታና ዳውሲያ ሃሽ! ዬያይዳፓ ሃንጎ
ፖኦሊሶፓ ፔቴ ዳውሲ ዓርቂ ዓኣ ባኮ ቢያ ዔኬ» ጌዔኔ፤ ጋዓንቴ
ዓሳሄሌ ዋይዘ ዒዲ ዒዛ ሌሊ ዳውሴኔ፤

22 ዬያሮ ላሚ ዓቤኔሬ፡- «ታና ዳውሶ ሃሽ! ታ ኔና ዋዳንዳጉዲ
ዓይጋ ኔ ሃያይዳይ? ታ ኔና ዋዴቴ ኔ ጌርሲ ዒዮዓቤኮ ዓኣፖ ካሮ
ዋይቲ ታ ዛጋንዳይ?» ጌዔኔ።

23 ዓሳሄሌ ጋዓንቴ ዳውሲያ ሃሽ ዒፃዛ፣ ዓቤኔሬ ፔ ዋርዖና
ገንሢም ዓሳሄሌኮ ጎጳ ጫርጊ ዙሌና ሶፐሴኔ፤ ዬያሮ ዓሳሄሌ ሳዓ
ሎኦሚ ሃይቄኔ፤ ዒዛኮ ሌዛ ዓኣ ቤዘና ዓኣዳ ዓሲ ቢያ ዔቂ ዒቂ
ዒዛኮ ሌዘ ዛጋኔ።

24 ዬካፓ ዒዮዓቤና ዓቢሻዬና ዓቤኔሬ ዳውሴኔ፤ ዔያታ ዳውሴ
ጎይሣ ዓኣንቴ ዓባ ጌላዛ ጊያሄኮ ዓባ ኬሰካ ዛሎና፣ ጌባዎኦኔ ባንሢ
ዓሲ ናንጉዋ ዳውሎይዴና ዔኪ ዴንዳ ጎይዎይዳ ዓኣ ዓማ ጌሜሮ
ዔያታ ሄሌኔ።

25 ዬካፓ ቢኢኒያሜ ፃጳ ላሚ ቡኪንቴ ዓቤኔሬ የላኒ ጊኢጊንቴ
ሙካዎ ዬኖ ጌሜሮ ቶኦካ ኬሰኪ ዔቄኔ።

26 ዒማና ዓቤኔሬ ዒዮዓቤ ዔኤላዎ፡- «ኮ ዋሊ የሌ ጎይሣ
ናናጋንዳ? ጋፐንፃ ፑርታ ማዓንዳሢ ኔኤም ዔርቱዋዳዳ? ኔ
ዓሳ ኑና፣ ፔ ጌርሲንሢ ዳውሲያ ሃሻንዳጉዲ ኔ ኬኤዙዋኣሢ
ዓይጎርዳይ?» ጌዔኔ።

27 ዒዮዓቤ ዒማና፡- «ዎኦሲ ሃይቆ! ኔ ዋንዴ ዬያ ፑርቶ ጌኤዘና
ዓሶ ዳጋሲባኣያታቴ ታ ዓሳ ሄኤዶ ጉቴ ፔ ጌርሲንሢ ዳውሲያ ሃሽ
ዴንዴያናንዳንቴኬ» ጌዔኔ።

28 ዬካፓ ዒዮዓቤ ዛያሢ ፔኤኮ ዋርቃዛ፣ ዴራ ቢያ ዒሰራዔኤሌ
ዓሶ ዳውሲያ ሃሽ ዔቄኔ፤ ዬማፓ ማይ የሊባኣኔ።

29 ዬያሮ ዓቤኔሬና ዒዛ ዓሶና ዳሚ ሃንቴ ጎይሣ ዓራባ ዶኦጮና
ጌይ ዮርዳናሴ ዋሮና ፐንቄኔ፤ ቤትሮኔናኣ ዓኣዲ ማሂናይሜ ሄሌኔ።

30 ዲዮዓቤ ዓቤኔሬ ዳውሲዖ ሃሺ ማዓዖ ፔኤኮ ዳር ቢያ ቡኩሴኔ፤ ዲማና ዳውቴ ዓሶ ባኣካፓ ዓሳሄሌ ሃሾዛ ታጾ ታዞጾ ዓሲ ዓንኮ ጌሌቴያ ዔርቲባኣሴ።

31 ዳውቴ ዓሳ ቢኢኒያ ማጻ ማዔ፣ ዓቤኔሬ ዓሶፓ ሃይሆ ጭኦታና ላሃታሚ ዓሲ ዎዳኔ።

32 ዲዮዓቤና ዲዛና ዎላ ዓኣ ዓሳ ዓሳሄሌኮ ሌዞ ዔኪ ቤኤቴሌሄሜይዳ ዓኣ ማኣር ዓሶ ደኡፖ ቤዛ ደኡኩኔ፤ ዬያይዳዖ ዬና ዎንቴሎ ሃንቴ ጎይሣ ዎርቂ ሳዓ ካራማና ኬብርኣኔ ሄሌኔ።

3

1 ሳኣዖኦሌ ማኣርና ዳውቴ ማኣር ዓሶና ዎላ ዬያይዳ ዖልቲ ሚርጌ ናንጌኔ፤ ያዲ ማዔቴያ ዳውቴ ዓሳ ደዲ ደዲ ዓኣዳዛ ሳኣዖኦሌ ማኣራ ላቢ ላቢ ሙኩኔ።

ዳውቴ ናኣቶ

2 ዳውቴ ኬብርኣኔይዳ ዓኣዖ ላሆ ዓቲንቄ ናይ ሾዔኔ፤ ዬያቶኮ ቶይዲ ዲይዚራዔኤሌ ካታማ ሾይንቴዞ ዓሂኖዓሞ ናኣዚ፣ ዓሞኖኣኔከ፤

3 ላሞዓሳሢ፡- ቁርሜሎሴ ካታማ ሾይንቴዞ፣ ናኣባኣሌ ማቾ ዓቢጋይሎ ናኣዚ ኪልዓቤከ፤ ሃይሣሳሢ፡- ታልማዬ ጌይንታ ጌሹሬ ካኣቲ ናኣ፣ ሾኤ ዓቤሴሎሜከ፤

4 ዖይዳሳሢ፡- ሃጊቴ ሾኤ ዓደኒያ፤ ደንጋሳሢ፡- ዓቢፃላ ሾኤ ሼፓዲያ፤

5 ላሃሳሢ፡- ዲዛኮ ማቾ ዔግላ ሾኤ ዩትሬዓሜከ፤ ዬንሢ ቢያ ዲ ኬብርኣኔይዳ ዓኣዖ ሾዔያከ።

ዓቤኔሬና ዳውቴና ዎላ ጌሰቲ ቡኩሢሢ

6 ሳኣዖኦሌ ማኣርና ዳውቴ ማኣርና ዎላ ዖላኣና ዓቤኔሬ ሳኣዖኦሌ ማኣር ዖሊ ባሻያ ማዔኔ።

7 ሳዖኦሌኮ ጊንፃኣ ማቾ ሪዒፓ ጎዖሰኬና ዓኣኔ፤ ዲዛ ዓያ ናይከ፤ ፔቴ ከሊ ሳኣዖኦሌኮ ናኣዚ፣ ዔሽባዓኣሌ ዓቤኔሬ ኮይላ፡- «ታ ዓደኮ ጊንፃኣ ማቾ፣ ሪዒፓና ዎላ ኔኤኒ ዓይጋ ላሄይ?» ጌይ ዖኦጭኔ።

8 ዬይ ሃይሳ ዓቤኔሬ ኮሺ ዳጋሴሢ፡- «ታኣኒ ዪሁዳ ፃጾይዳ ቃቃሲንቴያ፣ ፓሁዎ ካኒዳ? ታኣኒ ኔ ዓደ ማኣርም ዲዛኮ ጌርሲንሢና ዓሊኖናም ጉሙርቁንታያ ማዔኔ፤ ኔናኣ ታኣኒ ዳውቴም ዓኣሢ ዲንጊባኣሴ፤ ሂዳዖ ዬና ላኣሌሎ ዛሎና ዎዲ ኔ ታና ሶቂ ሺራይ?

9-10 ናንጊና ናንጋ ጎዳ ሳኦኦሌኮ ካኦቱሞ ዒዛና ዒዛ ዜርዖናይዳፓ ዔኪ ደውቲ ካኦታዲ ዎይሣ ዓጮ ዒሰራዔኤሌና ዪሁዳናይዳ ኬዶ ዛሎ ዳኣኔ ዓጮፓ ዴንዲ ዶኦሎ ዛሎና ቤርሳቤ ሄላንዳኣና ዳልጊሻኒ ጫኦቄ ጎይዎ ታ ማዲሺባኣቲ ያኦሲ ታና ባይዘሞ!» ጌዔኔ።

11 ዔሽባዓኣሌ ዒማና ሚርጌና ዒጊጮሣረ ዓቤኔሬ ኮይላ ፔቴታዎ ዔኤቢ ጌይባኣሱ።

12 ዬካፓ ዓቤኔሬ ኩብሮኦይይዳ ዓኣ፥ ደውቲሞ፡- «ሃኖ ዓጮ ዎይሣንዳሣ ያናዳይ? ዬያሮ ሃሣ ኔ ታኣና ዎላ ጫኦቄሞ ጫኦቄ ጊኢጌ፤ ጉቤ ዒሰራዔኤሌ ዓጮ ኔ ዴማ ዎርቃንዳጉዲ ማሃኒ ታ ኔና ማኣዳንዳኔ» ጌዒ ከኢታ ዓሲ ዳኮኔ።

13 ደውቲ ማሃዎ፡- «ቃራኬ! ታ ኔኤና ዎላ ጫኦቃንዳኔ፤ ጋዓንቴ ዬያኮ ቤርታ ኔ ታኣሞ ማዳንዳ ባኣዚ ዓኣኔ፤ ዬና ዓይጎዳይ ጌዔቲ ኔ ታ ኮይላ ሙካ ዎዶና ሳኦኦሌኮ ናዎ ማልኮኦሎ ዔኪ ሙኮ፤ ዬያይዲባኣቲ ኑ ዎላ ካኣማዓኬ» ጌዔኔ።

14 ዬካፓ ሃሣ ደውቲ ዔሽባዓኣሌ ኮይላ፡- «ታኦኮ ማቾ ማልኮኦሎ ማሂ ዒንጌ፤ ታ ዒዛ ዔኪሮ ጌይ ፔቴ ያኤታ ፒሊሰያኤማ ዓሶኮ ዓቲንቴ ቤርቲ ቲቁሣ ጨጌያኮ» ጌዔኔ።

15 ዬያሮ ዔሽባዓኣሌ ከኢታ ዓሲ ዳኪ ላዎሽ ናኣዚ፥ ዒዞኮ ዓኒ፥ ፓልዒዔኤሌ ዑፃፓ ማልኮኦሎ ዔኮኔ፤

16 ዒዞኮ ዓኒ፥ ፓልዒዔኤሌ ዬኤኪ ዬኤኪ ባሁሪማ ካታሞ ሄላንዳኣና ጊንዎ ዴንዴኔ፤ ጋዓንቴ ዓቤኔሬ ዒማና፡- «ኔ ማኣሪ ማዒ ዴንዴ» ጋዓዛ፥ ዒዚ ዴንዴኔ።

17 ዬካፓ ዓቤኔሬ ዒሰራዔኤሌ ሱኡጎ ኮይላ ዓኣዳዎ፡- «ዒንሣ ሚርጌ ዎዴ «ደውቲ ኦኡኮ ካኣቲ ማዓቲ ዓይጎ!» ጌይ ጌይ ዓኣኔ፤

18 ሃይሾ ዓካሪ ካኣታሱዎቲ፤ ናንጊና ናንጋ ጎዳ፡- ታ ዓይላሣ፥ ደውቲ ዛሎና ታ ዴሮ ዒሰራዔኤሌ ዓሶ ፒሊሰያኤማና ሃንጎ ሞርኮ ኩጫፓኣ ዓውጎንዳኔ» ጌዔሣ ጸቂሁዎቲ» ጌዔኔ።

19 ዒማና ዓቤኔሬ ቢኢኒያማ ፃጶ ዴሮሞ ዬያ ኬኤዜኔ፤ ዬካፓ ቢኢኒያማና ዒሰራዔኤሌ ዴሮና ማዳኒ ጌሰቴ ባኮ ደውቲሞ ኬኤዛኒ ኩብሮኦይ ዴንዴኔ።

20 ዓቤኔሬ ላማታሚ ዓሲና ዎላ ደውቲ ዓኣ ቤዘ፥ ኩብሮኦኔ ሙካዛ ደውቲ ዔያቶሞ ሙኡዚ ጊኢጊሺኔ፤

21 ዓቤኔሬ ደውቲ ኮይላ፡- «ዒሰራዔኤሌ ዓሳ ኔኤና ዎላ ጫኦቄሞ ጫኦቃንዳጉዲ ኔ ሽና ጌዔ ጎይዎጉዴያ ቢያሣ ዑፃ

ኔ ካኦታዳንዳጉዲ ማሃኒ ዒሰራዔኤሌ ዓሶ ባንሢ ታ ዴንደም»
ጌዔሢሮ ዳውቱ ዓቤኔሬ ዳካዛ ኮሺና ዒ ዴንዴኔ።

ዓቤኔሬኮ ሃይቦ

22 ዒማና ዒዮዓቤና ዳውቱኮ ሃንጎ ፖኦሊሶና ሚርጌ ባኣዚ ዲዒ ዔኪ ያላፓ ማዒ ሙኬኔ፤ ዓቤኔሬ ጋዓንቴ ዳውቱ ዒዛ ሳራሢ ዳኪሢሮ ኬብሮኦኔይዳ ባኣሱ።

23 ዒዮዓቤና ዒዛ ዓሶና ያላፓ ሙካኣና ኔሬ ናኣዚ ዓቤኔሬ ካኣቲ፣ ዳውቱ ከይላ ሙኬም ካኣቲ ሳራሢ ዓቤኔሬ ዳኪሢሮ ዓሲ ዒዮዓቤም ኬኤክኔ።

24 ዬያሮ ዒዮዓቤ ካኣቲ ኮይላ ሙካዮ፡- «ኔ ዓይጎ ማዶ ማዶይ? ዓቤኔሬ ኔ ኮራ ሙካዛ ዎዲ ዒዛ ኔ ሳራሢ ሃሺ ዳኪይ?

25 ዒዚ ሃይካ ሙኬሢ ኔና ጌሻኒ፤ ሃሃ ኔ ዓይጎ ማዳቲያ ዎኒ ኔ ዴንዳቲያ ሙራኒታሢ ኔኤኒ ዔሩዎዒ!» ጌዔኔ።

26 ዒዮዓቤ ዳውቱ ኮይላፓ ኬሰኪ ዴንዳዮ ዓቤኔሬ ዔኪ ሙካንዳጉዲ ዓሲ ዳኪኔ፤ ዬንሢ ዓሳ ዒዛ ዚራ ጌይንታ ዔቶ ዎኣዮ ካራፓ ማሃ ዔኪ ሙኬኔ፤ ዳውቱ ጋዓንቴ ዬያ ባኮ ፔቲታዮ ዔሩዎሱ።

27 ዓቤኔሬ ማዒ ኬብሮኦኔ ሙካዛ ዒዮዓቤ ዒዛ ዴማሲ ዔኤቢ ጌሰታንዳያ ማሊሲ ካታሞ ጌሎ ካሮ ባንሢ ዔኪ ዓኣዲ፣ ጎጳ ዒዛኮ ጫርገ ዎዳኔ፤ ዒዮዓቤ ዬያይዔሢ ዓቤኔሬ ቤርታ ዒዛኮ ጌርሲ፣ ዓሳሃሌ ዎዳሢሮ ኮሞ ማሃኒኬ።

28 ዳውቱ ዒማና ዓቤኔሬ ዎዶናሢ ዎይዛዮ፡- «ታናንታታ ዓጮይዳ ዓኣ ዴራ ዓቤኔሬ ዎዶና ሱጉይይዳፓ ኑ ጌኤሺታሢ ናንጊና ናንጋ ጎዳ ዔራ።።

29 ዬያሮ ናንጊና ናንጋ ጎዳ ዳካንዳ ፑርቶ ሜታ ዒዮዓቤና ዒዛ ማኣሮ ዓሶ ሃሎም! ዔያታ ናንጋ ዎዶ ቢያይዳ ዔያቶኮ ማኣሮ ዓሶ ባኣካፓ ዛርሶ ዶርዮና ዑይይዳ ኬሰካ ዶርዒሢና ባይቆፓ! ሃሃ ጊንሣ ጉንዮ ማዓ ዓሲ፣ ያልዚና ሃይቃ ዓሲንታ ናይዚና ሜታዳ ዓሲያ ባይቆፓ!» ጌዔኔ።

30 ዬያይዳ ዒዮዓቤና ዓቢሻዬና ዔያቶኮ ጌርሲ ዓሳሃሌ ጌባዮኦኔይዳ ዒ ዎዳሢሮ ዓቤኔሬ ዎዲ ኮሞ ማሃኔ።

ዓቤኔሬ ዴኡኪንቴሢ

31 ዬካፓ ዒዮዓቤንታ ዒዛ ዓሶንታ ፔኤኮ ማኣዓሢ ዳርዚ፣ ፓቲሌያ ማይንቴ ዓቤኔሬ ዬኤካንዳጉዲ ዳውቱ ዓይሢኔ፤ ሃሃ ዓቤኔሬ ዴኡኪንታኣና ዴኡፖ ቤዞ ሌዞ ዔኪ ዓሶና ዎላ ካኣቲ ዳውቱ ዴንዴኔ፤

32 ዓቤኔሬ ዒማና ኬብሮኦኔይዳ ዴኡቲኔ፤ ካኣቲ ዒኣካ ዴኡፖ ቤዞ ዒላቲ ዬኤከኔ፤ ዬያሮ ዴራኣ ጉቤ ዒዛ ዛጊ ዒማዲ ዬኤከኔ፤

33 ዳውቴ ዓቤኔሬ ዛሎ ምዩያ ዔርዛኒ ሂዚ ጌይ ቃዬኔ፡-

«ዓቤኔሬ ላኣፓ ዓሲጉዲ ሃይቂያ?

34 ኩጫ ኔኤኮ ቱኡቲባኣሴ

ቶካኣ ኔኤኮ ዱፆና ቱኪንቲባኣሴ፤

ኔኤኒ ያዲ ማዒ ዓኣያታያ

ፑርታ ዓሲ ኩሸካ ሃይቃ ዓሲጉዲ ዎዲ ሃይቂያ!»

ዒማና ዴራ ቢያ ዓቤኔሬ ዛሎ ገንሣ ዩኤኮኔ።

35 ዒዞ ዓቦ ዳውቴ ሙኡዚ ሙዓንዳጉዲ ዓሳ ዒዞ ሸኢቁኔ፤ ዒዚ ጋዓንቲ፡- «ሃኖ ዓቢ ጌሉዋንቲ ሙኡዚ ታ ሙዔቴ ያኦሲ ታና ባይዘም!» ጌይ ጫኣቁኔ።

36 ዴራ ቢያ ዒ ማዴ ባኮ ዛጋያ ዎዛዴኔ፤ ካኣቲ ማዴ ባካ ቢያ ዴር ጎኔ ዎዛሴኔ።

37 ዳውቴ ዓሶንታ ዒሰራዔኤል ዴር ጉቤሢንታ ዓቤኔሬ ዎዲያይዳ ካኣቲ፡ ዳውቴ ባኣያ ማዔሢ ዔሬኔ።

38 ካኣቲ ፔኤኮ ደንዘም፡- «ሃኖ ዒሰራዔኤሌይዳ ዴኤፒ ሱኡጌ ሃይቁሢ ዒንሢም ዔርቱዎዳ?»

39 ጎኔና ታና ያኦሲ ደኦሚ ጌሢ ካኣቲ ታኣኒ ማዔቴያ ሃኖ ታኣኒ ላቢንቲ ዓሲ ማዔሢ ታኣም ዔርቲኔ፤ ዩያታ ፆሩያ ናኣታ ታጊዳ ሚርጌና ዎልቃዴኔ፤ ዔያታ ማዴ ፑርቶ ማዴር ዔያታ ማዴማጉዲ ያኦሲ ዔያቶም ማሂ ዒንጎም» ጌዔኔ።

4

ዔሸባዓኣሌ ዎድናሢ

1 ኩብርኣኔይዳ ዓቤኔሬ ዎድናሢ ሳኣዎኦሌ ናኣዚ፡ ዔሸባዓኣሌ ዎይዛያ ሚርጌና ዒጊጨኔ፤ ሃሣ ዒሰራዔኤሌ ዓሳኣ ቢያ ዲቃቲ ካራ ባይዘኔ፤

2 ዔሸባዓኣሌኮ ዴማ ዴማ ፓቂንቲ ፖኦሊሶ ሱኡጌ ማዔያ ላምያ ዓሲሰኩንሢ ዓኣኔ፤ ዔያታ፡- ቢኢኒያሜ ፃጳፓ ቤዔርቲይዳ ሸይንቲያ፡ ሪምኔ ጎዎሰኤያኮ ናይ ማዔያ ቤዓናና ሪካቤናኩ፤ ቤዔርቲ ጌይንታዞ ቢኢኒያሜ ዓጮይዳ ማዒ ፓይዲንታያኩ፤

3 ቤዔርቲይዳ ቤርታዲ ናንጋ ዓሳ ጌታይሜ ጌይንታ ቤሲ ፑኒንቲ ዴንዲ ዩማፓ ዓርቃያ ዒኢካ ናንጋኔ።

4 ባጋሢ ሳኣዎኦሌ ዜርሢ ማዔ ዮናታኣኔ ናኣዚ፥ ሜሪባዓኣሌ * ማዓዛ ዒዚ ሳኣዎኦሌና ዮናታኣኔና ዎዲንቴ ዎዶና ሃጊ ዶንጎ ሌዔ ናይኩ፤ ዔያቶኮ ሃይባ ዒይዚራዔኤሌ ካታማ ኬኤዚንታዛ ዒዛ ዲቻ ባሴላ ዔኪ ዒዛ ጳሽኬኔ፤ ጋዓንቴ ዒዛ ሩኡሪ ጳሽካሢሮ ሜሪባዓኣሌ ዒዛኮ ኩጫፓ ኬዲ ሎኦሜኔ፤ ዬያሮ ዒ ዎቦ ማዔኔ።

5 ዒማና ሪሞኔ ናኣታ ሬካቤና ቤዓናና ዔሽባዓኣሌ ማኣሪ ዴንዲ ዓባ ሳዛ ማዓማና ሄሌኔ፤ ዒዚ ሮኦሮና ፔኤኮ ሃውሻጊ ጋራ ላሂ ጊንዒ ዓኣኔ፤

6 ካሮ ካፒ ዓኣ ላኣሊሰኬና ዛርጌ ፒዲሲቤቃ ፔኤኮ ጊጊንዓኔ፤ ዬያሮ ሬካቤና ቤዓናና ቃኣፂ ኮይሊና ጋሮ ጌሌኔ፤

7 ዔያታ ጌላዎ ዔሽባዓኣሌ ላሂ ዓኣ ቆልዎ ጌሊ፥ ዒዚ ሻኣላይዳ ላሂ ዓኣንቴ ጫርጊ ዎዴኔ፤ ቶኦኮዎ ቲቂ ዔኬኔ፤ ዬካፓ ዔያታ ዬኖ ኬሎ ዎንቶዎ ጉቤ ሃንቴ ጎይሢ ዮርዳኖሴ ዎሮ ዶኦጮና ጌይ ዴንዴኔ፤

8 ዒማና ዔያታ ዔሽባዓኣሌኮ ቶኦኮ ኬብሮኦኔይዳ ዓኣ፥ ካኣቲ ዳውቴም ዔኪ ሙካዎ፡- «ኔና ዎዲኒ ኮዓ፥ ኔ ሞርካሢ ሳኣዎኦሌኮ ናኣዚ ዔሽባዓኣሌ ቶኦኮ ሃኣዛጌ፤ ካኣቲዮ! ሃኖ ሳኣዎኦሌና ማኣሮ ዓሶናኮ ኮሞ ኔ ማሃንዳጉዲ ናንጊና ናንጋ ጎዳ ዓይሢኔ» ጌዔኔ።

9 ዳውቴ ዔያቶ ኮይላ፡- «ሜቶ ቢያፓ ታና ዓውሴ፥ ናንጊና ናንጋ ጎዳ ሃይቆ!

10 ሳኣዎኦሌ ሃይቄሢ ኬኤዛጊ ፂቅላጌ ታ ኮይላ ሙኬ ኪኢቶ ዓሢ ኮሺ ሃይሴ ታኣም ዒ ዔኪ ዬዔያ ዒዛም ማሌኔ፤ ጋዓንቴ ታኣኒ ዒዛ ዓርቂ ዎዲሹኔ፤ ኮሺ ሃይሴ» ጌይ ታኣም ዔኪ ሙኬ ዓሢም ታ ማሂ ዒንጌ ባካ ዬማኬ።

11 ዓካሪ ሃሢ ፔ ማኣሮይዳ ላሂ ዓኣ ጌኤዦ ዓሢ ዎዴ ዓሶም ታ ማሂ ዒንጋንዳ ባካ ዎዚ ባሺ ፑርታንዳይ? ዒዛ ዒንሢ ዎዴሢሮ ታ ዒንሢ ዎዴ ኮሞ ዔካጊ ዓጮይዳፓ ጋፒሲ ታ ዒንሢ ባይዛንዳኔ!» ጌዔኔ።

12 ዬማጋጋዓዎ ዔያቶ ዎዳንዳጉዲ ዒዚ ፔኤኮ ፖኦሊሶ ዓይሢኔ፤ ፖኦሊሳ ዒማና ሬካቤና ቤዓናና ዎዴ፥ ዬያቶኮ ኩጫንታ ቶኮንታ ቲቂ ኬብሮኦኔይዳ ዓኣ ቦቆሎ ኮይላ ሚሢዳ ሱጼኔ፤ ዬካፓ

* 4:4 ሜሪባዓኣሌ ዬና ሱንፃ ዔብሪ ዓሶ ሙኤጮ ማፃኣፖይዳ «ሜፒቦሽቴ» ጌይንቴ፤ጋዓንቴ ሂንዳ (1ዎኦሲ. ዓሃኬ 9:34፤ 40ይዳ ዛጌ።) ዬያ ዓሢኮ ፐዜ ሱንፃ ሜሪባዓኣሌኬ፤ ዬና ጌይፃ፡- «ናንጊና ናንጋ ጎዳ ኦ ዛሎ ዖልታኔ» ጌይሢኬ፤ ዔብሪ ዓሶ ዬያ ሱንፃ ሸርሺሴ ሜቶ 1ዎኦሲ. ዓሃኬ 2:8 ዛጌ። 4:4 2ሳሙ. 9:3። 4:10 2ሳሙ. 1:1-16።

ዔሽባዓኣሌኮ ቶኦኮ ዔኪ ዴንዲ ዒኣካ ኬብሮኦኔይዳ ዓኣ ዓቤኔሬ ዲኡፖ ቤዛ ዲኡኬኔ።

5

ዳውቲ ዒሰራዔኤሌንታ ዪሁዳንታይዳ ካኣታዳህሂ
(1ፆኦሲ. ዓሃኬ 11:1-9፤ 14:1-7)

1 ዬካፓ ዒሰራዔኤሌ ዜርፃ ቢያ ኬብሮኦኔይዳ ዓኣ፡ ዳውቲ ኮይላ ዴንዲ፡- «ዋይዜ፤ ኑኡኒ ኔ ዜርህሂ ማዔ ኔ ዒጊኖኬ።

2 ሃያኮ ቤርታ ሳኦፖኦሌ ኑኡኮ ካኣቲ ማዒ ዓኣ ዋዶናታፖ ዒሰራዔኤሌ ዓሶ ፆሎ ፆሊሳኒ ዔኪ ዴንዲህሂ ኔናኬ፤ ዬያፓዲ ሃሃ ዒዛ ዴር፡ ዒሰራዔኤሌ ዓሶኮ ኔ ዔኪ ዓኣዳያ ማዓንዳፓዲና ዒሰራዔኤሌይዳኣ ኔ ካኣታዳንዳፓዲ ናንጊና ናንጋ ጎዳ ኔኤም ጫኣቄኔ» ጌዔኔ።

3 ዒሰራዔኤሌ ዓሶኮ ሱኡጋ ቢያ ኬብሮኦኔይዳ ዓኣ፡ ዳውቲ ኮይላ ሙኩህሂ ፆዲዲኬ፤ ዒዚያ ዔያቶና ዋላ ናንጊና ናንጋ ጎዳ ቤርታ ጌሰቲ ጊኣጊ ጫኣቄኔ፤ ዔያታ ዒዛ ዒማና ቲሽኪ ዶኣሚ ዒሰራዔኤሌይዳ ካኣታህኔ።

4 ዳውቲ ካኣታዳኣና ለዓ ዒዛኮ ሃይህታሚኬ፤ ዋሊ ዑፃ ዒ ካኣታዲ ዴዔ ለዓ ፆይዲታሚኬ።

5 ጌይፃ፡- ኬብሮኦኔይዳ ዓኣፖ ዪሁዳይዳ ላንካይ ለዔና ዛላና፤ ዬሩሳላሚይዳ ዴዒ ዪሁዳና ጉቤ ዒሰራዔኤሌ ዓጮናይዳ ሃይህታሚ ሃይሃ ለዔ ካኣታዳኔ።

ዳውቲ ዬሩሳላሚ ዖሊ ባሽህሂ

6 ካኣቲ፡ ዳውቲና ዒዛ ዓሶና ዒያቡሳ ዓሶ ፆላኒ ዬሩሳላሚ ዴንዴኔ፤ ዳውቲ ዬኖ ዓጮ ጌሊንዲዋያ ዔያቶም ማሌህሮ ዒኣካ ናንጋ ዓሳ፡- «ፔቲታፖ ኔ ሃይካ ጌላኒ ዳንዳዑዋሴ፤ ማሌ ዓታዛ ዓኣፓ ባይቄ ዓሶና ዋቦ ዓሶና ካታሞ ኔና ጌለዛዓኬ» ጌዔኔ።

7 ዳውቲ ጋዓንቲ ፃዮኔይዳ ዔያታ ማዜ ዋርዲዮ ጌሊ ዓርቄኔ፤ ዬና ካታሚላ፡- «ዳውቲ ካታማ» ጌይንቲኔ።

8 ዬኖ ኬሎ ዳውቲ ፔኤኮ ዓሶም፡- «ዒያቡሳ ዓሶ ፆላንዳ ዓሲ ዳውቲኮ ዋርኮ ማዔ፡ ዓኣፖ ባይቄ ዓሶና ዋቦ ዓሶ ፆላኒ ዋኣፃ ዓኣዳ ዳዋህ ካሮ ዴንደንጎ» ጌዔኔ፤ ዬያይዳፓ ዔቄያና ዓኣፖ ባይቄ ዓሶና ዋቦና ካኣቶ ማኣሪ ጌሉዋፓዲ ላኣጊንቲኔ።

9 ዳውቲ ዋርዲዮ ቤዛ ጌሊ ዓርቄሰካፓ ዬኖ ዴጌ ቤዜሎይዳ ማኣሪ ማዜ ዴዔኔ፤ ዒዚ ዬኖ ካታሚሎኮ ሱንፆ፡- «ዳውቲ ካታማ»

ገይ ገሠነ፤ ዲዚ ሚሎ ገይንታ ዓንደይዳፓ ዓርቃፖ ገሜርኮ ኮይሎ ቢያይዳ ካታሞ ማገኛ።

10 ናንገና ናንገ ጎዳ ማዔ ቢያ ባኮ ወይህ ጾኦህህ ዲዛና ዋላ ዓኣሚር ዳውቲ ዶዲ ዶዲ ዓኣጳ።

11 ዲርሴ ካኣቲ፣ ኪራሜ ኪኢታ ዓሲ ዳውቲ ኮይላ ዳኬ፤ ዔያቶና ዋላ ሚህና ማኣሪ ማዛ ዓሲ፣ ሹቸና ማዛ ዓሲ፣ ዚቢቂያ ዒንገጋፓ ዲዚ ዳኬ።

12 ዳውቲ ናንገና ናንገ ጎዳ ዒዛ ዒሰራዔኤሌኮ ካኣቲ ማህህና ፔ ዴርሞ ገዒ ዒዛኮ ካኣቲሞ ዓጮ ዳልጊሽህህ ዔሬ።

13 ዳውቲ ኬብርኦይፓ ዩሩሳላሜ ሙካፖ ቤርታ ዒዛኮ ዓኣ ላኣሎና ጊንፃ ማቸንህናይዳ ቃሲ ሚርጌ ላኣለንታ ጊንፃሳ ማቸንህናይዳ ዔኬ። ዒማና ዒዚ ሚርጌ ዓቲንቄ ናይና ዉዳር ናይና ሾዔ።

14 ዩሩሳላሜይዳ ዒ ሾዔ ናኣታ፡- ሻሙዓ፣ ሾባቤ፣ ናኣታኣ። ሴሎሞ።

15 ዩብሃሪ፣ ዔሊሹዓ፣ ኔፔጌ፣ ያፐርዓ፣

16 ዔሊሻማዔ፣ ዔልያዳዔና ዔሊፔሌፄናኬ።

ዳውቲ ፒሊሰፄኤሜ ዓሶ ጾሎና ባሽህ

(1ፆኦሲ. ዓሃኬ 14:8-17)

17 ዳውቲ ዒሰራዔኤሌይዳ ካኣታጳህ ፒሊሰፄኤሜ ዓሳ ዋይዜ፤ ዩያር ፒሊሰፄኤሜ ዓሶኮ ፖኦሊሳ ዳውቲ ዓርቃኒ ጎዒ ዳንጳ፤ ዳውቲ ዩያ ዋይዛፖ ዋርዲዮ ጌሊ ዳዔ።

18 ዒማና ፒሊሰፄኤሜ ዓሳ ሙካፖ ራፓይሜ ዶኦጮይዳ ጾሎር ፓቂንቲ ፓቂንቲ ቤሲ ዓርቄ።

19 ዩካፓ ዳውቲ፡- «ፒሊሰፄኤሜ ዓሶ ታ ጾሎንዶ? ታና ኔ ዔያቶ ባሽሲሳንዳ?» ገይ ናንገና ናንገ ጎዳ ጾኦጮ።

ናንገና ናንገ ጎዳ ማሃ፡- «ሂዮ፣ ዔያቶ ጾሌ! ጎኔና ኔ ዔያቶ ባሻንዳ፣ቲ ታ ማኣዳንዳ።» ገዔ።

20 ዩያር ዳውቲ ባዓልፔራዲሜ ኬዳፖ ፒሊሰፄኤሜ ዓሶ ጾሊ ባሽ፡- «ናንገና ናንገ ጎዳ ታ ሞርካ ሳዞ ዲጲ፣ቲ ዳርዚ ጌሌ።» ጌዔ፤ ዩኖ ቤዜሎኮ ሱንፃ፡- «ባዓልፔራዲሜ» (ሞርኮ ዳውሲ ዳርዚ ጌሎና ካር) ገይንቲ።

21 ዒማና ፒሊሰፄኤሜ ዓሳ ባሽንቲ ጳሽካፖ ፔኤኮ ካኣሽኮ ጾኦዞ ኬኤሪ ዳንጳ፤ ዳውቲና ዒዛ ዓሶና ዩያ ዳዒ ዔኬ።

22 ዩካፓ ሃህ ፒሊሰፄኤሜ ዓሳ ራፓይሜ ማዒ ሙኪ ጾሎር ፓቂንቲ ፓቂንቲ ቤሲ ዓርቄ።

23 ይያሮ ሃሣ ደውቱ ናንገና ናንጋ ጎዳ ያእጫዛ፣ ናንገና ናንጋ ጎዳ ማሃዎ፡- «ሃሣ ኔ ዓአ ዛሎና ኬሰኪ ዔያቶ ያሊፖ፤ ጋዓንቱ ሶንጌ ዔያቶኮ ጊንፃ ዓአ ሻአቦኮ ሆቶና ሙኪ ዔያቶ ያላኒ ጊአጌ።

24 ይያ ሻአቦ ዑፃ ያልዚ ዓሲ ካአኒ ኔ ዋይዜ ዋደና ታአኒ ፒሊሰጻኤሜ ዓሶኮ ያሎ ዓሶ ያላኒ ሙኪያ ማዔሣ ዔሪ ዑኩና ዔያቶ ያሎ» ጌዔኔ።

25 ደውቱ ዒማና ናንገና ናንጋ ጎዳ ዒዛ ዓይሣ ጎይፆ ማዳኔ፤ ፒሊሰጻኤሜ ዓሶዋ ጌባዎኦኔፓ ዴንዲ ጌዜሬ ሄላንዳአና ደውሲ ደውሲ ዋዳኔ።

6

ደውቱ ጫአቁሞ ሳአጻኖ ዬሩሳላሜ ማሂ ዔኪ ሙኪሣ
(1ፆኦሲ. ዓሃኬ 13:1-14፤ 15:25—16:6፤43)

1 ደውቱ ላሚ ሃሣ ዒሰራዔኤል ዓጮ ቢያይዳፓ ሃይሣታሚ ሺያ ፖኦሊሴ ዶኦሪ ቡኩሴኔ፤

2 ደውቱንታ ዒዛና ዋላ ዓአ ዓሶንታ ካአቱሞ ያይቶ ማሂ ከሩቤኤሎይዳ ዴዔ፣ ቢያ ባኮ ዋይሣ ጎዳ ሱንፆና ዔኤሊንታ፣ ያኦሲኮ ጫአቁሞ ሳአጻኖ ዔኪ ሙካኒ ዪሁደይዳ ዓአ ቤዓላ ዴንዴኔ።

3 ዔያታ ጫአቁሞ ሳአጻኖ ጌሚሮይዳ ዓአ፣ ዓቢናዳአቤ ማአራፓ ኬሲ ዔኪ ዓኪ ሳርጌላ ያይታይዳ ጌሣፆ ዑዛና ዓሂኖ ጌይንታ ዓቢናዳአቤ ናይሰከንሣና ዬያ ሳርጌሎኮ ቤርታ ቤርታ ዴንዳንዳጉዲ ዓይሣኔ፤

4 ዓሂኖ ዒማና ጫአቁሞ ሳአጻኖኮ ቤርታ ቤርታ ዴንዳኔ።

5 ደውቱና ዒሰራዔኤል ዓሶና ጋዓንቱ ጎኦላንታ ፔቲ ሻሺ ጎኦላአ ዋርቁዋርቁ፣ ካራቤያ ባዒ ባዒ፣ ዑኡቱቡሎንታ ሂቸንታ ያልሲ ያልሲ ናንገና ናንጋ ጎዳ ቦንቸ ዓይናዳሣና ጉቤ ዒኔፓ ዓጊጂ ዓጊጂ ኮርጋኔ።

6 ዔያታ ናኮኔ ጌይንታ ሃአኮ ሺርኮ ቆይዳሰኬኖ ሄላዛ ሳርጌሎ ጎቻ ጌማታ ዲቂንቲ ዲቃቱሞ ጫአቁሞ ሳአጻኖ ደዓኒ ዎኦቲሣረ ዑዛ ኩቻ ዓርቄኔ፤

7 ናንገና ናንጋ ጎዳ ማዔ ያአዛሣ ኔጊያ ኔጉዋፆ ዳጋዲ ዑዛ ዋዳኔ፤ ዑዛ ዒጊጩዋፆ ጫርቁ ዓርቄሣረ ዒኢካ ጫአቁሞ ሳአጻኖ ኮይላ ሃይቄኔ።

6:2 ኬሲ. ማፃ 25:22። 6:3 1ሳሙ. 7:1-2።

8 ይመጥ ዓርቃዎ ዬና ቤዜላ «ፔሬፀ ዑዛ» (ዑዛም ዓጎና ሜቶ) ጌይንቲ ናንገን፤ ናንገና ናንገ ጎዳ ዳጋዲ ዑዛ ዎዴሢሮ ዳውቴ ሚርጌና ያዬኔ።

9 ዳውቴ ናንገና ናንገ ጎዳ ዒጊጩሢሮ፡- «ያዲ ማዓቴ ጩኣቁሞ ሳኣዲኖ ዎዲ ታ ዔኪ ዴንዳንዳይ?» ጌዔኔ።

10 ዬያሮ ዒዚ ጩኣቁሞ ሳኣዲኖ ዬሩሳላሜ ዔኪ ዓኣዲያ ሃሺ ጊንሣ ዔኪ ማሃዎ ጋኣቴ ካታሞይዳ ናንገ፣ ያቤድዔዶኦሜ ጌይንታ ዓሲሰኬያ ማኣሪ ጌልዜኔ፤

11 ዬካፓ ጩኣቁሞ ሳኣዲኖ ዒኣካ ሃይሣ ዓጊኒ ዴዔኔ፤ ናንገና ናንገ ጎዳ ዒማና ያቤድዔዶኦሜንታ ማኣሮ ዓሶሞ ዓንጃኔ።

12 ያኦሲኮ ጩኣቁሞ ሳኣዲኖ ዛሎና ያቤድዔዶኦሜ ማኣሮንታ ዓኣ ባኮሞ ቢያ ናንገና ናንገ ጎዳ ዓንጃሢ ካኣቴ፣ ዳውቴ ዎይዜኔ፤ ዬያሮ ጩኣቁሞ ሳኣዲኖ ዴኤፒ ዎዛና ዬሩሳላሜ ዔኪ ሙካኒ ያቤድዔዶኦሜ ማኣራፓ ዴንዲ ዔኬኔ።

13 ዒማና ጩኣቁሞ ሳኣዲኖ ኬዴ ዓሳ ላሆ ታኣኪሢ ታኣካማና ታኣካማና ዔቁሲ ፔቴ ዎፓናና ፔቴ ማሊ ሶሶና ናንገና ናንገ ጎዳም ዒንጎ ዒንጊሢ ማሢ ሹኪ ዒዚ ሸኣሻኔ።

14 ዳውቴ ሻኣኸ ፓቴሌና ዲያና ዓፒላ ኬርና ማራዎ ናንገና ናንገ ጎዳ ቦንቺ ጉቤ ዒናፓ ዓጊዲ ዓጊዲ ኮርጋኔ፤

15 ዬያይዲ ዳውቴንታ ዒሰራዔኤሌ ዓሶንታ ዒላሺ ዒላሺ ዛዬያ ዎርቁ ዎርቁ ጩኣቁሞ ሳኣዲኖ ዬሩሳላሜ ዔኪ ዴንዴኔ።

16 ዔያታ ጩኣቁሞ ሳኣዲኖ ዔኪ ካታሞ ጌላኣና ሳኣዶኦሌኮ ናኣ ሜልኮኣላ ካኣቴ፣ ዳውቴ ባይዲ ባይዲ ኮርጋሢ ኬኤዎኮ ፑልቶና ዴንቃዎ ፔ ዒኖና ዒዛ ቦሃኔ፤

17 ዔያታ ጩኣቁሞ ሳኣዲኖ ዔኪ ሙኪ ዳውቴ ጊኣጊሾ ዓፒሎና ማኡና ማኣሮ ጋራ ጌሣኒ ማሊንቲ ቤዛ ጌሣኔ፤ ዬካፓ ዳውቴ ሚቺ ዒንጎ ዒንጊያና ፔቴሞና ዒንጎ ዒንጊያ ናንገና ናንገ ጎዳም ሸኣሻኔ።

18 ዳውቴ ዬያ ዒንጎ ባኮ ሸኣሻሰካፓ ቢያ ባኮ ዎይሣ ጎዳሢ ሱንያና ዴሮ ዓንጃኔ፤

19 ዬያይዴሰካፓ ቢያሢም ሙኡዚ ዒንጌኔ፤ ዒሰራዔኤሌይዳ ዓኣ ፔቴ ፔቴ ዓቲንቆና ላኣሎናም ካሣንታ ፔቴ ፔቴ ዓሸኪ ቲቁሢ ሚቸናያንታ ፔቴ ፔቴ ዎይኔ ቃንጫልቁ ማልዘና ዒንጌኔ፤ ዬካፓ ቢያሢ ፔ ማኣሪ ማኣሪ ዴንዴኔ።

20 ዳውቴ ዒማና ማኣሮ ዓሶ፡- «ዒንሢ ዎዚ ዓኣይ?» ጌይ ያኦጫኒ ጋሮ ጌላዛ ሳኣዶኦሌ ናኣ፣ ሜልኮኣላ ዒዛ ጎይሣ ዔካኒ ኬሰካዎ፡- «ዒሰራዔኤሌ ካኣቴ ሃሮ ቦቦንቺንቲባኣዓ! ኔ ዶንዘኮ

6:11 1ያኦሲ. ዓሃኬ 26:4-5።

ማደ ማደ ለአሎ ቤርታ ዠኣዠ ዓሲጉዲ ዑሢ ካሎ ኮኣሚፃ ዋዎይቲያዳፃ?» ጌዔኔ።

21 ዳውቲ ማሃፖ፡- «ታኣኒ ዓገፂ ኮርጌሢ ዒዛ ዳር ዒሰራዔኤሌኮ ሱኡጌ ታና ማሃኒ ኔ ዓደንታ ዒዛኮ ማኣሮ ዓሰንታ ዛሎ ታና ዶኦሬ ናንገና ናንጋ ጎዳ ቦንቸሞኬ፤ ሃሢ ማዔቴያ ዒዛ ቦንቸሞ ባይዲ ኮርጊያ ታ ሃሻዓኬ፤

22 ዬያይዳፓ ዑሢ ዓኣዳ ታና ታ ሂርኪዲ ለኣፒሳንዳኔ፤ ኔኤሞ ማላ ጎይያ ታ ቦሂንቴ ዓሲ ማዔቴያ «ዬያቶ ቤርታ ኔና ኔ ለኣፒሴኔ» ኔ ጋዓ ለአሎ ቤርታ ሚርጌና ታ ቦንቸንቴያ ማዓንዳኔ!» ጌዔኔ።

23 ዬያ ዒዛ ጌዔሢሮ ሳኣፃኡሌኮ ናኣ፡ ሚልኮኣላ ሃይቃንዳያ ሄላንዳኣና ናይ ሸውዋፃ ዘኣኮ ማይ ዓቴኔ።

7

ናኣታኔ ዳውቲም ኬኤዜ ባኮ (1ያኦሲ. ዓሃኬ 17:1-15)

1 ናንገና ናንጋ ጎዳ ሞርኮ ቢያይዳፓ ካፔሢሮ ካኣቲ፡ ዳውቲ ፔኤኮ ካኣቲሞ ማኣሮይዳ ገኢጊ ናንጋኔ።

2 ዬካፓ ዒዚ ናኣታኔ ኮይላ፡- «ዋይዜ፡ ታኣኒ ዚቢቆና ማኮና ማኣሮይዳ ናንጋኔ፤ ያኦሲኮ ጫኣቁሞ ሳኣፂና ጋዓንቴ ዓፒሎና ማኸንቴ ማኣሮይዳ ናንጋንቴሞ!» ጌዔኔ።

3 ዬያር ናኣታኔ፡- «ናንገና ናንጋ ጎዳ ኔኤና ዋላ ዓኣሢሮ ኔ ማሌ ባኮ ቢያ ማማዴ» ጌዔኔ።

4 ጋዓንቴ ዬዮ ዋንቴሎ ናንገና ናንጋ ጎዳ ናኣታኔም ሂዚ ጌይ ኬኤዜኔ፡-

5 «ታ ዓይላሢ፡ ዳውቲ ኮይላ ዴንዲ ታ ዒዛም ጋዓ ባኮ ኬኤዜ፤ ታ ናንጋንዳ ጌኤኮ ማኣሮ ማኸንዳሢ ኔናቲሞሴ፤

6 ዒሰራዔኤሌ ዳር ገብፂ ዓጮ ዓይላታፓ ኬሲ ታኣኒ ዓውሴሰካፓ ሃኖ ሄላንዳኣና ዓፒላና ማኮና ማኣሮይዳ ማዒ ዲማ ዲማ ቤዘ ዴንዲ ዴንዲ ታ ናንጌኔ፡ ማኣሪዳ ታ ናንገባኣሴ፤

7 ዒሰራዔኤሌ ዳርና ታ ሃንቴ ዋዶና ቢያ ታኣኒ ዶኦሪ ጌሢ ሱኡጎይዳፓ ያኦኒያ ዚቢቁና ማኣሪ ታኣም ማኸንዳጉዲ ታ ዓይሢባኣሴ»

8 «ዬያር ታ ዓይላሢ፡ ዳውቲም ቢያ ባኮ ዎይሢ ጎዳሢ ሂዚ ጋዓኔ ጌይ ኬኤዜ፤ ታ ኔና ማራይ ሄንቃንቴ ዔኪ ታ ዳር፡ ዒሰራዔኤሌኮ ሱኡጌ ማሃኔ፤

6:20 1ያኦሲ. ዓሃኬ 16:43።

9 ኔ ዴንዳ ቤዛ ቢያይዳ ኔኤና ዎላ ታ ማዔኔ፤ ኔ ቤርታፓ ኔኤኮ ሞርኮ ታ ያሊ ኔና ባሺሴኔ፤ ሃሣ ሃጊያ ሳይዳ ዔርቲ ዴኤፖ ዴኤፖ ሱኡጎጉዲ ዔርቲ ዓሲ ታ ኔና ማሃንዳኔ።

10 ታኣኮ ዴር፡ ዒሰራዔኤሌም ፔቲ ቤሲ ታ ዶኦሪ ዒኢካ ዔያታ ናንጋንዳጉዲ ታ ጌሣኔ፤ ዒኢካ ዔያታ ናንጋኣና ዔያቶ ሄርቂ ዎይሣንዳ ዓሲ ባኣሴ፤

11 ታ ዴር ዒሰራዔኤሌም ሱኡጌ ታ ዶኦሪሰካፓ ዓርቃያ ማዴ ጎይያ ሃይፓ ሴካ ያኦኒያ ዬያይዳዓኬ፤ ኔናኣ ኔ ሞርኮፓ ቢያ ታ ካፓንዳኔ። ዬያጉዲ ሃሣ ኔ ማኣራፓ ኔ ካኣቱሞ ዳካላንዳ ናይ ታ ናንጋንዳኔ ጌይ ኬኤዜ፤

12 ኔ ናንጊ ሃይቃያ ኔ ዓዶንሣ ዲኡፖ ቤዛ ዲኡታኣና ኔ ሾዔ ናይ ኔ ቤዛ ታ ኬሳንዳኔ፤ ዒዛኮ ካኣቱሞ ታ ዶዲሻንዳኔ።

13 ታኣኮ ጌኤፓ ማኣሮ ማዣንዳሣ ዒዛኬ፤ ዒዛኮ ካኣቱሞ ናንጊና ናንጋያ ታ ማሃንዳኔ።

14 ታ ዒዛኮ ዓዶ ማዓንዳኔ፤ ዒ ታኣኮ ናኣዚ ማዓንዳኔ፤ ዒ ዔኤቢ ዳቢንቲ ማዴቲያ ዓዶ ናይ ጳርቃሣ ጎይያ ታ ጳርቃንዳኔ፤

15 ዒዛ ቤዛ ኔ ካኣታዳንዳጉዲ ታኣኒ ሺኢሹ፡ ሳኣያኦሌ ታ ማዴ ጎይያ ናንጊና ናንጋ ናሹሞ ታ ዒዛይዳፓ ሺኢሻዓኬ።

16 ኔ ማኣሮና ኔኤኮ ካኣቱሞና ታ ቤርታ ዶዲ ዴዓንዳኔ፤ ኔ ካኣቱማ ናንጊና ናንጋያ ማዓንዳኔ። »

17 ዬያ፡ ናንጊና ናንጋ ጎዳ ዒዛም ፔጋሲ ዳቄ ባኮ ቢያ ናኣታኔ ደውቱሞ ኬኤዜ።

**ዳውቲ ያኦሲ ጋላቲ ሺኢቁ ሺኢጲያ
(1ያኦሲ. ዓሃኬ 17:16-27)**

18 ዬካፓ ካኣቲ፡ ደውቲ ዓፒሎና ማዢንቲ ያኦሲ ዴርና ካኣማ ማኣሮ ዴንዲ ጌላያ ዴዒ ሂዚ ጌይ ሺኢቁኔ፡ «ናንጊና ናንጋ ጎዳ ማዔ ያኦዛሣ! ሃይማ ሄላኒ ኔ ታና ካፓንዳጉዲ ታ ዓይጎ ዓሲታንቲዳይ? ማኣሮ ዓሳኣ ታኣኮ ዓይጎ ዓሲዳይ?

19 ናንጊና ናንጋ ጎዳ ማዔ ያኦዛሣ! ኔ ቤርቶይዳ ያዲ ላኣፓ ማዒ ዓኣንቲ ሃሣ ኔኤኒ ባሺ ባኣዚ ማዲ ማዲ ዓኣኔ፤ ኔ ዓይላሣ ናኣቶም ሃጊ ሙካንዳ ዎዶይዳ ሃጊ ማዓንዳ ዎዛ ባኣዚ ኔ ኬኤዜኔ፤ ናንጊና ናንጋ ጎዳ ማዔ ያኦዛሣ! ዓሲ ቢያም ኔ ማዳ ጎይያ ያዲዳ?

20 ማይ ታ ሜሌ ዓይጎ ጋዓንዳይ? ናንጊና ናንጋ ጎዳ ማዔ ያኦዛሣ! ኔኤኒ ታና ኔኤኮ ዓይላሣ ዔራኔ።

7:12 ዓይኑ. 89:3-4፤ 132:11፤ ዮሃ. 7:42፤ ዳኪ. ማዳ 2:30። 7:14 ዓይኑ. 89:26-27፤ 2ቆሮ. 6:18፤ ዔ.ብ. 1:5። 7:16 ዓይኑ. 89:36-37።

21 ዬያ ደኤፖ ባኮ ኔ ጌዔ ጎይፆ፣ ሃሣ ኔ ሸና ጌዔ ጎይፆ ኔ ማዳሣ ኔ ዓይላሣ ዔራጎዳጉዲኬ።

22 ናንጊና ናንጋ ጎዳ ማዔ ፆኦዛሣ! ኔኤኒ ደኤፒኬ፤ ኔጉዳፆ ፆኦኒያ ባኦኤ፤ ኔ ዋይዜ ጎይፆና ኔ ጊዳፓዓቴም ማሌ ፆኦኒ ባኦኤ።

23 ዒዚ ፔ ዳሬ ማዓጎዳጉዲ ዓውሳኒ፣ ዒዛ ሱጎፆ ዔያታ ዔርቲያ ማሃጎዳጉዲ፣ ዒዛ ዋልቆና ማዲጎታ ባኦዚና ዓኪ ባኦዚያ ማዳኒ፣ ዔያቶኮ ቤርታፓ ሃንጎ ዳሮጎታ ዬያቶኮ ፆኦዘጎታ ባይዛኒ ፆኦኒ ጊብፄ ዓጮ ዓይላታፓ ዓውሴ ዒሰራዔኤሌ ዳሮጉዲ ዓይጎ ዳሬ ሳፆይዳ ዓኦይ?

24 ዒሰራዔኤሌ ዓሶ ናንጊና ኔ ዳሬ ኔ ማሄኔ፤ ናንጊና ናንጋ ጎዳሣ! ኔኤኒ ዔያቶኮ ፆኦዛሣ ማዔ።

25 «ዓካሪ ሃሣ ናንጊና ናንጋ ጎዳ ማዔ ፆኦዛሣ! ታኦና ታ ዜርፆናም ኔ ኬኤዜ ሃጊ ማዓጎዳ ዋዘ ቢያ ናንጊና ማዲ ኩጎሣ፤ ናንጊና ኔኤኮ ሱጎፆ ደኤፒ ማዓጎዳጉዲ ኔ ጌዔ ባኮ ኩጎሣ፤

26 ሱጎፆ ኔኤኮ ደኤፒ ማዓጎዳጎ፤ ዓሲ ቢያ፡- <ቢያ ባኮ ዋይሣ ጎዳሣ ዒሰራዔኤሌ ዓሶ ፆኦኒኬ!> ጋዓጎዳጎ። ዳውቴኮ ካኦቱሞዋ ኔኤኒ ደዲሺ ዳይሣጎዳጎ።

27 ዒሰራዔኤሌ ፆኦዛሣ! ቢያ ባኮ ዋይሣ ጎዳሣ! ታና ኔ ዓይላሣም ኔኤኒ ዬያ ቢያ ፔጋሲ ዳዌሣሮ፤ ሃሣ ታኦኮ ዜርፆዋ ኔ ካኦታሳኒ ኬኤዜሣሮ ሃያ ሺኢጲፆ ጫርቂ ታ ኔና ሺኢቃ።

28 «ናንጊና ናንጋ ጎዳ ማዔ ፆኦዛሣ! ኔኤኒ ፆኦኒኬ፤ ኔ ጋዓ ባካ ጉሙርሳፆኬ፤ ሃሣያ ኔኤኒ ሃያ ኮዦ ባኮ ማዳኒ ኔ ዓይላሣም ሃጊ ማዓጎዳ ዋዘ ዓጎጌ።

29 ኔ ቤርቶይዳ ቢያ ዋዳ ናንጋያ ማዓጎዳጉዲ ኔ ዓይላሣ ማኦር ሃዳራ ዓጎጃ፤ ናንጊና ናንጋ ጎዳ ማዔ ፆኦዛሣ! ኔ ዓጎጃ ዓጎጂፆና ኔ ዓይላሣ ማኦር ናንጊና ዓጎጂጎቴያ ማፆም።»

8

ዳውቴ ፆሎና ባሼ ባሺፆ (1ፆኦኒ. ዓሃኬ 18:1-17)

1 ዬካፓ ዳውቴ ፒሊሰፄኤማ ዓሶ ፆሊ ባሻፆ ዓሶ ፔ ዳማ ማሄኔ፤ ዒማና ዒዚ ሳፆ ዔያቶኮ ጌሊ ዓርቂ ዔኬ።

2 ሄሊሳፆ ሃሣ ሞዓኦ ባሶ ፆሊ ባሼ፤ ዒዚ ዓርቂ ዔኪ ቱኬ ዓሶ ሳዓ ላይሣፆ ሃይሣ ዓሲዳፓ ላምፆ ዓሲ ዔኪ ዔኪ ሃይቃጎዳጉዲ ዋጊ ዋዲሻ፤ ዬያሮ ሞዓኦ ባሶ ዒዛም ዋርቃያ ማዒ ጊኢራ።

7:23 ላሚ. ዋማ 4:34።

3 ገንሣ ሃሣ ዒዚ ሶኦሪያ ዓጮ ደማ ዓኣ፡ ፆኦባ ዓጮኮ ካኣቲ ሬሆቤ ናኣዚ ሃዳድዔዜሬ ያሊ ባሽኔ፤ ሃዳድዔዜሬ ያሎና ባሽንቴህሂ ኬደ ዛሎ ዔፕራዒሴ ዋሮኮ ዓኣ ዒዛ ዓጮ ማሂ ዔካኒ ዓኣዲቤቃኬ።

4 ዳውቴ ሃዳድዔዜሬኮ ፔቴ ሺያና ላንካይ ዌኤታ ፓራሂና ያላ ዓሲ፤ ላማታሚ ሺያ ቶኪና ሃንቲ ያላ ዓሲ ዲዒ ዔኬኔ። ሳርጌሎ ያይቶ ጎቻንዳ ፔቴ ዌኤታ ፓሮ ዓይሳዖ ሃንጎዋቶኮ ጉቤ ቃዎ ቲቂ ቲቂ ማኣሳንህኔ።

5 ዒማና ደማሰቆይዳ ናንጋ፡ ሶኦሪያ ዓሳ ካኣቲ ሃዳድዔዜሬ ማኣዳኒ ፖኦሊሴ ዳካዛ ዳውቴ ይያቶ ያሊ ላማታሚ ላምዖ ሺያ ዓሲ ዋደኔ።

6 ዩካፓ ዔያቶ ዓጮ ጋሮይዳ ፖኦሊሳ ዲንኪ ዲንኪ ደዓንዳ ቤሲ ኮሽኔ፤ ዩያሮ ሶኦሪያ ዓሳ ዒዛ ደማ ዋርቂ ዒዛም ገኢሬኔ፤ ናንገና ናንጋ ጎዳ ዳውቴ ዴንዳ ቤዘ ቢያይዳ ያሎና ባሻንዳጉዲ ማህኔ።

7 ዳውቴ ሃዳድዔዜሬኮ ያሎ ዓሶ ዓይሣ ዓሳ ዓርቂ ዓኣ ዋርቆና ኮሻና ገቲሞ ዲዒ ዔኪ ዩሩሳላሚ ዴንዴኔ፤

8 ይያጉዲ ሃሣ ሃዳድዔዜሬ ዋይሣ፡ ቤፃሄና ቤርታዬ ጌይንታ ካታሞንሂፓ ዲቢ ሞኦና ዓንጊ ዔኬኔ።

9 ሃዳድዔዜሬኮ ፖኦሊሶ ጉቤ ያሎና ዳውቴ ባሽህሂ ሃማቴ ካኣቲ፡ ቶዒ ዋይዜኔ።

10 ሃዳድዔዜሬ ያሎና ባሽንቴህሂሮ ዒ ዋዛደያታህሂ ዔርዘንዳጉዲ፤ ሃሣ «ዋዚ ዓኣይ?» ጌይ ያኦጫንዳጉዲ ዒዛኮ ናኣዚ ዮራሚ ዳውቴ ኮይሳ ዒ ዳኬኔ፤ ዩያኮ ቤርታ ቶዒ ጎይህሂ ሃዳድዔዜሬና ዋሊ ያልያኬ፤ ዮራሚ ዒማና ዋርቁንታ ቢራ ዓንጊንታ ሃሣ ሞኦና ዓንጊና ኮሻና ዲማ ዲማ ባኣዚ ዒንጋኒ ዳውቴም ዔኪ ሙኬኔ።

11-12 ካኣቲ ዳውቴ ያሎና ባሽ ዔደኦሚፓ፡ ሞዓኣቤፓ፡ ዓሞኦኔፓ፤ ዩያጉዲ ፒሊሰዌኦሚንታ ዓማሌቁንታ ዲዒ ዔኬ ቢሮ ዓንጎና ዋርቆና ሃዳድዔዜሬፓኣ ዒ ዔኬ፡ ዲዒንቴ ባኮ ናንገና ናንጋ ጎዳም ዲማሲ ዒንጌኔ።

13 ሶኦጌ ደኦቹ ጌይንታ ቤዛ ታጾ ሳሊ ሺያ ዔደኦሚ ዓሲ ዳውቴ ዋዲ ማዓዖ ቤርታኣሰካፓ ባሽ ዔርቲ ዴኤፒ ዓሲ ማዔኔ፤

14 ዩካፓ ዳውቴ ፖኦሊሳ ዲንኪ ደዓንዳ ዲቢ ቤሲ ዔደኦሚይዳ ኮሽኔ፤ ዒኢካ ናንጋ ዴራ ዒዛ ደማ ማዒ ዒዛም ገኢሬኔ፤ ዳውቴ ዴንዴ ቤዘይዳ ቢያ ያሎና ባሻንዳጉዲ ናንገና ናንጋ ጎዳ ዒዛ ማኣዳኔ።

- 15 ዬያይዲ ደውቴ ዒሰራዔኤል ዓጮ ቢያይዳ ካኣቲ ማዓዖ ፒዜ ዋጌ ዋጊንታንዳጉዲ ቢያ ከሌ ካራ ኮዓኔ፤
- 16 ዒማና ፃሩያ ናኣዚ፣ ዒዮዓቤ ፖኦሊሶ ሱኡጋሢ ማዓዛ ዓሂሉዳ ናኣዚ ዒዮሳፒፃ ካኣቲ ሄሊሲ ቢታንቶ ዓኣ ዓሲኩ፤
- 17 ዓሂፀቤ ናኣዚ፣ ሳዴቄና ዓቢያታሬ ናኣዚ፣ ዓቢሜሌኬና ቄኤሶኬ፤ ሴራያ ጎምሢ ካኣቲሞ ማኣራ ፃኣፖ ባኣዚ ፃኣፓያኩ፤
- 18 ዮዳሂ ናኣዚ፣ ቤናያ ደውቴ ካፓ ፖኦሊሶ ዓይሣያኩ፤ ደውቴኮ ናኣታ ዒማና ቄኤሴ ማዒ ማዳኔ።

9

ደውቴና ሜሪባዓኣሌ ጎምሢና

- 1 ፔቴ ከሌ ደውቴ፡- «ሳኣዖኦሌ ማኣሮ ዓሶፓ ሃይቁዋዖ ዓቲ ዓሲ ዓኣቲ ዮናታኣኔሮ ጌይ ታኣኒ ኮሺ ባኣዚ ማዳንዳኔ» ጌይ ዖኦጮኔ።
- 2 ዒማና ሳኣዖኦሌ ማኣሮ ዓሶፓ ጂባ ጌይንታ ፔቴ ማዶ ማዳሰኬይ ዒኣካ ዓኣንቴ ዒዚ ደውቴ ኮይላ ዴንዳንዳጉዲ ዓሳ ዒዛሞ ከኤኬኔ፤ ዒ ደውቴ ኮራ ሙካዛ ደውቴ፡- «ኔኤኒ ጂባዳ?» ጌይ ዖኦጮኔ።
- ጂባ ማሃዖ፡- «ሂዮ፡ ጎዳሢዮ! ታና ኔ ዓይላሢዋይ!» ጌዔኔ።
- 3 ካኣቲ ዒዛ ኮራ፡- «ናንጊና ናንጋ ጎዳ ናሽካ፣ ኮሺ ባኣዚ ታኣኒ ማዳንዳጉዲ ሳኣዖኦሌ ማኣራፓ ሃይቁዋዖ ዓቲ ዓሲ ዓኣ?» ጌይ ዖኦጮኔ።
- ጂባ ማሃዖ፡- «ዮናታኣኔኮ ዓቲንቆ ናኣቶፓ ፔቴ ዓቲንቄ ሃሢ ሄላኒ ሸምፔና ዓኣኔ፤ ዒዚ ቶኪ ዋሶኩ» ጌዔኔ።
- 4 ካኣቲ፡- «ሃሢ ዒ ዓንካዳይ?» ጌይ ዖኦጮኔ።
- ጂባ ዒማና፡- «ሎዴባሬይዳ ዓሚዔኤል ናኣዚ ማኪሬ ማኣራ ዓኣኔ» ጌዔኔ።
- 5 ዬያሮ ካኣቲ ደውቴ ሎዴባሬይዳ ዓኣ ዓሚዔኤል ናኣዚ፣ ማኪሬ ማኣራፓ ሜሪባዓኣሌ ዔኪ ዬይሴኔ።
- 6 ሳኣዖኦሌኮ ናኣዚ ናዖ ማዔሢ፣ ዮናታኣኔ ናኣዚ ሜሪባዓኣሌ ሙካዖ ደውቴኮ ቤርታ ሳዓ ላሂ ቦንቾ ዔኤላሢ ዔኤሌ ቦንቻያ ማዔሢ ዔርዜኔ።
- ደውቴ ዒዛ፡- «ሜሪባዓኣሌ!» ጌይ ዔኤሌኔ።
- ሜሪባዓኣሌ፡- «ዮ፣ ጎዳሢዮ! ታኣኒ ኔ ዓይላሢዋይ!» ጌዔኔ።
- 7 ደውቴ ዒዛሞ፡- «ዒጊጨፓ! ኔ ዓዶ፣ ዮናታኣኔሮ ጌይ ታኣኒ ኮሺ ባኣዚ ኔኤም ማዳንዳኔ፤ ኔ ማዋ ሳኣዖኦሌሮ ማዔ ጎዦ ቢያ ታ ኔኤም ማሂ ዒንጋንዳኔ፤ ቢያ ዋዴ ኔ ታኣና ዋላ ዴዒ ሙዓንዳኔ» ጌዔኔ።

9:1 1ሳሙ. 20:15-17። 9:3 2ሳሙ. 4:4።

8 ዩዳጋ ማሪባዓኤል ቦንቾ ዔኤሊሢ ዔኤሊዎ፡- «ጎዳሢዎ፣ ታኣኒ ሃይቄ ካኒፓ ባሻያቱዋሴ፤ ዓካሪ ኔ ታኣም ሃያ ኮይሱዋ ኮዡ ማዶ ዓይጋ ማዳዎ?» ጌዔኔ።

9 ዳውቲ ሳኣዎኦሌኮ ዓይላሢ፣ ዪባ ዔኤሊዎ፡- «ሳኣዎኦሌና ዒዛኮ ማኣሮ ዓሶሮ ማዔ ዓይጎ ባኣዚያ ኔ ጎዳኮ ናኣዚ ናይ ማዔ፣ ማሪባዓኤልም ታ ዒንጋኔ፤

10 ዬያሮ ኔናጎታ ኔኤኮ ዓቲንቆ ናኣቶጎታ ኔኤኮ ዓይሎጎታ ኔ ጎዳሢ፣ ሳኣዎኦሌ ማኣሮ ዓሶም ጎዡ ጎሽኪ ዔያታ ሙዓንዳጉዲ ሃኣኮ ኮናይዳ ዓርሠዋቱ፤ ኔ ጎዳኮ ናኣዚ ናዎ ማዔ፣ ማሪባዓኤል ጋዓንቲ ቢያ ዎዴ ታኣም ዒንጎ ካሦ ታኣና ዎላ ሙዓንዳኔ» ጌዔኔ፤ ዪባኮ ዒማና ታጰ ደንጎ ዓቲንቄ ናይና ለማታሚ ዓይሌና ዓኣኔ።

11 ዪባ፡- «ካኣቲዮ! ታ ኔ ዓይላሢ ኔ ዓይሢ ባኮ ቢያ ማዳንዳኔ» ጌዔኔ።

ዬያይዲ ማሪባዓኤል ካኣቲ ናኣቶፓ ፔቴያጉዲ ማዒ ካኣቲና ዎላ ዒንገንቲ ሙዎ ሙዓኔ።

12 ማሪባዓኤልኮ ሚካ ጌይጎታ ዳጌ ናይ ዓኣኔ፤ ዬማፓ ዓርቃዎ ዪባኮ ማኣሮ ዓሳ ጉቤ ማፒቦሼቲም ዓይሌ ማዔኔ፤

13 ዬያሮ ለምዎ ቶካ ዎቦ ማዔ፣ ማሪባዓኤል ካኣቲና ዎላ ሙይ ሙይ ዬሩሳላሜይዳ ናንጌኔ።

10

ዳውቲ ዓሞኣኔ ዓሶጎታ ሶኦሪያ ዓሶዎ ያሊ ባሼሢ (1ያኦሲ. ዓሃኬ 19:1-19)

1 ዩዳጋ ዓሞኣኔ ካኣቲ፣ ናዎሴ ሃይቄም ዒዛኮ ናኣዚ ሃኑኔ ዒዛ ቤዛ ካኣታዳኔ፤

2 ዒማና ካኣቲ ዳውቲ፡- «ዒዛኮ ዓዴ፣ ናዎሴ ታኣም ማዶ ጎይዎ ታኣኒ ዒዛም ጉሙርቁጎታ ላጌ ማዒ ኮሺ ባኣዚ ማዲ ማሃንዳኔ» ጌዔኔ። ዬያሮ ዒዛኮ ዓዴ ሃይቄሢሮ ያያያ ማዔሢ ኬኤዛንዳጉዲ ኪኢታ ዓሲ ዳውቲ ዳኬኔ።

ኪኢቶ ዓሶንሢ ዓሞኣኔ ዓጮ ሙካዛ፣

3 ዓሞኣኔ ዓሶኮ ሱኡጋ ካኣቲ ኮይላ፡- «ዳውቲ ሃያ ዓሶ ኔ ኮይላ ዳኬሢ ጎኔ ኔ ዓዴ ሃይቄሢሮ ቦንቾ ያያያ ማዔሢ ዔርዛኒኬ ጌይ ኔኤኒ ማላ? ያዲቱዋሴ! ዒዚ ሃንሢ ኪኢቶ ዓሶንሢ ዳኬሢ ካታዎ ያላኒ ቤርታዲ ሙርም ጌይኬ!» ጌዔኔ።

4 ዬያሮ ሃኑኔ ዳውቲኮ ኪኢቶ ዓሶንሢ ዓርቂ ቡኡጮኮ ፔቴ ዛሎ ማኤዴኔ፤ ሃሣ ዔያታ ማኣዔ ማኣዓሢያ ኬርኖ ሄሊሲ ቲቂ ዳውሲ ዳኬኔ፤

5 ያዲ መዓሢሮ ዩንሢ ዓሶንሢ ማእሪ ማዒ ሙካኒ ዒጊጩኔ፤ ጋዓንቲ ዳውቲ ዬያ ባኮ ዋይዛያ ኪኢታ ዓሲ ዳኪ ዔያቶኮ ቡኡጩ ኬሰካንዳያ ሄላንዳእና ማዒ ሙኩዋያ ዒያርኮይዳ ዳዓንዳጉዲ ኬኤዜኔ።

6 ዒማና ዓሞኦኔ ዓሳ ፔ ኩቻ ዳውቲና ዋላ ሞርኬ ዔያታ ማዓሢ ዔሬኔ፤ ዬያሮ ቶኪና ሃንቲ ያላንዳ ፖኦሊሴ ቤትሆቤና ያባናፓ ላማታሚ ሺያ ሶኦሪያ ዓሲ፤ ሃሣ ጊንሣ ያቤፓ ታጾ ላምያ ሺያ ዓሲ፤ ዬያጉዲ ሃሣ ካኣቲ፣ ማዕካ ኮይላፓ ፔቲ ሺያ ዓሲ ሚኢሹ ጨጊ ያሊሳኒ ዔኪ ሙኩኔ፤

7 ዳውቲ ዬያ ዋይዛያ ዒዛኮ ጉቤ ፖኦሊሶና ዋላ ዳንዲ ዒዮዓቤ ዔያቶ ያላንዳጉዲ ዓይሄኔ፤

8 ዒማና ዓሞኦኔ ዓሳ ያሎሮ ጊኢጊ ሙኪ ፔኤኮ ዴኤፖ ካታሞ፣ ራኣባ ጌሎ ካራ ቤሲ ዓርቃዛ ሃንጎ ሱኡባ ዓሳ፣ ሬዓኣባ ዓሳ፣ ሶኦሪያ ዓሳ፣ ያቤንታ ማዕካ ዓሶንታ ሙኪ ፔቲ ቦኦሊዳ ቤሲ ቤሲ ዓርቁኔ።

9 ዓዮዓቤ ሞርኮኮ ፖኦሊሳ ቤርቲና ሃሣ ጊንሢናኣ ያላኒ ጊኢጊሢ ዛጋያ ዒሰራዔኤሌኮ ፖኦሊሶይዳፓ ያሎና ዔርቲ ዓሲ ዶኦሪ ሶኦሪያ ዓሶኮ ሆታ ጊኢጋ ቤሲዳ ዔቂሴኔ፤

10 ሃንጎ ፖኦሊሶ ጋዓንቲ ዒዛኮ ጌርሲ ዓቢሻዬ ዓይሢ ያሊሳንዳጉዲ ማሄኔ፤ ዓቢሻዬ ዬያቶ ዓሞኦኔ ዓሶኮ ሆታ ማሄ ዔቂሴኔ፤

11 ዒማና ዒዮዓቤ ዓቢሻዬም፡- «ሶኦሪያ ዓሳ ያሊ ታና ባሻኒ ዑኩያ ማዔም ኔ ዳንቁቲ ሙኪ ታና ማኣዴ፤ ታኣኒ ሃሣ ኔና ዓሞኦኔ ዓሳ ባሻኒ ዑኩያ ማዔም ዳንቁቲ ሙኪ ማኣዳንዳኔ።

12 ዬያሮ ዒጊጩፖ፣ ደዴ! ኑ ዴሮና ኑ ያኦዛሢ ካታሞናሮ ደዲ ኑ ያልቶም! ቢያ ባካ ናንጊና ናንጋ ጎዳ ጌዔሢጉዴያ ማዖንጎ!» ጌዔኔ።

13 ዬካፓ ዒዮዓቤንታ ፖኦሊሶንታ ያላኒ ሶኦሪያ ዓሶ ባንሢ ሙካዛ፣ ሶኦሪያ ዓሳ ቤርታፓ ዔያቶኮ ጳሽኬኔ፤

14 ዓሞኦኔ ዓሳኣ ሶኦሪያ ዓሳ ጳሽኬሢ ዳንቃያ ዓቢሻዬ ቤርታፓ ጳሽኪ ካታሞ ባንሢ ጊንሢም ዳንዴኔ። ዬያይዴሰካፓ ዒዮዓቤ ዓሞኦኔ ዓሶ ያሎ ሃሽ ዬራሳላሜ ማዒ ዳንዴኔ።

15 ዒሰራዔኤሌ ዓሳ ዔያቶ ያሎና ባሽሢ ዛጋያ ሶኦሪያ ዓሳ ፔኤኮ ፖኦሊሶ ቢያ ፔቲይዳ ቡኩሴኔ፤

16 ያባይዳ ዓኣ ካኣቲ፣ ሃዳድዔዜሬ ዔፕራዒሴ ዋርኮ ዓባ ኬሰካ ዛሎይዳ ዓኣ ሶኦሪያ ዓሶም ኪኢታ ዳኬኔ፤ ዬያሮ ሃዳድዔዜሬ ፖኦሊሶኮ ሱኡጋሢ፣ ሸባኬ ዔኪ ዔያቶ ሄላሜ ሙኩኔ።

17 ዳውቲ ዬያ ዋይዛያ ዒሰራዔኤሌ ዓሶኮ ፖኦሊሶ ቢያ ቡኩሲ ዮርዳኖሴ ዋርኮ ሶ ሱኮ ፔንሢኔ፤ ዬካፓ ሶኦሪያ ዓሳ ዴንኪ ዓኣ ሄላሜ ዔያታ ዳንዳዛ፣ ሶኦሪያ ዓሳ ኬሰኪ ዳውቲ ያሌኔ፤

18 ጋዓንቴ ዒሰራዔኤሌ ዓሳ ሶኦሪያ ዓሶ ደውሴኔ፤ ዒማና ደውቴንታ ዒዛኮ ፖኦሊሶንታ ሶኦሪያ ዓሶፓ ላንካይ ያኔታ ሳርጌላ ያይታና ያላ ዓሰንታ ያይዲታሚ ሺያፓፎና ያላ ዓሰያ ዋዴኔ፤ ዬያጉዲ ሃሃ ሞርኮ ፖኦሊሶኮ ሱኡጋሢ፣ ሾባኬያ ዔያታ ዲኬሢሮ ዒኢካ ያሎ ቤዛ ዒ ሃይቄኔ።

19 ሃደድዔኤሪ ቢታንቶ ደማ ዓኣ ካኣታ ዒሰራዔኤሌ ዓሳ ያሊ ዔያቶ ባሼሢ ዔራዖ ዒሰራዔኤሌ ዓሶና ዋላ ገኢጊ ዒሰራዔኤሌ ዓሶ ደማ ዋርቃያ ማዔኔ፤ ዬካፓ ሶኦሪያ ዓሳ ዒጊጨሢሢሮ ዓሞኦኔ ዓሶ ማኣዳጊ ኮዒባኣሴ።

11

ደውቴና ቤርሳቤሆና

1 ዓኮ ለዓ ዓርቃንዳሢኮ ቤርታ ሲላ ዓገኒዳ፣ ካኣታ ያልዚሮ ኬሰካ ዋዶና ደውቴ ፖኦሊሶኮ ሱኡጊና ዒሰራዔኤሌ ፖኦሊሶ ጉቤሢሢሮ ዋላ ደንዲ ያላንዳጉዲ ዒዮዓቤ ዳኬኔ፤ ዔያታ ደንዲ ዓሞኦኔ ዓሶ ያሊ ባሺ ራኣባ ካታሞ ማንጌኔ፤ ደውቴ ጋዓንቴ ዒማና ዬሩሳላሜይዳ ዓቴኔ።

2 ፔቴ ኬሊ ዓባ ሳዛፓ ሺሬንቴ ደውቴ ርኦራኣ ጊንፖ ዳካ ጊንዔፖ ዔቄ፣ ዒዛኮ ካኣቱሞ ማኣሮኮ 0-፩ ዓኣ ዴጌ ቤዛ ኬሰከ፣ ዒኢካ ሃንቴቤቃ ፔቴ ላኣሊሰኬና 0-ሢ ማሰታንቴ ደንቄኔ፤ ዬና ላኣሌላ ሚርጌና ሚዛጲ ላኣሊኬ፤

3 ዬያሮ ዒዛ ያናታቴያ ዔራኒ ዓሲ ዳኪ ቤርሳቤሆ ጌይንታያ ዔሊሜ ናኣዚ፣ ሂኢታ ዓሢ ያሪዮ ማቾታሢ ዒዚ ዔሬኔ፤

4 ዒማና ዒዛሞ ዒዛ ደንዲ ዔኪ ዬዓንዳጉዲ ዒዚ ዓሲ ዳኬኔ፤ ዬንሢ ዓሰንሢ ደንዲ ዒዛ ዔኪ ሙካዛ ዒዛ ቫቴንቄ ዓኣንቴ ዒዚ ዒዛና ዋላ ላሂኔ፤ ዬካፓ ዒዛ ፔ ማኣሪ ማዒ ደንዴኔ።

5 ዳካ ጋዓፖ ዒዛ ጎጳዴሢ ዔሪ ኪኢታ ዓሲ ዒዛሞ ዳኬኔ።

6 ደውቴ ዬያ ዋይዛዮ፡- «ሂኢታ ዓሢ፣ ያሪዮ ታኣሞ ዳኬ» ጌይ ዒዮዓቤሞ ኪኢታ ዳካዛ፣ ዒዮዓቤ ያሪዮ ደውቴ ኮይላ ዳኬኔ፤

7 ያሪዮ ሙካዛ ደውቴ፡- «ዒዮዓቤንታ ፖኦሊሶንታ ቢያ ዋዚዳይ? ያላ ዋዎይታይ?» ጌይ ያኦጨኔ።

8 ዬካፓ ደውቴ ያሪዮሞ፡- «ዓካሪ ደንዲ ቶኮ ኔኢኮ ማሰቴ ሃውሹ» ጋዓዛ፣ ያሪዮ ደውቴ ኮራፓ ኬሰከ ደንዴኔ፤ ዒማና ደውቴ ኔጉዋፖ ዒዚ ፔ ማቾና ዋላ ሙዓንዳጉዲ ሙኡዚ ጊንፖ ዳኬኔ፤

9 ያሪዮ ጋዓንቴ ፔ ማኣሪ ዓኣዲሞ ካኣቱ ካፓ ፖኦሊሶና ዋላ ካኣቱሞ ማኣሮኮ ዲሮ ካራ ላሂ ዋርቄኔ፤

10 ዲማና ሪሪዮ ማኣሪ ዓኣዲባኣሢ ዳውቲ ዋይዛዮ፡- «ሚርጌ ዋዴ ማኣር ዓሶፓ ዲማዲ ናንጌዮ ኔ ሙኩኔ፤ ሂዳዮ ሃሢ ኔኤኒ ማኣሪ ዴንዲባኣሢ ዓይጎርዳይ?» ጌይ ዒዛ ኮይላ ያኑጨፎኔ።

11 ሪሪዮ ማሃዮ፡- «ዒሰራዔኤሌ ዓሶንታ ዪሁዳ ዓሶንታ ዓፒሎና ማዠና ማኣርይዳ ዲንኪ ያሎ ቤዛ ዓኣኔ፤ ሃሢ ጫኣቁሞ ሳኣዲናኣ ዔያቶና ዋላ ዓኣኔ፤ ታኣኮ ሱኡጋሢ ዒዮባቤንታ ዒዛኮ ዴማ ዓኣ ሱኡጎንታ ያሎ ቤዛ ዲንኪ ዓኣኔ፤ ሂዳዮ ታኣኒ ታ ማኣሪ ዴንዲ ሙይ፡ ዑሽኪ ሃሢ ታ ማቸናኣ ዋላ ዋይቲ ላሃንዳይ? ኔ ሃይቆ! ዬያጉዬ ባኣዚ ፔቲታዮ ታ ማዳዓኩ!» ጌዔኔ።

12 ዬካፓ ዳውቲ፡- «ሂዳቶ ሃኖ ሃይካ ፔኤቄ፤ ዚር ታ ኔና ማሂ ዳካንዳኔ» ጌዔሢር ሪሪዮ ዬኖ ከሎንታ ሄሌ ከሎዋ ዬራሳላሚይዳ ዴዔኔ፤

13 ዬኖ ዋንቶ ዳውቲ ሪሪዮ ሙኡዚ ዒዛና ዋላ ሙዓንዳጉዲ ዔኤሌ ሙኡዚ፡ ዋይኖ ዑዠዋ ዑሽ ማሢሴኔ፤ ጋዓንቲ ሪሪዮ ካኣቲሞ ማኣር ካፓ ዓሶና ዋላ ፔኤኮ ዓፒሎ ሂኢሢ ዒኢካ ላሄኔ፤ ማኣሪ ዴንዲባኣሴ።

14 ዚር ጉቲሎ ጊንሣ ዳውቲ ዒዮባቤም ዋርቃታ ፃኣፒ ኪኢታ ሪሪዮ ዑፃ ዳኩኔ፤

15 ዒ ፃኣፔሢ፡- «ያላ ዶዴ ዛላ ሪሪዮ ዔቂሴ፤ ዬካፓ ዒንሢ ጊንሢም ዶጪ ዒዛ ዋዲሹዋቲ» ጌይኩ።

16 ዬያር ዒዮባቤ ካታሜሎ ማንጊ ዓርቂ ዓኣዮ ዒ ዔራ፡ ያላ ዶዳ ካርይዳ ሪሪዮ ዔቂሴኔ።

17 ሞርኮኮ ፖኦሊሳ ዲማና ካታማፓ ኬሰኪ ዒዮባቤ ዓሶ ያሌም፡ ዳውቲ ፖኦሊሶ ሱኡጎይዳፓ ዳካ ዓሲ ሃይቄኔ፤ ሪሪዮዋ ዬያቶና ዋላ ሃይቄኔ።

18 ዒዮባቤ ዬካፓ ያሎ ዛሎ ከኤዛንዳ ዓሲ ዳውቲ ኮራ ዳኩኔ፤

19 ኪኢቶ ዴንዴ ዓሢም ዒዚ ሂዚ ጌይ ከኤዚ ዳኩኔ፤ «ያሎ ዛሎ ቢያ ባኮ ካኣቲም ኔ ከኤዛዛ፡

20 ጎዮንቲ ካኣቲ ዳጋዲ ሂዚ ጋዓንዳያ ናንዳኔ፡- «ዔያቶ ያላኒ ካታሜሎ ባንሢ ፔቶ ዒንሢ ዓይጋ ዑኩይ? ካታሞኮ ዓጮ ከልቂ ዲርቆና ዲያ ዑፃ ዔቂ ዔያታ ዒንሢ ሂኢዠና ዲካንዳሢ ዒንሢ ዔሬዋዓዳ?»

21 ጌዲዎኔ ናኣዚ፡ ዓቤሜሌኬ ሃይቄ ጎይፃ ዒንሢ ኮራ ባይቂያ? ቲቤፄ ጌይንታ ቤዛይዳ ፔቲ ላኣሊሰኬና ካታሞ ከልቂ ዲርቆና ከኤሎ ዑፃፓ ዋንሢ ዒዛይዳ ቡሞባልሲ ዒዛ ዋዳኔ፤ ዬያ ዒንሢ ዔራያታዮ ዓይጎር ከልቂ ዲርቆና ዲያ ዴሞ ጌሌይ? ያዲ ጌዒ ካኣቲ ያኑጨፎቲ፡ «ፖኦሊሶ ሱኡጎሢ ሪሪዮዋ ሃይቄኔ ጌይ ከኤዙዋቲ።»

11:21 ሱኡጎ. ማፃ 9:53።

22 ዬያሮ ኪኢቶ ዓሢ ዳውቴ ኮይላ ዳንዲ ዒዮባቤ ጌዔ ባኮ ቢያ ኬኤዜኔ፤

23 ዒዚ ዒማና፡- «ኦኡኮ ሞርካ ኑጊዳ ደዲ ኑና ያላኒ ካታማፓ ኬሰኪ ቦኦሎ ሙኬኔ፤ ኦኡኒ ጋዓንቴ ዔያቶ ዳውሲ ካታሞ ጌላ ካሮና ማሂ ጊንሣ ዳኬኔ።

24 ዬካፓ ዔያታ ኬኤሎ ዲያ ዑፃ ዔቂ ሂኢዦና ኑና ዳኬኔ፤ ካኣቲዮ! ኔኤኮ ፖኦሊሶፓ ዳካ ዳካ ዓሲ ዒኢካ ሃይቄኔ፤ ኔ ዓይላሢ ሃሪዮሞ ሃይቄኔ» ጌዔኔ።

25 ዳውቴ ዒማና ኪኢቶ ዓሢሞ፡- «ያልዚዳ ያኦኒ ሃይቃንዳቲያ ቤርታዲ ዔርቱሞኣሢሮ <ሲገጨፖ፡ ደዴ!» ጌይ ዒዮባቤም ኬኤዜ፤ ዒዚ ያዩሞፕዲ፤ ጋዓንቴ ደዲ ዒዚ ያሊ ካታሜሎ ዓርቃንዳጉዲ ላቲ ዒዛም ኬኤዜ» ጌይ ዓይሢ ዳኬኔ።

26 ሃሪዮ ማቻ፡ ቤርሳቤሃ ዒዛኮ ዓኒ ዎዶናሢ ዎይዛያ ዩኤኪ ያዩኔ፤

27 ሲያ ጋፔሰካፓ ዳውቴ ዓሲ ዳኪ ፔኤኮ ካኣቱሞ ማኦሪ ዒዛ ዔኪ ሙኬኔ፤ ዒዛ ዒዛኮ ማቾ ማዒ፤ ዓቲንቄ ናይያ ዒዛም ሾዔኔ፤ ጋዓንቴ ዳውቴ ማዴ ባካ ናንጊና ናንጋ ጎዳ ያዩሴኔ።

12

ናኣታኔ ዳውቴ ጎሪሢ

1 ናንጊና ናንጋ ጎዳ ፔ ማሊያ ኬኤዛሢ፤ ናኣታኔ ዳውቴ ኮይላ ዳኬኔ፤ ናኣታኔ ዒማና ዳውቴ ኮይላ ሙካዮ፡- «ፔቲ ካታማይዳ ናንጋ ላምዎ ዓሲሰኬንሢ ዓኣኔ፤ ዔያቶይዳፓ ፔቲሢ ያርጎቹ፤ ባጋሢ ማንቆኬ፤

2 ያርጎጮ ዓሢኮ ሚርጌ ባይና ማራይና ዓኣኔ፤

3 ማንቆ ዓሢኮ ጋዓንቴ ዒዚ ሻንቄ ዔኬ፤ ፔቲ ዑዞ ማራይሰኬማ ዓኣኔ፤ ዬያሮ ዒዚ ዒማ ኮሺ ዛጊ ጋራ ፔኤኮ ናኣቶና ዎላ ዲቻኔ፤ ዒዚ ሙዓ ሙዖ ሙኡዚ፤ ዑሽካ ባኮሞ ዑሻኔ፤ ዒዚ ላሃዎሞ ፔ ዴማ ዓርቂ ላሃኔ፤ ዬማ ማራዎማ ዒዛኮ ዓዳ ናዮጉዲኬ፤

4 ፔቲ ኬሊ ያርጎጫሢ ማኦሪ ሾኦቹ ሙካዛ፤ ዬይ ዓሢ ዬያ ሾኦጫሢም ፔኤኮ ቆልሞይዳፓ ፔቲ ሹካኒ ኮይባኣሴ፤ ጋዓንቴ ዒዚ ዬያ ማንቆ ዓሢኮ ማራዎማ ዔኪ ሾኦጫሢ ሾኦቹንሢ» ጌዒ ኮኣኪንሢ ሃይሴ ኬኤዜኔ።

5 ዳውቴ ዒማና ዬይ ያርጎጫሢ ማዴኔ ጋዓ ሃይሶና ሚርጌና ደጋዲ፡- «ናንጊና ናንጋ ጎዳ ሃይቆ! ዬያይዴ ዓሢ ዎሞዲንታንዳያ ኮይሳኔ!

6 ይያይዱ ሚጠንቱዋን ማዳ ዓሣሢ ይማ ፔቲ ማራያማ ዛሎ ያይደ ማራይ ጠጋጋንዳያ ኮይሳኔ!» ጌዔኔ።

7 ናኣታኔ ዳውቴም፡- «ዬይ ዓሣ ኔናኬ! ናንገና ናንጋ ጎዳ ማዔ ዒሰራዔኤሌኮ ያኦዛሢ ሂዚ ጋዓኔ፤ ታ ኔና ካኣታሣኔ፤ ሳኣዖኦሌ ኩጫፓኣ ታ ኔና ዓውሴኔ፤

8 ዒዛኮ ካኣቱም፡ ሃሃ ላኣሎዋ ዒዛኮ ታ ኔኤም ዒንጌኔ፤ ዒሰራዔኤሌና ዪሁዳ ዓጮናይዳ ታ ኔና ካኣታሣኔ፤ ዬይ ቢያ ኔኤም ዋንዴ ገደዋያ ማዔያታቲ ቃሲ ጳንጩ ማሂ ታ ኔኤም ዒንጋንዳንቲኬ፤

9 ጋዓንቲ ኔኤኒ ታ ዓይሢያ ቦሄሢ ዓይጎርዳይ? ሃያጉዳ ፑርታ ባኣዚ ኔ ዓይጋ ማዳይ? ያሎይዳ ዳኪ ያሪዮ ኔ ዋዲሼኔ፤ ዬያ ዓሣ ዓሞኦኔ ዓሰና ኔ ዋዲሺ፡ ማቾ ዒዛኮ ኔ ዔኬኔ!

10 ኔኤኒ ታኣም ዓይሢንቲባኣሢር፡ ሃሃ ያሪዮ ማቾዋ ኔ ዔኬሢር ኔ ማኣርይዳ ፑርታ ጎይሢና ዋዲንታ ዓሲ ባይቃዓኬ፤

11 ኔ ማኣራ ሜታ ማዢንታንዳጉዲ ታኣኒ ማሃንዳሢ ታ ኔኤም ጎናሲ ኬኤዛኔ፤ ኔኤኮ ላኣሎ ታ ዔኪ ሜሌ ዓሲም ዒንጋ ዋደና ዬይ ባካ ማዲንቲ ኩሞ ኩማሢ ኔ ዔራንዳኔ፤ ዬይ ዓሣ ኔኤኮ ላኣሎና ዋላ ርኦራ ፔጋ ላሃንዳኔ።

12 ኔኤኒ ሃሢ ሃያ ጎሞ ዓኣቲ ማዳኔ፤ ታኣኒ ጋዓንቲ ዒሰራዔኤሌ ዓሳ ቢያ ዛጋንዳጉዲ ዬያ ባኮ ርኦራ ፔጋ ማዲሻንዳኔ» ጌዔኔ።

13 ዳውቴ ዒማና፡- «ጎሜ ማዲ ናንገና ናንጋ ጎዳ ታኣኒ ያዩሴኔ» ጌዔኔ።

ናኣታኔ ገንሣ ዳውቴም፡- «ናንገና ናንጋ ጎዳ ኔኤኮ ጎሞ ዓቶም ጌዔሢር ኔ ሃይቃዓኬ፤

14 ጋዓንቲ ዬያ ጎሞ ኔ ማዲ፡ ናንገና ናንጋ ጎዳ ቦሄሢር * ናዓሢ ኔኤኮ ሃይቃንዳኔ» ጌዔኔ።

15 ዬካፓ ናኣታኔ ፔ ማኣሪ ማዒ ዴንዴ።

ዳውቴ ናዓሢኮ ሃይቦ

ያሪዮ ማቾ ዳውቴም ሾዔ ናዓሢዳ ናንገና ናንጋ ጎዳ ፑርታ ዶርያ ዓጌኔ፤

16 ዬያር ዳውቴ ዒዛኮ ናዖ ያኦሲ ፖዒሳንዳጉዲ ሙኡዚ ሃሺ፡ ሃሃ ሺኢጳሢያ ሺኢቄኔ፤ ቢያ ኬሊ ዋንቶ ዋንቶ ዒ ላሃ ቆልያ ጌሌሰካፓ ሻኣሎ ሃሺ ሳዓ ላሃኔ፤

12:12 2ሳሙ. 16:22። * 12:14 ናንገና ናንጋ ጎዳ ቦሄሢር ጋዓዙ፡ ፔቲ ፔቲ ማፃኣፓ «ናንገና ናንጋ ጎዳኮ ሞርካ ዒዛ ሚኢጫንዳጉዲ ኔ ማሄሢር» ጋዓኔ።

17 ዒዛኮ ደንዛ ዒዛ ኮይላ ሙኪ ሳዒፓ ዒዛ ዔቁሳኒ ጌዔንቴ ዒዚ ሳዒፓ ዔቁ ዔያቶና ዋላ ሙዋ ባኣዚያ ሙዖ ዒፄኔ፤

18 ዬያይዲ ናዒሢ ሃርጊንቴ ዴዓዖ ላንካሳ ኬሎይዳ ሃይቄኔ፤ ዬያሮ ዒዛኮ ዓይላ ናዒሢ ሃይቄሢ ዒዛም ኬኤዛኒ ዒጊጫዖ፡- «ናዒሢ ሸምፔና ዓኣንቴታዖ ኑ ዘሬም ዒ ዋይዚባኣሱ፤ ሃሢ ናዒሢ ሃይቄሢ ኑ ዒዛም ዋይቴ ኬኤዛንዳይ? ጎዖንቴ ዒ ፔና ዔኤቢ ዋኦታንዳሞ?» ዋሊ ኮይላ ጋዓኔ፡፡

19 ዳውቴ ዒማና ዓሳ ካሸካሻሢ ዋይዛዖ ናዒሢ ሃይቄያታሢ ዔሬኔ፤ ዬያሮ ዒዚ፡- «ናዒሢ ሃይቄያ?» ጌይ ዔያቶ ዖኦጩኔ፡፡

ዔያታ፡- «ሂዮ፣ ሃይቄኔ» ጌዔኔ፡፡

20 ዬካፓ ዳውቴ ላሄ ቤዛፓ ዔቁ፣ ዑዖ ፔኤኮ ማሰቴ፣ ቲሺያ ቲሸቴኔ፤ ማኣዓሢያ ላኣሚ ማይንቴ፣ ናንጊና ናንጋ ጎዳኮ ጌኤዦ ማኣሬ ዴንዲ ዘጊ ዖኦሲ ካኣሸኬኔ፤ ያዲዲ ማዒ ካኣቴሞ ማኣሮ ሙካዖ ሙኡዚ ዒንጋንዳጉዲ ዖኦጩ፣ ሙኡዚ ዔኪ ሺኢሸዛ ሙዔኔ፤

21 ዒዛም ማዶ ማዶ ዓሳ፡- «ሃይ ኔኤኒ ኑም ዔርቴዋ ባኣዚ ዓይጎ ማዲሺራይ? ናዒሢ ሸምፔና ዓኣንቴ ኔኤኒ ሙኡዚ ሃሺ ዒዛ ዛሎ ዬኤከኔ፤ ጋዓንቴ ሃሢ ዒዚ ሃይቃዛ ኔጉዋዖ ኔ ዔኪ ሙዔንቴሞ!» ጌዔኔ፡፡

22 ዳውቴ ማሃዖ፡- «ናዒሢ ሸምፔና ዓኣንቴ ሙዖ ሃሺ ታ ዬከሢ ጎኔከ፤ ዬያ ታ ማዶሢ ናንጊና ናንጋ ጎዳ ታና ሚጨንቴ ናዒሢ ታኣኮ ዓውሳንዳያናንዳኔ ጌይከ፤

23 ሃሢ ማይ ዒዚ ሃይቁሰካፓ ዓይጋ ታ ሙዖ ሃሻንዳይ? ናዒሢ ጊንሢ ታ ዳቁሻኒ ማይ ዳንዳዒንታንዳ? ፔቴ ኬሊ ታ ዒዛ ባንሢ ዴንዳንዳኔ፤ ዒዚ ታ ባንሢ ማዒ ሙካዓከ» ጌዔኔ፡፡

ሴሎሞኮሮ ሸይንቶ

24 ዬካፓ ዳውቴ ዒዛኮ ማቾ፣ ቤርሳቤሆ ደዲሺኔ፤ ሃሢ ዒዛና ዋላ ዒ ላሂም ዒዛ ዒማና ዓቴንቁ ናይ ዒዛም ሸዓዛ ዳውቴ ናዒሢኮ ሱንዖ፡- «ሴሎሞኔ» ጌይ ጌሢኔ፤ ናንጊና ናንጋ ጎዳ ናዒሢ ናሸከሢሮ፡፡

25 «ዩዲድያ» ጌይ ሱንዖ ጌሢንዳጉዲ ዒዛ ማሊዖ ኬኤዛ ናኣታኔ ዓይሢኔ፤ ዬኖ ጌይፃ ዔብሬ ዓሶ ሙኡጮና «ናንጊና ናንጋ ጎዳ ናሸከያ» ጌይሢከ፡፡

ዳውቴ ዖሎና ባሺ ራኣባ ካታሞ ዓርቄሢ
(1ዖኦሲ ዓሃከ 20:1-3)

26 ዒማና ዒዮዓቤ ራኣባ ጌይንታ፣ ዓሞኦኔ ካኣቴ ናንጋ ካታሞ ዖሊ ዓርቄኔ፤

27 ዩካፓ ኪሊታ ዓሲ ዳውቴም፡- «ራኣባ ታኣኒ ያሊ ዔያቶኮ ዋኣዖ ዲዎ ካራ ዓኣ ዋርዲዮ ዓርቄኔ፤

28 ሃሢ ዓቲ ፖኦሊሶ ቡኩሲጋፓ ካታሜሎ ያሊ ኔ ኔኤሮ ዓርቄ፤ ሃንጎ ታኣኒ ካታሜሎ ያሊ ዓርቄ ታ ሰጎሢና ዔኤሊንታንዳጉዲ ማሃንዳኔ» ጌዔኔ።

29 ዬያሮ ዳውቴ ፖኦሊሶ ቢያ ቡኩሲ ዔኪ ራኣባ ዴንዳዖ ያሊ ዓርቄኔ፤

30 ዳውቴ ዒማና ዓሞኣኔ ዓሶኮ ያኦዞ ሚልኮሚ ማሊሲ ማኮና ባኮኮ ዋርቄና ኮሺ ቶኦካ ዓጎና፣ ሃይሢታሚ ያይዶ ኪሎ ማዓንዳ ሚዛጰ ባኮ ፔ ቶኦካ ዔኪ ዓገኔ፤ ዬያጉዲ ሃሃ ዒዚ ሚርጌ ባኣዚ ካታሜሎፓ ዲዒ ዔኤኔ፤

31 ዬና ካታሞ ዴራ ማጋኣዜንታ ኩርኩሮንታ ሄርጋንታ ዔኪ ዲማ ዲማ ማዶ ማዳንዳጉዲ ዒ ዓይሤኔ፤ ዋልቄና ዔያቶ ፀኡቤያ ዲንቁሲ ማዠሲሴኔ፤ ዬያጉዲ ሃሃ ሃንጎ ዓሞኣኔ ካታሞይዳ ዓኣ ዓሶ ቢያ ዒማይዲ ማዲሼኔ፤ ዩካፓ ዒዛንታ ዒዛኮ ፖኦሊሶንታ ዬሩሳላሚ ማዒ ዴንዳኔ።

13

ዓሞኖኦኔና ቲማኣሮ ጎኦዞና

1 ዳውቴ ናኣዚ፣ ዓቤሴሎሜኮ ሚዛጰ ቲማኣሮ ጌይንታያ ሎይባኣ ጌርሰኬና ዓኣኔ፤ ዓሞኖኦኔ ጌይንታ ዳውቴኮ ናይሰኬይ ቲማኣሮ ናሽኬኔ፤

2 ሚርጌና ዒዛ ሚዛጰ ማዔሢሮ ዒዛና ላሃኒ ኮዒ ማሊያና ዒዚ ሃርጌኔ፤ ጋዓንቲ ዒዛ ኩሙሢ ዉዴሮ ናይታሢሮ ፔና ካፓያ ጌዔም ዒዚ ዒዛና ላሃኒ ዳንዳዒባኣሴ።

3 ዒማና ፔቴ ኮሺ ጨንጫ፣ ዮናዳኣቤ ጌይንታያ ዒዛኮ ላጌሰኬይ ዓኣኔ፤ ዒዚ ዳውቴኮ ጌርሲ ሻማ ናይኬ፤

4 ዒ ዬይ ዮናዳኣቤ ዓሞኖኦኔ ኮራ፡- «ኔኤኒ ካኣቲ ናይታዖ ቢያ ኬሊ ፀ-ፃ ኔኤኮ ዓይጋ ያኦፒንታይ? ሂንዳ ታኣም ኬኤዜ» ጌይ ያኦጩኔ።

ዓሞኖኦኔ ማሃያ፡- «ታ ጌርሲ ዓቤሴሎሜ ጌሮ፣ ቲማኣሮ ታ ናሽኬሢሮኬ» ጌዔኔ።

5 ዮናዳኣቤ ዒዛም፡- «ያዲታቲ ሃርጌያ ማሊጋፓ ሻኣሎይዳ ላሃ ናኬ፤ ዓዴ ኔና ያኦጩኒ ሙካዛ ታ ጌራ፣ ቲማኣራ ሙኪ ታና ማይሢንዳጉዲ ሃዳራ ዒዛም ኬኤዜ፤ ዒዛ ሃይካ ታ ኮይላ ሙኪ ታ ዛጋንቲ ካሃ ካሢ ታና ኩልሳንዳጉዲ ታ ኮዓኔ» ጌዔ» ጌይ ዞሬኔ።

6 ዬያሮ ዓሞኖኦኔ ሃርጌያ ማሊ ሻኣሎይዳ ፔኤኮ ላሃኔ።

ካአቲ፡ ዳውቲ ዒዛ ምእጫኒ ዒዛ ኮይላ ሙካዛ ዒዚ፡- «ታ ጌራ፡ ቲማኦራ ሃይካ ታ ኮይላ ሙኪ ታ ዛጋንቴ ላም፡ ላአዳ ላአዳ ታአም ዒንጋንዳጉዲ ዒዛ ዓይህቴራ» ጌዔኔ።

7 ዬያሮ ዳውቲ ዒዛኮ ካአቲም ማኦሮይዳ ዓአ፡ ቲማኦሮም፡- «ኔ ጌርሲ ዓምኖኦኔ ማኦሮ ዴንዲ ካሃ ዒዛም ካህ ዒንጌ» ጋዓ ኪኢታ ዳኪኔ።

8 ዒዛ ዒማና ዒዛኮ ጌርሲ ዓምኖኦኔ ማኦሮ ዴንዳ፡ ዒዚ ሻአላይዳ ላሂ ዓአንቴ ዴንቄኔ፤ ዒዛ ዲኢሊ ዲርኪ ባዒ ጌሃናያይዳ፡ ዳካ ዔኪ ላአዴኔ፤

9 ዒዛ ላአዴ ላአዶ ቦኦቃ፡ ኬሲ ዒዚ ሙዓንዳጉዲ ዒንጋዛ፡ ዒዚ ሙ፡ ዓዲ፡- «ዓሶ ቢያ ታ ኮራ፡ ኬሱዋቲ» ጌዔም፡ ዓሳ ቢያ ኬሰኪኔ፤

10 ዬካፓ ዓምኖኦኔ ቲማኦሮ፡- «ታና ኩልሳኒ ካሃ ሃይካ ሻአሎ ዔኪ ዬዔ» ጌይ ዓይህዛ፡ ቲማኦራ ካሃ ዔኪ ዒዛኮ ጌርሲ ዓምኖኦኔ ኮይላ ሙኪኔ።

11 ዒዛ ዔኪ ሙካዛ ጨርፒዲ ዒዛ ዒ ዓርቂ፡- «ታ ጌሮ! ኑ ዎላ ላሆም!» ጌዔኔ።

12 ዒዛ ማሃ፡- «ታ ዒሼ፡ ዔይዔ! ሃዳራ ታና ቦርሲሲፖ! ሃያጉዴ ዳውሲንቴ ማዶ ዒሰራዔኤሌይዳ ማዲንቴ ቤቂባአሴ! ዬያሮ ሃያጉዴ ፑርታ ማዶ ማዲ፤

13 ኔ ታና ሂዲ ቦርሲሴቴ ዓሶ ፔጋ ዎይቲ ታ ሃንታንዳይ? ኔኤኒያ ሃህ ዒሰራዔኤሌይዳ ሚርጌና ዳውሲንቴ ዓሲ ማዓንዳኔ፤ ዬያይዳ፡ ካአቲም ኔ ኬኤዜቴ ዒዚ ታና ኔኤም ዒንጋንዳህ ታ ዔራኔ» ጌዔኔ።

14 ጋዓንቴ ዒዚ ዒዛ ጋዓህ ዎይዛ ኮይባአሴ፤ ዒዚ ዒዛይዳ፡ ዎልቄናታህሮ ዎልቄና ዓርቂ ዒዛና ላሄኔ።

15 ዬማፓ ዓምኖኦኔ ዒዛ ዒና፡ ዒዳ፤ ቤርታ ዒዚ ናሽኬሰካ፡ ባሼ ዒዛ ዒ ዒዳ፤ ዬያሮ ዒ፡- «ሃይካ፡ ኬሰኪ!» ዒዛ ጌዔኔ።

16 ዒዛ ዒማና፡- «ዔይዔ! ታና ኔ ሃያይዲ ፑርቲሲ ዳካያ ማዔቴ ሃህ ኔ ማዶሰካ፡ ዑህ ዓአዴ ሳሜ ኔኤኮ ማዓንዳኔ!» ጌዔኔ።

ዓምኖኦኔ ጋዓንቴ ዒዛሲ ዎይዚባአሴ፤

17 ዬያሮ ዒዚ ዒዛም ማዶ ማዶሰኬያ ዔኤሊ፡- «ሃኖ ላአሌሎ ታ ኮራ፡ ሽኢሼ! ዙሎ ዒዛ ኬሲ፡ጋ፡ ካሮ ዎዴ!» ጌይ ዓይህኔ።

18-19 ዓምኖኦኔኮ ማዶ ማዶህ ቲማኦሮ ዙሎ ኬሳ፡ ካሮ ዎዴ።

ዒዛ ዒማና ዬና ዎዶና ሎይባአ ዉዲርናታ ማኦሳ፡ ዶዶዞ ሚዛ፡ ማኦሳህ ማይንቴ ዓአ፡ ዳርዜኔ፤ ሃህ ፔኤኮ ቶኦካ ዲቢንህ ዎሂ ኩጮዎ ፔኤኮ ቶኦካ ዎሂ ዒላቲ ዬኤኪ ዬኤኪ ዴንዴኔ።

20 ዲዛኮ ዲሺ ዓቤሴሎሜ ዲዛ ዳንቃዎ፡- «ታ ጌር! ኔ ጌርሲ ዓምኖኦኔ ኔና ዓዓርቁያ? ጫክ ኔኤር ዚቲኖ ጌዔ፤ ዲዚ ኔኤኮ ጌርሲ ማዔሢሮ ዬያ ምላሽ ከዚፖ» ጌዔ። ዬያሮ ቲማኦራ ዲዛኮ ጌርሲ ዓቤሴሎሜ ማኦራ ዓሲና ካኣሙዋዎ ፔኤር ዳዔ።

21 ካኣቲ፡ ዳውቴ ዬያ ዋይዛዎ ሚርጌና ዳጋዳ፤ [ጋዓንቴ ዓምኖኦኔ ዲዛኮ ቶይዶ ናዎታሢሮ፡ ሃሣ ዲዛ ዲ ኮሺ ናሽካሢሮ ዔኤቢ ጋዓኒ ኮዒባኣሴ።]

22 ዲዛኮ ጌር፡ ቲማኦራ ዲዚ ዓርቁሢሮ ዓቤሴሎሜ ዓምኖኦኔ ዲናፓ ዲዔ፤ ዬማፓ ዓርቃዎ ፑርታኣ ማዎም ኮሺ ባኣዚ ዲዛና ጌሰታኒ ኮይባኣሴ።

ዓቤሴሎሜኮ ኮሞ ዔኪዎ

23 ላምዎ ለዔኮ ጊንፃ ዓቤሴሎሜ ዔፕሬኤሜ ካታሞ ኮይላ ዓኣ ቤዓሌ ሃዎሬ ጌይንታ ቤዛ ማራቶኮ ጋፓኖ ታይዚሳ፤ ዲማና ዓቤሴሎሜ ካኣቲኮ ዓቲንቆ ናኣታ ቢያ ዬያ ሙዎ ሙኪ ሙዓንዳጉዲ ዔኤሌ።

24 ዲዚ ካኣቲ፡ ዳውቴ ኮራ ዳንዲ፡- «ካኣቲኖ! ታኣኒ ማራቶኮ ጋፓኖ ታይዚሳ፤ ዬያሮ ኔናንታ ኔ ዳማ ማዳ ሱኦጎንታ ዬያ ሙዎ ቤዛ ሙኤቶሽ?» ጌዔ።

25 ካኣቲ፡- «ታ ናዓሃ! ኦ ሙካንዳያ ኮይሱዋሴ፤ ኦ ቢያሢ ሙኤቴ ኔ ሙኡዛንዳ ባካ ኔኤም ማጋንዳ።» ጌዔ። ጋዓንቴ ዓቤሴሎሜ ዓዶ ዶዲሺ ሺኢቁ፤ ካኣቲ ዲማና ማሊዎ ሺርሻኒ ኮይባኣሢሮ ዓቤሴሎሜ ዓንጂ ዳኤ።

26 ዓቤሴሎሜ ጋዓንቴ፡- «ቃራኬ! ኔ ሙካኒ ኮይባኣቲ ታ ጌርሲ፡ ዓምኖኦኔ ሙኤቴሾ?» ጌይ ምላሽ።

ካኣቲ ማሃዎ፡- «ዲዛኣ ዬካ ዳንዲኒ ዓይጌ ኮይሳይ?» ጌዔ።

27 ዲማና ዓቤሴሎሜ ዶዲሺ ሺኢቁሢሮ ዳውቴ ዓምኖኦኔንታ ሃንጎ ዓቲንቆ ናኣቶሞ ቢያ ዳኤ።

ዓቤሴሎሜ ካኣቲም ኮይሳ ሙኡዚ ጊኢሺሺ ዓኣ፤

28 ዲዚ ዲማና ዲዛኮ ዓይሎም፡- «ዓምኖኦኔ ማሢንታማ ኮሺ ዛጉዋቴ፤ ታ ዲንሣ ዓይሣማና ዲዛ ዋዋዲዋቴ፤ ዬያ ዓይሣሢ ታናታሢሮ ፔቴታዎ ዓረጪፖቴ! ጫርቃዎ ማዑዋቴ፡ ፔቴታዎ ዓልቲፖቴ!» ጌዔ።

29 ዬያሮ ዲዛኮ ዓይላ ዲ ዓይሢ ጎይዎ ዓምኖኦኔ ዋዳ፤ ዲማና ዓቲ ዳውቴኮ ዓቲንቆ ናኣታ ፔኤኮ ባቁሎ ባቁሎ ቶጊ ጳሽኪ ዳንዲ ቶሌ።

30 ዔያታ ሃጊ ማአሪ ሄሉዋ። ጎይፃ ዓአንቴ፡- «ዓቤሴሎሜ ኔኤኮ ናአቶ ቢያ ዋዕኔ፤ ፔቴታፖ ዓቴይ ባአሴ!» ጋዓ ሃይሴ ዳውቴም ሱቴኔ።

31 ዬያሮ ካአቲ ዴዔ ቤዛፓ ዔቂ ፆፆ። ፔኤኮ ማአዓሢ ዳርዚ ሳዓ ሎአሜኔ፤ ዒማና ዒኢካ ዒዛና ዋላ ዓአ፡ ዒዛኮ ዓይላአ ፆዬ ፔኤኮ ማአዓሢ ዳርዚ።

32 ዳውቴኮ ጌርሲ ሻማ ናአዚ፡ ዮናዳአቤ ጋዓንቴ፡- «ካአቲዮ! ናአቶ ኔኤኮ ቢያ ዋዕኔ፤ ፆደናሢ ዓምኖኦኔ ሌሊኬ፤ ዓቤሴሎሜ ዬያ ማዳኒ ማሌሢ ዓምኖኦኔ ዒዛኮ ጌር ቲማአር ዓርቁማፓታሢ ኔ ዔራኒ ዳንዳዓኔ።

33 ዬያሮ ናአታ ኔኤኮ ጉቤ ሃይቁያ ማሃ ከኤዛና ሃይሶ ጎኔከ ጌይፖ፤ ፆደናሢ ዓምኖኦኔ ሌሊኬ» ጌዔኔ።

34 ዬማና ዓቤሴሎሜ ዓአሺንቴ ቶሊ ዴንዲናአኮኬ፤ ዬሩሳላሚ ካታዋ ካፓ ፖኦሊሳሢ፡ ሆርናይሜና ጌሚር ጎይፆና ሃንጋ ሚርጌ ዓሲ ከዲ ሙካንቴ ዴንቁኔ፤ ዬያሮ ዒዚ ካአቲ ኮይላ ዴንዲ ዛጌ ባኮ ቢያ ከኤኬኔ፤

35 ዮናዳአቤ ዳውቴም፡- «ታ ጌዔ ጎይፆ ሃይሾ ናአታ ኔኤኮ ሙኮኔ» ጌዔኔ።

36 ዒዚ ዬያ ጌዒ ከኤዚ ጋጋፓማና ዳውቴኮ ናአታ ጌሊ ዒላቲ ዬኤኪሢ ዓርቁም፡ ዳውቴንታ ዒዛኮ ደንዘንታ ዒናፓ ጎጋይቁ ዬኤኬኔ።

37-38 ዒማና ዓቤሴሎሜ ዓአሺንቴ ጌሹሬ ካአቲ፡ ዓሚሁዴ ናአዚ፡ ታልማዬ ኮራ ዴንዴኔ፤ ዒኢካ ዒዚ ሃይሆ ለዔ ዴዔኔ፤ ዳውቴ ፔኤኮ ናአዚ፡ ዓምኖኦኔ ሃይቁሢር ሚርጌ ዋዴ ፆዬ ዬኤኬኔ፤

39 ጋዓንቴ ዳውቴ ዓምኖኦኔ ሃይሶ ሲዮ ዋሌሰካፓ ዒዛኮ ናአዚ ዓቤሴሎሜ ጳቂሥሢ ዓርቁኔ።

14

ዓቤሴሎሜኮ ዬሩሳላሚ ማዒ ሙኮ

1 ካአቲ፡ ዳውቴ ዓቤሴሎሜ ጳቂሥሢ ጻሩያ ናአዚ፡ ዒዮዓቤ ዔሬኔ፤

2 ዬያሮ ዒዚ ቴቆዓ ካታዋይዳ ናንጋ፡ ፔቴ ጨንጫ ላአሊሰኬኖ ዔኤሊሴኔ፤ ዒዛ ሙካዛ፡- «ኔና ሲዬ ዓሲ ማሊሴ፤ ሲዬ ማአፖ ማይንቴ፡ ፆይሲያ ቲሽቴፖ፤ ሚርጌ ዋዴ ሲዬ ዴዔ ላአሊ ማላኒ ጌኢጊንቴ፤

13:37-38 2ሳሙ. 3:3።

3 ዩካፓ ካኣቲ ኮይላ ዴንዲ ታኣኒ ኔኤም ጋባ ባኮ ኬኤዘ» ጌይ ዒ ዘሬኔ፤ ያዲ ጌዔሰካፓ ዒዛ ጋባንዳ ባኮ ቢያ ዒዛም ዒ ኬኤዘኔ።

4 ዩያሮ ላኣሌላ ካኣቲ ኮራ ዴንዲ ሳባ ላሂ ቦንቾ ዔኤሊሂ ዒኤሊላዎ፡- «ካኣቲዮ! ሃዳራ ታና ማእዴ!» ጌዔኔ።

5 ካኣቲ ዒዛ ኮራ፡- «ዓይጎዳይ?» ጌዔኔ፤ ዒዛ ዒማና፡- «ታኣኒ ዜኤሪንዳኬ፤

6 ካኣቲዮ! ታኣኮ ላምዎ ባቲንቄ ናይ ባኣዎ ፔቲ ኬሊ ዔያቶ ላኣጋ ባሲባኣ ቤሰካ ዎላ ዑራዲ ፔቲይ ባጋሂ ዎዴኔ፤

7 ካኣቲዮ! ሃሂ ታኣኮ ዒሊና ቢያ ታና፣ ኔ ዓይሌሎ፡- «ፔ ጌርሲ ዎዴሂሮ ኑ ዒዛ ዎዳንዳጉዲ ኔኤኮ ናባሂ ኑም ባኣሂ ዒንጌ፤ ኔና ዳካላ ዓሲ ባኣያ ኔ ማባንዳኔ» ጌይ ሜታሴኔ። ዔያታ ዩያይዴያ ማዔቲ ታኣኒ ናይ ባኣያ ማዒ ባቲኔ ጌይሂኬ፤ ሃሂ ታኣኮ ፔቲ ባኣፖማ ዔያታ ዎዲ ታ ባኒኮ ሱንሂ ባይዛንዳኔ» ጌዔኔ።

8 ካኣቲ ዒማና፡- «ማኣሪ ዴንዴ፤ ታኣኒ ዩያ ኔ ጌዔ ባኮ ጌሰታንዳኔ» ጌዔኔ።

9 ዒዛ ጊንሂ፡- «ካኣቲዮ! ኔ ጌሰቲ ዎጋንዳ ዎጋ ኔኤም ሜቶ ማዢንዳዎኣሂ ታ ጉሙርቃኔ፤ ማዢያ ማዔቲያ ዩይ ዳቢንታ ታኣና ታ ማኣሮ ባሶናይዳ ማዎም» ጌዔኔ።

10 ካኣቲ ዒዛም፡- «ዓይጎ ዓሲያ ኔና ሜታሴያ ማዔቲ ታ ኮይላ ዒዛ ሺኢሺ፤ ላምዓንሃ ዒ ኔና ሜታሳባኬ» ጌዔኔ።

11 ዒዛ ዒማና፡- «ካኣቲዮ! ታ ናባሂ ሃይቄሂ ዛሎ ኮም ዔካኒ ኮባ ታ ባኒናሂ ታኣኮ ባቲ ናዎማ ዎዲ ዑሃ ባኣዴ ዳቢንቲዳ ጌሎዎጉዲ ማሃኒ ናንጊና ናንጋ ጎዳ ማዔ ኔኤኮ ያኣዛሂ ሱንዮና ታኣም ጫኣቄ» ጌዔኔ።

ካኣቲ፣ ዳውቲ፡- «ናንጊና ናንጋ ጎዳ ሃይቆ! ኔኤኮ ናዎ ሃላንዳ ባኣዚ ባታዛ ቶኣኮ ጋፓናፓ ፔቲታዎ ዒዛኮ ሳባ ጉሪ ኬዲንዳዎሴ» ጌዔኔ።

12 ላኣሌላ፡- «ካኣቲዮ! ሃሂ ታ ፔቲ ባኣዚ ኬኤዘም» ጌዔኔ።

ዒዚ፡- «ሂንዳ ኬኤዘ» ጌዔኔ።

13 ዩያሮ ዒዛ፡- «ያኦሲ ዴርይዳ ሃያጉዴ ፑርታ ባኣዚ ኔ ዓይጋ ማዴይ? ኔኤኮ ናባሂ ፑኒ ዴንዴ ዓጫፓ ማዒ ሙካንዳጉዲ ኔ ኮዒባኣሴ፤ ሃሂ ኔ ጌዔ ባኮና ኔ ዑፃ ኔ ዎጌኔ፤

14 ኑ ቢያሂ ሃይቤ ባታባኬ፤ ኑኤኒ ሳባይዳ ላኣሊንታዎ ጊንሂ ዒውታኒ ዳንዴዑዎ ዎኣሂጉዲኬ። ያኦሲ ጋባንቲ ፑኒ ዴንዴ ዓሲ ዒዛይዳፓ ሃኪ ዴንዴማና ባቲዎጉዲ ዒዚ ማዒ ሙካንዳ ካራ ጊኢጊሻኔ፤ ሽምፓሂ ጉሪ ያዲ ባይቃንዳጉዲ ኮዑዋሴ።

15 ሃሢ ካኣቲዮ! ታኣኒ ኔ ኮይላ ሙኩሢ ዩኖ ባኮና ዓሳ ታና ዓጊቻያ ማዕሢ ኔኤም ኬኤዛኒኬ፤ ታ ምጭ ባኣዚ ቢያ ዒ ታኣም ማዳንዳኔ፤ ጌሲ ጉሙርቁሢና ታ ኔ ኮይላ ሙኩኔ፤

16 ታ ናዓሢና ታኣና ዎዲ ባይዚ፤ ምሕሲ ፔኤም ማሄ ሳዓፓ ዳካኒ ኮዓ ዓሢዳፓ ታ ኔኤም ኬኤዛ ባኮ ዎይዚ ታና ኔ ዓውሳንዳጉዲ ጌይኬ።

17 ዩያጉዲ ሃሢ ካኣቲዮ! ካኣቲ ምሕሲ ከኢታንቻሢጉዲ ማዕሢ ገንሣ ኮኩና ፑርቶና ዲማሲ ዔራሢ ጌሳ ባካ ታና ደዲሻንዳኔ ጌይኬ፤ ናንጊና ናንጋ ጎዳ ማዕ ምሕሣ ኔኤና ዎላ ማምጎሳ!» ጌዔኔ።

18 ካኣቲ ዒማና ዒዞ ኮራ፡- «ፔቲ ባኣዚ ታ ኔና ምጭም፤ ኔኤኒ ጋፒሲ ጎኑሞማ ኬኤዜ» ጌዔኔ።

ዒዞ፡- «ካኣቲዮ! ኔ ኮዔ ባኣዚ ምጭ» ጌዔኔ።

19 ዒዞ፡- «ኔ ሃያይዳንዳጉዲ ኔና ዘሬሢ ዒዮዓቤዳ?» ጌይ ምጭኔ።

ዒዞ ማሃ፡- «ካኣቲዮ! ኔ ሃይቆ! ኔ ጌዔሢፓ ኬሰካንዳ ዓሲ ፔቲታዎ ባኣሴ፤ ጎኔኬ፤ ታ ዓይጎ ዎዳንዳቴያ ዎዚ ታ ጋዓንዳቴያ ታና ዘሬሢ ኔኤኮ ፖኦሊሶ ሱኡጋሢ፤ ዒዮዓቤኬ።

20 ዒዞ ዩያይዳሢ ዔሶ ቢያ ገኢጊሻኒ ማሊኬ፤ ካኣቲዮ! ኔኤኒ ጋዓንቲ ምሕሲ ከኢታንቻሢጉዲ ዔራኬ፤ ማዓንዳ ባኮ ቢያ ኔ ዔዔራኔ» ጌዔኔ።

21 ዩካፓ ካኣቲ ዳካ ኔጌዎ ዒዮዓቤም፡- «ቃራኬ፤ ዳንዲ ዳጌሢ፤ ዓቤሴሎሜ ኮይ ዔኪ ሙኩ» ጌዔኔ።

22 ዒማና ዒዮዓቤ ዳውቲ ቤርታ ሳዓ ላሃ ቦንቾ ዔኤሊሢ ዔኤላዎ ካኣቲ ጋላቲኔ፤ ሃሢ ዒዞ፡- «ታ ኮዔ ባኣዚ ማዳንዳጉዲ ኔ ዓይሢሢ ኔ ታና ቦንቾሢ ታ ዔራኔ» ጌዔኔ።

23 ዩካፓ ዒ ጌሹሬ ዳንዲ፤ ዓቤሴሎሜ ማሃ ዔኪ ዩሩሳላሜ ሙኩኔ፤

24 ጋዓንቲ ዓቤሴሎሜ ካኣቲም ማኣር ጌሊ ናንጉዎጉዲ ካኣቲ ላኣኔኔ፤ ዩያጉዲ ሃሢ ካኣቲ፡- «ዓቤሴሎሜ ዛጋኒ ፔቲታዎ ታ ኮዑዎሴ» ጌዔኔ። ዩያር ዓቤሴሎሜ ካኣቲ ቤርቶ ኬሰኩዎ፤ ፔ ማኣራ ናንጌኔ።

ዓቤሴሎሜ ዳውቲና ዎላ ቡኩሢ

25 ዓቤሴሎሜጉዳያ ሚዛጲ ዓሲ ዒሰራዔኤሌይዳ ፔቲታዎ ባኣሴ፤ ዒዞ ቶኦኮ ጋፓናፓ ዳንዲ ቶኮ ፀንጎ ሄላንዳኣና «ሃይማ ፓጮኔ» ጌይሳ ባኣዚ ባኣያኬ፤

26 ዲዛኮ ቶኦኮ ጋፓና ያደቃሢረ ሃሃ ዲዛ ዴኤፃሢረ ለዔይዳ ፔቴና ዲ ታይዛኔ፤ ዴያ ታይዛና ጋፓኖኮ ዴኤሠማ ካኦቶ ማኦርይዳ ዴኤሠሞ ዔር ባኮና ዛጎዛ ላምያ ኪሎፓ ባሻያኬ።

27 ዓቤሴሎሜኮ ዲማና ሃይሃ ዓቲንቄ ናይና ፔቴ ዉዲር ናይ ዓኣኔ፤ ዉዲር ናዔሎኮ ሱንፃ ቲማኦር ጌይንታያ፣ ሚርጌና ሚዛጳያኬ።

28 ዓቤሴሎሜ ካኦቲና ካኦሙዋያ ዩሩሳላሚይዳ ላምያ ለዔ ዴዔኔ፤

29 ዩካፓ ካኦቲ ኮሩ ዴንዲ ዲዛ ዛሎ ያኦጫንዳጉዲ ዲዮዓቤ ዲዚ ዔኤሊሴኔ፤ ዲዮዓቤ ጋዓንቲ ሙካኒ ኮይባኣሴ፤ ሃሃ ጊንሃ ዲዚ ዲዮዓቤም ኪኢታ ዳካዛ፣ ዲዮዓቤ ሙኩዋ ዓቲኔ፤

30 ዩያር ዓቤሴሎሜ ዲዛኮ ዓይሎ፡- «ዛጉዋቲ፤ ታ ጎዡ ሄሊ ዔልዓሢ ካፂ ዓኣ ጎዡ ዲዮዓቤሲኬ፤ ሃሃ ዴንዲ ዲኢካ ታሚ ዓጉዋቲ» ጌሊ ዓይሃዛ፣ ዔያታ ዴንዲ ሃኣኮይዳ ታሞ ዓጊ ሙኡዜኔ።

31 ዩካፓ ዲዮዓቤ ዓቤሴሎሜ ማኦሪ ሙካዮ፡- «ኔኤኮ ዓይላ ታ ጎዡ፣ ሃኣኮይዳ ዓይጎር ታሞ ዓጌይ?» ጌይ ያኦጫኔ።

32 ዓቤሴሎሜ ማሃዮ፡- «ታ ኔና ዔኤላዛ ኔ ሙኪባኣሢረኬ፤ ሃሃ ካኦቲ ኮይላ ዴንዲጋፓ ገሹሬይዳፓ ሃይካ ታ ዓይጋ ሙኩይ ዲኢካ ታናንጌቲ ታኣም ኮሺታዮ ዓቲኔ ጋዓኔ ጌይ ታ ዛሎ ያኦጫ፤ ዩያጉዲ ሃሃ ታኣኒ ካኦቲና ካኦማንዳ ጎይሢ ጊኢጊሴ፤ ታ ዳቢንቲያ ማዒ ጴዳቲ ዲ ታና ዋዋድንጎ» ጌዔኔ።

33 ዩያር ዲዮዓቤ ካኦቲ፣ ዳውቲ ኮሩ ዴንዲ ዓቤሴሎሜ ጌዔ ባኮ ቢያ ኬኤዜሢረ ዳውቲ ዓቤሴሎሜ ዔኤሊሴኔ፤ ዩካፓ ዓቤሴሎሜ ካኦቲ ቤርቶ ሙካዮ ሳዓ ላሂ ቦንቾ ዔኤሊሢ ዔኤላዛ ካኦቲ ዲዛ ዔኪ ሄርቄኔ።

15

ዓቤሴሎሜ ማሌ ፑርቶ ማሊያ

1 ዩካፓ ዓቤሴሎሜ ፔቴ ሳርጌላ ያይታና ዲቢ ፓርና ፔኤም ጊኢጊሴኔ፤ ዩያጉዲ ሃሃ ዲዛኮ ቤርታ ቤርታ ጳሽካንዳ ደንጊታሚ ዓሲያ ጊኢጊሴኔ፤

2 ዲማና ዲዚ ቢያ ኬሊ ጉቶ ጉቶ ሚኢሪ ካታሞ ጌሎ ካር ባንሢ ሙካ ጎይያ ዓጫ ኬሰኪ ዔቃኔ፤ ፔቴ ዓሲ ካኦቲ ዩያ ዓሢም ጌኤሲ ጌሰታንዳጉዲ ሞኦቶር ሙካኦና ዓቤሴሎሜ ዔኤሊ ዔኤሊ ዓንካፓ ዩይ ዓሢ ሙኩቲያ ያኦጫኔ፤ ዓሢ ያፃፓ ማዔቲያ ኬኤዛዛ፣

3 ዒዚ:- «ዋይዜ፤ ኔኤኮ ጌኤዛ ፒዜኩ፤ ጋግንቴ ኔኤኮ ጌኤዛ ጌሰታንዳጉዲ ካኣቲ ዶኦሪ ጌሣ ዓሲ ባኣሴ» ጋዒ፤

4 ሃሣ ዒዚ ከኤዛዎ:- «ታኣኒ ዋንዴ ሱኡጌታቴ ዓይጎ ጎፃንደይ! ሞኦቶታቴያ ማሌ ደማ ደማ ጌኤሲ ዓኣ ዓሲ ታ ኮይላ ሙከቴ ፒዜ ዋጌ ታ ዋጋንዳንቴኩ» ጋዒ።

5 ዓሳ ዒማና ዒዛኮ ቤርታ ሳዓ ላሂ ቦንቾ ዔኤላሂ ዔኤላዛ ዒዚ ዓሂኮ ኩጮ ዓርቂ ዔቂሲ ዔቂሲ ሂርቃ።

6 ዓቤሴሎሜ ጌኤሲ ዓኣ ዒሰራዔኤሌ ዓሲ ካኣቲ ኮይላ ሙካማና ቢያ ዩያይዳሂሮ ዔያቶኮ ዒኖ ፔ ባንሂ ማሃኒ ዳንዳዔ።።

7 ሃይዶ ሌዔኮ ገንፃፓ ዓቤሴሎሜ ካኣቲ፣ ዳውቴ ኮይላ:- «ካኣቲዮ! ናንገና ናንጋ ጎዳም ታኣኒ ናኣቤ ናኣቢ ኩንሣኒ ኩብርኦኔ ታ ዴንደም!

8 ዓይጎር ጌዔቴ ታኣኒ ኔ ዓይላሂ ሶኦሪያ ዓጫ፣ ጌሹሬይዳ ናንጌ ዋዶና ኔ ታና ዩሩሳላሜ ዔኪ ማሃቴ ዒንጎ ባኣዚ ዒንገ ናንገና ናንጋ ጎዳ ካኣሽካንዳ። ጌይ ታ ናኣቤ» ጌዔ።።

9 ዩያር ካኣቲ:- «ኮሽ ዴንዴ!» ጌዔም፣ ዒዚ ኩብርኦኔ ዴንዴ፤

10 ዩካፓ ዒዚ:- «ዛዩ ዑኡሲ ዒንሂ ዋይዜ ዋዶና <ዓቤሴሎሜ ኩብርኦኔይዳ ካኣታዳ፤!» ጌይ ዒላቲዋቴ» ጌይ ከኤዛንዳ ዔርቲባኣ ከኢታ ዓሲ ዩሩሳላሜ ዓጮ ቢያ ዳከ።።

11 ዓቤሴሎሜ ዒዛና ዓኣዳንዳጉዲ ዔኤሌም ዒዛና ዋላ ዩሩሳላሜ ዴንዴ ላምዎ ጭኦታ ዓሲ ዓኣ፤ ዔያታ ዒዛ ገንዎ ዓኣዴሂ ዒ ማሌ ፑርቶ ማሊዎ ዔሩዋዎከ።።

12 ዓቤሴሎሜ ዒንጎ ባኮ ናንገና ናንጋ ጎዳም ዒንጋኣና ካኣቲ፣ ዳውቴኮ ዘራ ዓሶይዳፓ ፔቴ ዓኪዎፔሌ ጎዎሂም ከኢታ ዓሲ ዒ ዳኪ ጌሎ ካታማፓ ዔኤሊሴ፤ ዒማና ካኣቲም ማሊንቴ ፑርቶ ማሊዎ ደዲ ደዲ፤ ዓቤሴሎሜ ገንዎ ማዔ ዓሶኮዋ ፓይዳ ሚርገ ሚርገ ዴንዴ።።

ዳውቴ ዩሩሳላሜፓ ፑኒ ዴንዴሂ

13 ፔቴ ዓሲ ዳውቴም:- «ዒሰራዔኤሌ ዓሳ ዓቤሴሎሜ ባንሂ ማዔ።» ጌይ ከኤዜ።።

14 ዩያር ዳውቴ ዒዛና ዋላ ዩሩሳላሜይዳ ዓኣ ሱኡጎም ቢያ:- «ዓቤሴሎሜ ኩጫፓ ቶላኒ ኦ ኮዔቴ ዑከና ሃይፓ ኦ ፑኒ ዴንደም! ዑካዲዋቴ! ሃንጎ ኔጉዋዎ ዒ ሙኪ ኦና ባይዛንዳ፤ ካታዎይዳ ዓኣ ዓሲ ቢያ ዒ ዋዎዳንዳ፤!» ጌዔ።።

15 ዔያታ ዒማና:- «ካኣቲዮ! ቃራኩ፤ ኔ ጌዔ ባኮ ቢያ ኦ ኩንሣንዳ።» ጌዔ።።

16 ዬያሮ ካአቲ ፔኤኮ ካአቲሞ ማኣሮ ካፓንዳፖዲ ዲዛኮ ጊንፃኣ ማቸንሢ ማዔ ታጾ ላኣሊሰኬንሢ ሃሻዖ ሃንጎ ፔ ማኣሮ ዓሶንታ ዓይሎንታ ዋላ ፑኒ ዴንዴኔ።

17 ካአቲና ዲዛ ጊንፃ ዓኣዳ ዓሶና ቢያ ካታማፓ ኬሰኪ ዴንዲቤቃ ካታሞኮ ጋፒንፆይዳ ዓኣ ፔቲ ማኣሪሰኬና ኮይላ ዔቄኔ፤

18 ዲማና ሜሌ ዓሳ ቢያ ዲዛ ኮይሌና ዓኣዳኔ፤ ሃሃ ዲዛ ካፓ ፖኦሊሶ ማዔ ኬሪታ ዓሶንታ ፔሊታ ዓሶንታ፤ ዬያፖዲ ጋኣቲፓ ሙከ ላሆ ዪኤታ ጌታ ዓሳኣ ካአቲ ኮይሌና ዓኣዳኔ፤

19 ዲታዬ ጌይንታ ጌታ ዓሣሢ ኮይላ ካአቲ፡- «ኔ ኑኡና ዋላ ዓይጋ ዴንዳይ? ማዔ ዴንዲ ሃሢ ካአታቲ ዓኮ ካአታሢና ዋላ ናንገ፤ ኔኤኒ ኔ ዓጫፓ ሙከ ሃይካ ናንጋ ሜሌ ዓጪ ዓሲኬ፤

20 ሃይካ ኔ ዴዔሢ ዳካኬ፤ ሂዳዖ ሃሢ ኔ ታኣና ዋላ ዓይጋ ሜታዲ ዴንዳይ ጋዓይ? ታኣኒ ዋካ ዴንዳቲያ ዔራዋሴ፤ ዬያሮ ኔ ዓጮ ዓሶ ዔኪ ማዔ ዴንዳይ፤ ናንገና ናንጋ ጎዳ ጉሙርቁንታያ ማዔ ኮሺ ባኣዚ ኔኤሞ ማድንጎ» ጌዔኔ።

21 ዲታዬ ጋዓንቲ፡- «ናንገና ናንጋ ጎዳ ሃይቆ! ኔ ሃይቆ! ካአቲዮ! ታ ሃይቄቲያ ሹሞፔና ናንጌቲያ ኔ ናንጋ ቤዘይዳ ታ ኔኤኮ ዓይላሢ ዲኢካ ኔኤና ዋላ ናንጋንዳኔ» ጌዔኔ።

22 ዳውቲ ዲማና፡- «ቃራኬ! ቢሬ!» ጋዓዛ፡ ዲታዬ ፔኤኮ ፖኦሊሶንታ ማኣሮ ዓሶንታ ዋላ ዔኪ ዓኣዳኔ፤

23 ዬያይዲ ዳውቲኮ ዓሳ ካታማፓ ኬሰኪ ዴንዳኣና ዴራ ዲላቲ ዬኤኬኔ፤ ካአቲያ ፔ ዓሶና ዋላ ቁድሮኦኔ ዶኦጮና ፒንቃዖ ፔቲሞና ዓሲ ናንጉዋ ዳውሎ ባንሢ ዴንዳኔ።

24 ዲማና ቄኤሳሢ፡ ሳዶቄ ዲኢካ ዓኣኔ፤ ጫኣቁሞ ሳኣፂኖ ኬዴ፡ ሌዊ ዓሳ ዲዛና ዋላ ዓኣኔ፤ ዴራ ቢያ ካታሞ ሃሺ ኬሰካንዳያ ሄላንዳኣና ጫኣቁሞ ሳኣፂኖ ዔያታ ዓቢያታሬ ኮይላ ጌሢኔ።

25 ዬካፓ ካአቲ ሳዶቄሞ፡- «ጫኣቁሞ ሳኣፂኖ ማሂ ዔኪ ካታሞ ዴንዳይ፤ ናንገና ናንጋ ጎዳ ታና ቦንቺ ታ ናንጎና ዋዛዲያ ማዔቲ ፔቲ ኬሊ ጫኣቁሞ ሳኣፂኖንታ ያኦሲ ዴሮና ካኣማ ማኣሮንታ ታና ዲ ዛገሳንዳያ ናንዳኔ፤

26 ናንገና ናንጋ ጎዳ ታና ቦንቺ ታ ናንጎና ዋዛዲባኣቲ ጋዓንቲ ታገዳ ዲ ናሽኬ ባኣዚ ማድንጎ» ጌዔኔ።

27 ሃሃ ዲ ሳዶቄሞ ኬኤዛዖ፡- «ዋይኬ፤ ኔ ናኣዚ ዓሂማፃና ዓቢያታሬ ናኣዚ ዮናታኣኔና ዔኪ ኮሺና ካታሞ ማዔ ዴንዳይ፤

28 ታ ኔገዳፓ ሃይሴ ዋይዛንዳያ ሄላንዳኣና ዓሲ ናንጉዋ ዳውሎይዳ ዓኣ ዋሮ ፒንቆ ካሮይዳ ካፓንዳኔ» ጌዔኔ።

29 ዬያሮ ሳዶቄና ባቢያታሬና ጫኣቁሞ ሳኣፂኖ ዬራሳላሜ ዔኪ ዴንዳይ፡ ዲኢካ ዴዔኔ።

30 ደውቴ ዲማና ጾዩያ ዔርዛኒ ዱርሲ ቶካ ዓአሁዋየ ዓፒላ ቶኦኪና ዔኪ ዛይቶ ሪሚቶ ዱኮ ዩኤኪ ዩኤኪ ኬሰኬኔ፤ ዒዛ ጊንያ ዓአዳ ዓሳኣ ቢያ ቶኦኪና ዓፒሎ ዔኪ ዩኤካኔ።

31 ዓኪያፔሌ ዓቤሴሎሜና ዋላ ፑርቱሞ ዘርይዳ ጌሌሢ ደውቴ ዋይዘያ፡- «ናንጊና ናንጋ ጎዳሢየ! ዓኪያፔሌኮ ዘር ጉሪ ቦኦዙሞ ባኣዚ ማሄ!» ጌይ ያኦሲ ሸኢቄኔ።

32 ዴራ ናንጊና ናንጋ ጎዳ ካኦሽካ ቤዞ፡ ዱኮ ቶኦኮ ደውቴ ሄላዛ ዒዛኮ ጉሙርቁንታ ላጌ ዓርካ ዓሲ ማዔ ሁሻዬ ፔኤኮ ማኣዓሢ ደርዚ ሃሣ ሲላሊያ ቶኦካ ዋሂ ዒዛና ካኣማኒ ሙኬኔ።

33 ዒዚ ዒዛሞ፡- «ኔኤኒ ታኣና ዋላ ዴንዴቴ ኔ ታኣኮ ሜቶ ማዓንዳኔ፤

34 ጋዓንቴ ኔ ታና ማኣዳኒ ዳንዳዓሢ ካታሞ ማዒ ዴንዲ ዓቤሴሎሜ ኮይላ ሄኔ ዓዶሞ ታ ማዳ ጎይያ ኔኤማኣ ታ ጉሙርቁንታያ ማዒ ማዳንዳኔ» ጌይ ኔ ዒዛሞ ኬኤዜቴ ሃሣ ዓኪያፔሌ ዓቤሴሎሜ ዘራ ዘር ማኪ ዓይሳያ ማዔቴኬ፤

35 ቄኤሳ፡ ሳዶቁንታ ዓቢያታሬንታ ዒኢካ ዓኣኔ፤ ካኣቱሞ ማኣሮይዳ ኔ ዋይዘ ባኮ ቢያ ዔያቶሞ ኬኤዜ፤

36 ዔያቶና ዋላ ዔያቶኮ ናኣቶ ዓሂማዓጃንታ ዮናታኣኔንታ ዓኣኔ፤ ኔ ዋይዜ ሃይሶ ቢያ ዔያቶ ዑፃ ኔ ታኣሞ ዳካኒ ዳንዳዓኔ» ጌዔኔ።

37 ዬያሮ ደውቴኮ ላጋሢ፡ ሁሻዬ ካታሞ ማዒ ዴንዴኔ፤ ሁሻዬ ሄሄላማና ዓቤሴሎሜ ዒኢካ ሙኬኔ።

16

ደውቴና ጂባ ጎሮሢና

1 ዒማና ደውቴ ዱኮ ቶኦካፓ ሊካ ዳካ ዋታማና ጂባ ጌይንታ፡ ሜፒሮሽቴኮ ዓይሌሰኬይ ዔርቲባኣንቴ ዒዛና ካኣሜኔ፤ ዒዚ ላሞየ ጃኤታ ሙሊሢ ላኣዳ፡ ፔቴ ጃኤታ ሶዬ ሜልዚ ዋይኔ፤ ሙዋ ሚሢ ዓኣፒ ፔቴ ጃኤታ ቱኡሲና ዋይኔ ዑሺያ ፔቴ ሱርባ ማሂ ላሞየ ሃሬና ጫኣኒ ሙኪ ካኣሜኔ፤

2 ካኣቲ፡ ደውቴ ጂባ ኮይላ፡- «ሃይ ቢያ ዓይጎዳይ?» ጌይ ያኦጮኔ።

ጂባ ማሃያ፡- «ካኣቲዮ! ሃሮ ታ ዔኪ ዩዔሢ ኔ ማኣሮ ዓሳ ቶጋንዳጉዲኬ፤ ላኣዶና ሙዋ ሚያ ዓኣፖና ኔኤና ዓኣዳ ዓሶሞ ጋላ ማዓንዳጉዲ፡ ሃሣ ዋይሮ ዑዣኣ ዓሲ ናንጉዋ ደውሎይዳ ዓሳ ኔኤኮ ላቢንታያ ዑሽካንዳጉዲኬ» ጌዔኔ።

3 ካኣቲ ዒዛ ኮይላ፡- «ኔ ጎዳ፣ ሳኣዎኦሌኮ ናኣዚ ናዖ ማዔህ ማፒሮሽቲ ባንካዳይ?» ጌይ ያኦጩኔ።

ዒባ ማሃዖ፡- «ዒሰራዔኤል ዓሳ ዒዛኮ ማዖ ሳኣዎኦሌኮ ካኣቲሞ ማሂ ዒዛሞ ዒንጋንዳሂ ጉሙርቃሂሮ ዒዚ ሃሂ ዩሩሳላሜይ ዓኣኔ» ጌዔኔ።

4 ዒባሞ ካኣቲ ኬኤዛዖ፡- «ማፒሮሽቲኮ ዓኣ ባካ ቢያ ሃይካፓ ሴካ ኔኤርኬ» ጌዔኔ።

ዒባ ማሃዖ፡- «ካኣቲዮ! ታኣኒ ኔ ዓይሌኬ፤ ቢያ ዎዳ ኔና ዎዛሳ ባኣዚ ታ ማዳንዳኔ!» ጌዔኔ።

ደውቴና ሺምዒ ጎዖሂና

5 ካኣቲ ደውቴ ባሁሪሜ ካታሞ ሄላዛ ሳኣዎኦሌ ዒጊኒ ማዔ፣ ጌራ ናኣዚ ሺምዒ ጎዖሰኬይ ዒዛ ባንሂ ዒዛ ጫሽኪ ጫሽኪ ሙኬኔ፤

6 ደውቴ ዒማና ዒዛኮ ፖኦሊሶና ዒዛ ካፓ ዓሶናኮ ባኣካ ዓኣንቲ ሺምዒ ደውቴና ደውቴኮ ፖኦሊሶ ሱኡጎዎ ሹቻ ዲይሂ ዓርቄ።

7 ደውቴ ዒ ጫሽኪ ጫሽኪ፡- «ዓሶ ዎዳሂ ሃይ! ፑርታ ማዳሂ ሃይ! ሃይካፓ ባይቄ!

8 ኔኤኒ ካኣቲሞ ዔኬ፣ ሳዎኦሌ ማኣሮ ዓሶ ሱጉዖ ናንጊና ናንጋ ጎዳ ማሂ ማሂኬ፤ ዒዚ ኔ ካኣቲሞ ዔኪ ኔ ናኣዚ ዓቤሴሎሜሞ ዒንጌኔ፤ ኔኤኒ ሱጉሂ ዓሲ ማዔሂሮ ሃይ ሜታ ኔና ሄሌኔ» ጌዔኔ።

9 ዒማና ያሩና ናኣዚ፣ ዓቢሻዬ ካኣቲ ኮይላ፡- «ካኣቲዮ! ሃይ ሃይቄ ካናሂ ካኣቲ ዎይቲ ጫሽካይ? ታ ዒዛኮ ዴንዲ ቶኦኮ ቲቆሞ!» ጌዔኔ።

10 ዓቢሻዬና ዒዛኮ ጌርሲ ዒዮዓቤናሞ ካኣቲ፡- «ዬያይዳ ዒንሂ ጌልዛ ባኣዚ ባኣሴ፤ ናንጊና ናንጋ ጎዳ ዒዛ ዓይሄም ታና ዒ ጫሽካያ ማዔቴ <ዓይጋ ኔ ሃያይዳይ?» ጌይ ሃያ ዓሂ ላኣጋንዳ ዓሲ ባኣሴ» ጌዔኔ።

11 ዬካፓ ደውቴ ዓቢሻዬና ፖኦሊሶኮ ሱኡጎናሞ ቢያ፡- «ታ ናዓ ታና ዎዳኒ ኮዓያታንቲ ሃይ ቢኢኒያሜ ዓሲ ማዔሂ ማዳ ባኮ ዓይጋ ዒንሂ ዲቃቲ ሄርሻይ? ታና ዒ ጫሽካንዳጉዲ ናንጊና ናንጋ ጎዳ ዒዛ ዓይሄኔ፤ ዬያሮ ሃሹዎቲ፣ ዒ ማሌ ባኮ ማማዶንጎ፤

12 ጎዖንቲ ናንጊና ናንጋ ጎዳ ታኣኮ ማቶ ዛጊ ዒዚ ሃያ ታና ጫሽካ ጫዡ ዛሎ ዓንጅ ታኣሞ ዒንጋንዳያ ናንዳኔ» ጌዔኔ።

13 ያዲ ጌዔሰካፓ ደውቴና ዒዛኮ ፖኦሊሶና ዓያታ ዴንዳ ጎይዖ ዴንዳ፤ ሺምዒ ዒማና ዲኮ ጎኦባ ዔያቶኮ ኮይላ ኮይላ ዴንዲ ጫሽኪ ጫሽኪ ሹቲና ዲይ ዓጪያ ዔያቶ ባንሂ ዔኪ ላኣሌኔ።

16:3 2ሳሙ. 19:26-27::

14 ካክቲንታ ዒዛንታ ዋላ ዓኣዳ ዓሶንታ ዔያታ ሄላኒ ማሌ ቤዞ ሄላዎ ሚርጌና ዔያታ ላቤሢሮ ዒኢካ ሃውሹኔ።

ዓቤሴሎሜ ዩሩሳላሚያዳ ማደ ባኮ

15 ዓቤሴሎሜንታ ዒዛና ዓኣ ዒሰራዔኤሌ ዓሳ ጉቤ ዩሩሳላሚ ጌሌኔ፤ ዒማና ዓከዎፔሌያ ዔያቶና ዋላኩ፤

16 ዒኢካ ዳውቲኮ ጉሙርቁንታያ ማዔ ላጋሢ፣ ሁሻዬ ዓቤሴሎሜና ካኣማዎ፡- «ካክቲዮ፣ ሚርጌ ሌዔ ካኣታደ! ካክቲዮ፣ ሚርጌ ሌዔ ካኣታደ!» ጌይ ዒላቲኔ።

17 ዓቤሴሎሜ ዒዛ ኮይላ፡- «ኔ ላጋሢ፣ ዳውቲም ኔ ጉሙርቁንታያ ማዔሢ ሃይማዳ? ዓይጋ ዒዛ ጊንዎ ኔ ዳንዲባኣይ?» ጌዒ ዎኦጮኔ።

18 ሁሻዬ ማሃዎ፡- «ዎዲ ታ ዩያይዳንዳይ? ሃያ ዳሮንታ ዒሰራዔኤሌ ዳሮ ቢያሢንታ፣ ሃሣ ናንጊና ናንጋ ጎዳኣ ኔና ዶኦሬኔ፤ ዩያሮ ኔኤና ዋላ ታ ናንጋንዳኔ፤

19 ታ ጎዳሢ ናዎም ታ ማዲዎዎ ዎኦም ታ ማዳንዳይ? ኔ ዓዶም ታ ማደሢጉዲ ሃሣ ኔኤማኣ ታ ማዳንዳይ» ጌዔኔ።

20 ዩከፓ ዓቤሴሎሜ ዓከዎፔሌ ባንሢ ሸራ፡- «ኑ ሃሢ ሃይካ ዓኣኔ፤ ኑ ዓይጎ ዎዳንዳጉዲ ኑና ኔ ዘራይ?» ጌይ ዎኦጮኔ።

21 ዓከዎፔሌ ማሃዎ፡- «ኔ ዓዳ ካኣቲሞ ማኣሮ ካፓንዳጉዲ ጌሢ፣ ዒዛኮ ጊንዓኣ ማቕንሢና ዳንዲ ላሄ፤ ኔ ዩያይዳቲ ዒሰራዔኤሌ ዓሳ ቢያ ኔኤኒ ኔ ዓዶ ዳውሲሴሢሢ ዔራንዳኔ፤ ኔኤና ዋላ ዓኣ ዓሳኣ ጫርቃያ ማዓንዳኔ» ጌዔኔ።

22 ዩያሮ ካኣቲሞ ማኣሮኮ ዑፃ ዓኣ ቤዞ ዓቤሴሎሜም ዔያታ ዓፒሎና ማከንቲ ማኣሮ ዶቂ ጊኢጊሸኔ፤ ዓሳ ቢያ ዒዛ ዛጋንቲ ዩያ ዓፒሎና ማከንቲ ማኣሮይዳ ዓዶኮ ማቕንሢና ዒ ላሄኔ።

23 ዒማና ዓከዎፔሌ ዘራ ዘራ ዎኦሲ ቃኣላጉዲ ዋይዚ ዔከንታያኩ፤ ቤርታ ዳውቲ፤ ሃሣ ጊንሣ ዓቤሴሎሜያ ዒዛኮ ዩያ ዘሮ ዔከ ማዳኔ።

17

ሁሻዬ ዓቤሴሎሜ ዘሬ ዘሮ

1 ዩከፓ ሚርጌ ኔጉዎዎ ዓከዎፔሌ ዓቤሴሎሜም፡- «ሃሮ ዒባኒ ታኣኒ ዳውቲ ዳውሲ ዓርቃኒ ታጳ ላዎዎ ሸያ ዓሲ ዶኦሮም፤

16:22 2ሳሙ. 12:11-12።

2 ዲዛ ጋፒ ላቢ ዓሳንቴ ዲ ዔሩዋ ካራና የልዚ ታ ዲዛይዳ ቡላንዳኔ፤ ዩያሮ ዲ ዲቃታንዳኔ፤ ዲዛና ዎላ ዓሳ ዓሳ ሃሺ ጳሽኬም ታ ዲዛ ዎዳንዳኔ፤

3 ዳሮ ቢያ ታኣኒ ኔ ባንሢ ማሃንዳኔ፤ ኔኤኒ ኮዓ ፔቴ ዓሢ ዎዳንቴቴ ቢያሢ ኔ ባንሢ ማዒያኮ ካራ ማዓንዳኔ፤ ዩካፓ ዳራ ቢያ ኮሺና ናንጋንዳኔ።»

4 ዩይ ዞራ ዓቤሴሎሜና ዲሰራዔኤሌ ሱኡጎ ቢያሢም ኮሺ ማሌኔ።

5 ዓቤሴሎሜ ጋዓንቴ፡- «ሃሃ ሂንዳ ዓርካ ዓሃሢ፡ ሁሻዬ ዔኤሎዋቴ፤ ዲ ጋዓ ባኮ ኑ ዎይዘም» ጌዔኔ።

6 ዓቤሴሎሜ ዲማና ሁሻዬ ዔኤሊንቴ ሙካዛ ዓኪያፔሌ ዔያቶ ዞሬ ዞሮ ዲዛም ኬኤዛያ፡- «ዓኪያፔሌ ኑና ያዲ ጌይ ዞሬኔ፤ ዲ ጌዔ ጎይያ ኑ ማዶንደም? ኑ ዎዳንዳቴያ ኔ ኑም ኬኤዛ ባኣዚ ዓሳ?» ጌዒ ያኦጩኔ።

7 ሁሻዬ ማሃያ፡- «ዓኪያፔሌ ዞሬ ዞራ ሃሢ ዲንሢም ኮይሳያቴዋሴ፤

8 ኔ ዓዶ ዳውቴንታ ዲዛና ዎላ ዓሳ ዓሳንታ የልዚና ዔርቴያ፡ ሃሃ ናይ ዔውቴ ዘቢጉዲ ዲጊቻያ ማዔሢ ኔ ዔራኔ፤ ጊንሢ ሃሃ ኔ ዓዶ የልዚ የሊሢና ኬሰኬ ዓሲታሢሮ ዋንቶ ፔ ፖኦሊሶና ዎላ ዎርቃያቴዋሴ፤

9 ሄኤዶ ሃሢ ዲ ዳኔ ዔቴ ባኣካይዳ ሃንጎ፡ ሜሌ ቤሰካ ዓኣሺንቴናንዳኔ፤ ዳውቴ ኔ ዓሳፓ ዎዴም ዎይዜ ዓሲ ቢያ ኔኤኮ ፖኦሊሳ ባሺንቴያ ማሂ ሃይሶ ኔጉዎየ ኬኤዛንዳኔ፤

10 ኔ ዓዶ ዔርቴ የልዚ ዓሲ ማዔሢና ዲዛና ዎላ ዓሳ ዓሳን የልዚ የላ ዶዲ ዓሲ ማዔሢ ዲሰራዔኤሌይዳ ናንጋ ዓሳ ቢያሢ ዔራሢሮ ኔኤኮ ዘቢጉዲ ጫርቃ ፖኦሊሳታዎ ጎጲ ዋኣግንዳኔ፤

11 ዩያሮ ሃሢ ታ ኔና ዞራሢ፡- ዓጮ ጉቤይዳፓ ጌይያ ዳኣኔፓ ዴንዲ ቤርሳቤ ሄላንዳኣና ዓኣ፡ ሚርጉማ ባዚ ዓቺ ማኣሻላጉዲ ማዔ ዲሰራዔኤሌ ዓሶ ቢያ ፔቴይዳ ቡኩሲ ኔኤኒ ኔኤሮ ዔያቶኮ የሎ ሱኡጋሢ ማዒ ዔኪ ዴንዴ።

12 ዓይጎ ቤሰካኣ ዲ ዓኣሺንቶም ዳውቴ ኑ ኮዒ ዴንቃንዳኔ፤ ሻቺ ሳየይዳ ዎርቃሢጉዲ ኑ ዲዛይዳ ዲኢናንዳኔ፤ ዲዛኣ ማዎም ዲዛ ጊንያ ሃንታ ዓሳፓ ፔቴታየ ዓታንዳ ዓሲ ባኣሴ።

13 ዙሎ ሹጮና ኬልቆና ካታማ ዲ ፑኒ ጌሌቴያ ኑ ዳራ ጉቤ ሱሲ ዔኪ ሙካዛ ካታሜሎ ማዔ ካሮና ቱኪ ዓርቂ ጎቺ ዔኪ ኑ ዶኦጫ ኬኤራንዳኔ፤ ጌሜሮ ዑፃ ፔቴ ሹቺታየ ዓታዓኬ» ጌዔኔ።

14 ዲሞና ዓቤሴሎሜና ዲሰራዔኤል ዓሶ ቢያሢና፡- «ዓኪያፔሌ ዘራፓ ሁሻዬ ዘራ ባሼኩ» ጌዔኔ፤ ዓቤሴሎሜይዳ ፑርታ ባኣዚ ሄላንዳጉዲ ናንጊና ናንጋ ጎዳ ዓኪያፔሌ ዘሮ ዔያታ ዔኩዋጉዲ ማሄኔ።

ደውቴኮ ቶሊ ዴንዲያ

15 ዬካፓ ሁሻዬንታ ዓኪያፔሌንታ ዓቤሴሎሜና ዲሰራዔኤል ዓሶ ሱኡጎና ዘሬ ዘሮ ሁሻዬ ቁኤሶንሢ፤ ሳዶቁና ዓቢያታሬናም ኬኤዜኔ፤

16 ቃሲ ሃሃ ዒ፡- «ዓካሪ ሃኖ ዒባኒ ዓሲ ናንጉዋ ደውሎይዳ ዓኣ ዎሮና ፒንቆ ካራ ዎርቁዋጉዲ ዑኩና ከኢታ ዓሲ ደኪ ደውቴም ኬኤዙዋቴ! ዒዛንታ ዒዛ ዓሶንታ ዓዲንቲ ሃይቁዋጉዲ ሩኡሪ ዮርዳኖሴ ዎሮና ፒንቆንጎ!» ጌዔኔ።

17 ዲሞና ዓቢያታሬ ናኣዚ ዮናታኣኔና ሳዶቁ ናኣዚ ዓሂማዓፃና ካታዎ ዔያታ ጌላኣና ዓሲ ዴንቃንዳኔ ጌይ ዒጊጩሢሢሮ ዬሩሳላሜኮ ኮይላ ዓኣ ዎኣፃ ዓልቃ ዔንሮጌሌይዳ ካፓኔ፤ ማዶ ማዶ ፔቴ ዉዴር ናይሰኩና ቢያ ዎይ ዒኢካ ሙኪ ሙኪ ማዲንቲ ባኮ ዔያቶም ኬኤዛዛ ዔያታ ዴንዲ ካኣቲ ደውቴም ኬኤዛኔ።

18 ጋዓንቲ ፔቴ ኬሊ ፔቴ ናይሰኩይ ዔያቶ ዴንቃ ዴንዲ ዓቤሴሎሜም ኬኤዜኔ፤ ዬያሮ ዔያታ ባሁሪሜ ካታዎይዳ ዓኣ ፔቴ ዓሲሰኩያ ማኣራ ፑናኒ ጳሽኪ ዴንዴኔ፤ ዓሢኮ ማኣር ካራ ዔቴ ቦኣኮናና ዓኣንቲ ዔያታ ዒኢካ ጌሌኔ።

19 ዬያ ዓሢኮ ማቻ ዔቶ ካራ ዜዲ ዓጊ፣ ዓሲ ዓልቲ ዛጉዋጉዲ ጊዳ ሃኣኮ ሚጩኔ።

20 ዓቤሴሎሜኮ ደንዛ ዬኖ ማኣር ሙኪ ላኣሌሎ ኮይላ፡- «ዓሂማዓፃና ዮናታኣኔና ዎካዳይ?» ጌይ ያኣጩኔ።

ዒዛ ማሃያ፡- «ዔያታ ዎሮና ፒንቁ ዴንዴኔ» ጌዔኔ።

ዬንሢ ዓሶንሢ ኮዒ ዔያቶ ዴንቃኒ ዴንዳዒባኣሢሮ ዬሩሳላሜ ማዒ ዴንዴኔ።

21 ዔያታ ዴንዴሰካፓ ዓሂማዓፃና ዮናታኣኔና ዑኩና ዔታፓ ኬሰኪ ዴንዳዮ ማዲንቲ ባኮ ቢያ ካኣቲም ኬኤዜኔ፤ ዓኪያፔሌ ዒዛም ማሌ ባኮ ኬኤዛዮ፡- «ዑካዳ ዎሮና ፒንቁ!» ጌዔኔ።

22 ዬያሮ ደውቴና ዒዛ ዓሶና ዮርዳኖሴ ዎሮና ዴንዲ ሳዓ ካራንዳያ ሄላንዳኣና ቢያሢ ፒንቁኔ።

23 ዓኪያፔሌ ዘሬ ዘሮ ዓሳ ዔኪባኣሢ ዔራዮ ሃሮ ፔኤኮ ኮኣሪ ዒ ናንጋ ካታዎ ማዒ ዴንዴኔ፤ ዬካፓ ቢያ ባኮ ሳኣራዮ ሱዲንቲ ሃይቁ ዔያቶ ማኣር ዓሶ ዴኡኮ ቤዛ ዴኡቴኔ።

24 ዲማና ዓቤሴሎሜና ዲሰራዔኤሌ ዓሶ ቢያሢና ዮርዳኖሴና ሙኪ ፒንቃዛ ዳውቴ ዳንዲ ማሂናይሜ ጌይንታ፥ ዳካ ካታማሰኬኖ ሄሌኔ፤

25 ዓቤሴሎሜ ዲዮዓቤ ቤዛ ዓማሳ ጌይንታሰኬያ ፖኦሊሶኮ ሱኡጌ ማሂ ዶኦሬኔ፤ ዓማሳ ዲሰራዔኤሌ ዓሲ * ማዔያ ዩቴሬ ናይኬ፤ ዲንዳ ዲዛኮ ዓቢጋይሎ ጌይንታያ ናሃሼ ናይ ማዓዛ ዲዮዓቤኮ ዲንዶ ጭሩያኮ ጌርኬ።

26 ዩካፓ ዓቤሴሎሜና ዲዛኮ ፖኦሊሶና ጌሌዓዴ ዓጮይዳ ዲንኪ ዳዔኔ።

27 ዳውቴ ማሂናይሜ ሄላዛ ዓሞኦኔ ዓጮይዳ ዓኣ ራኣባ ጌይንታ ካታማፓ ሙኬ፥ ናዖሴ ናኣዚ፥ ሾቢኔንታ ሎዴባሬ ካታማፓ ሙኬ፥ ዓሚዔኤሌኔ ናኣዚ ማኪሪኔንታ ጌሌዓዴ ዓጮይዳ ዓኣ ርጊሊሜ ጌይንታ ካታማፓ ሙኬ፥ ባርዚላይኔንታ ዲዛና ካኣሜኔ።

28-29 ዔያታ ዲማና ሺልዔንታ ዖቲንታ ሃሃ ዜዲያ ዔኪ ሙኬኔ፤ ዩያጉዲ ሃሃ ዳውቴንታ ዲዛኮ ዓሶንታ ሙዓንዳጉዲ፡- ዛርጌ፥ ዔልዓ፥ ዲኢሊ፥ ሚቾና ቲሻ፥ ዖሞዖላ፥ ሪንጋ፥ ዔኤሲ፥ ዲኢቂ ሙሾኮንታ ፒሌንታ ማራይያ ዔኪ ሙኬኔ፤ ዩያ ዔያታ ዔኪ ሙኬህሂ ዳውቴንታ ዲዛ ዓሶንታ ዓሲ ናንጉዋ ዳውሎይዳ ናይዲንቲ ሃሃ ዴኤቢንቲ ላቤያናንዳኔ ጌይኬ።

18

ዓቤሴሎሜ ዖሎና ባሺንቲ ሃይቄህ

1 ካኣቲ፥ ዳውቴ ዲዛ ዓሶ ፔቴይዳ ቡኩሳዖ ሺያ ሺያ ፓቂ ዩያቶኮ ሱኡጌ ዶኦሪ፥ ጊንህ ሃሃ ጭኦታ ጭኦታ ማሂ ፓቂ ዩያ ፓቂንቲ ዓሶኮዋ ዖሎ ሱኡጌ ዶኦሬኔ፤

2 ዲማና ዲ ዔያቶ ሃይሃ ፓቂ ዳኬኔ፤ ዩያቶ ፓቂንቲ ዓሶኮ ሱኡጌ ማዔ ዓሳ ዲዮዓቤንታ ዲዛኮ ጌርሲ ዓቢሻዩንታ ጋኣቴይዳ ሾይንቲህ፥ ዲታዩንታኬ፤ ካኣቲ ዔያቶ ዳካኣና ዓሶ ኮራ፡- «ታኢኒያ ዲንህሂና ዋላ ዓኣዳንዳኔ» ጌዔኔ።

3 ዔያታ ጋዓንቲ፡- «ኔ ኩኦና ዋላ ዓኣዲፖ፤ ኩጊዳፓ ዛላ ጊንህሂም ባሺንቲ ጳሽኬቴያ ዛሎ ኩኦኮ ዎዶናቴያ ኑ ሞርኮም ዩይ ዔኤቢቲዋኣሴ፤ ኔኤኒ ኩኦኮ ታጳ ሺያ ዓሲፓ ባሽኬ፤ ዩያር ኔኤኒ ሃይካ ካታማ ዓቲጋፓ ኩም ኮይሳ ባኣዚ ዳኬቴ ቃራኬ» ጌዔኔ።

* 17:25 ዲሰራዔኤሌ ዓሲ ጋዓዙ፡- ፔቴ ፔቴ ማፃአፖይዳ «ዲሰማዔኤሌ ዓሲ» ጋዓኔ፤ (1ዖኦሲ. ዓሃኬ 2:17)።

4 ካክቲ ዔያቶም፡- «ዒንሢሞ ኮሺ ማዓ ባኣዚ ቢያ ታ ማዳንዳኔ»
ጌዔኔ፤ ዩካፓ ካታሞ ጌሎ ዲሮ ካራ ዔቁ ሺያና ያኤታና ማዒ
ፓቁንቲ፡ ኬሰኪ ኬሰኪ ዳንዳ ፖኦሊሶ ዛጌኔ።

5 ዒማና ዒዚ ዒዮዓቤንታ ዓቢሻዩንታ ዒታዩናሞ፡- «ታኣም
ማሊጋፓ ዳጌሢ፡ ዓቤሴሎሜ ዎዲፖቲ» ጌይ ዓይሢኔ፤ ዳውቲ ዬያ
ጌዒ ፖኦሊሶ ሱኡጎ ዓይሢኣና ፖኦሊሶ ቢያ ዎይዜኔ።

6 ዳውቲኮ ፖኦሊሶ ካታሞ ዙላ ዓኣ ዓጮ ዳንዲ ዒሰራዔኤሌ
ዓሶ ዓፕሬኤሜይዳ ዓኣ ዳኤሎ ካያ ያሌኔ፤

7 ዒማና ዒሰራዔኤሌ ዓሶ ዳውቲ ዓሳ ያሊ ባሺኔ፤ ዬኖ ኬሎ
ዔያቶኮ ሃይቁ ዓሳ ለማታሚ ሺያ ዓሲታሢሮ ፑርታ ባሺንቲ ዔያታ
ባሺንቲኔ፤

8 ያላ ካታሞ ዙላ ዓኣ ዳማ ዳማ ቤዘይዳ ዶዲ ዶዲ ዓኣዳሢሮ
ያሎና ዎድና ዓሶፓ ዳኤሎ ባኣካ ሃይቁ ዓሳ ባሺኔ።

9 ዒማ ኬሎ ዔርቲባኣንቲ ዓቤሴሎሜ ዳውቲ ዓሶይዳፓ ዳካ
ዓሲና ካኣሜኔ፤ ዒማና ዒዚ ባቁሎ ቶጊ ጳሽካሢሮ ባቁላ ፔቲ ዳኤፔ
ሻኣቢ ዳሚና ዳንዳንቲ ሻኣቦ ካኣፓ ዒዛኮ ቶኦኮ * ዓርቁሞ ባቁሌላ
ቶኮ ዳማፓ ዳንዳዛ ዒዚ ዠባራ ሱዲንቲ ዓቲኔ።

10 ዳውቲ ፖኦሊሶፓ ፔቲይ ዬያ ዛጋዎ ዒዮዓቤ ኮይላ ዳንዲ፡-
«ጎዳ! ዓቤሴሎሜ ሻኣቢዳ ሱዲንቲ ዓኣንቲ ታ ዳንቁኔ!» ጌይ
ኬኤዜኔ።

11 ዒዮዓቤ ዒማና፡- «ኔ ዳንቁዎ ዓይጋ ዎዲሞ ሃሺይ? ዎንዴ ኔ
ዬያይዳቲ ታ ኔኤም ያኤታና ታጳ ደንጎ ጊራኣሜ ማዓንዳ ሹቺ ቢራና
ኬርና ኔ ፔቲና ቱካንዳ ዚናኣሬ ዒንጋንዳንቲኬ» ጌዔኔ።

12 ዓሢ ጋዓንቲ፡- «ታጳ ፔቲ ኪሎ ማዓንዳ ሹቺ ቢራ ኔ ዒንጌቲታዎ
ካኣቲናዎ ታ ኩቻ ታ ዎዲዓኬ፤ ካኣቲ ኔናንታ ዓቢሻዩንታ ዒታዩንታም
ታኣም ማሊጋፓ ዳጌሢ ዓቤሴሎሜ ዎዲፖቲ» ጌይ ዓይሢሢ ኦ
ቢያሢ ዎይዜኔ፤

13 ታኣኒ ዒማና ዎንዴ ካኣቲ ዓይሢዎ ሃሺ ዓቤሴሎሜ ዎዲቲ
ካኣቲ ቢያ ባኮ ዎይዛሢሮ ዬያኣ ዎይዙዎዎ ዓታዓኬ፤ ኔኤኒያ ታና
ዓውሳዓኬ» ጌዔኔ።

14 ዬያሮ ዒዮዓቤ፡- «ሃሢ ታ ኔኤና ዎላ ጌሰቲ ጉሪ ኔጋኒ ኮቡዎሴ»
ጋዓዎ፡ ሃይሃ ዎርሢ ዔኪ ዓቤሴሎሜ ሱዲንቲ ዓኣ ሻኣቦ ዒዚ
ሃይቁዎንቲ ሄሌሰካፓ ዳዶይዳ ዶርቢ ዶርቢ ጫርጌኔ።

* 18:9 ቶኦኮ ጋዓዙ፡ ፔቲ ፔቲ ማገአፓ «ቶኦኮ ጋፓኖ» ጋዔኔ።

15 ዲማና ሃሣ ዲዮባቤኮ ስሎ ዓንጎ ከዳ ታጾ ፖኦሊሴ ባቤሴሎሜ ዓኣ ቤዞ ሙኪ ማንጊ ዔቃዎ ጫርጊ ጫርጊ ዒዛ ዋደኔ።

16 ዬካፓ ዓሳ ስሎ ሃሻንዳጉዲ ዲዮባቤ ዛዬ ዋርቃዛ፣ ፖኦሊሳ ዲሰራዔኤሌ ዓሳ ዳውሲዎ ሃሺ ማዔኔ፤

17 ዲማና ዔያታ ባቤሴሎሜኮ ሌዞ ዔኪ ዴኤሎ ባኣኮይዳ ዴኤፒ ዔቲ ዓኣንቲ ዒኢካ ዓገ፣ ሌዞ ዑፃ ፑኡፒ ፑኡፒ ሹቺ ኮሊ ባይዚ ሃሼኔ፤ ዬያር ዲሰራዔኤሌ ዓሳ ጳሽኪ ፔ ማኣሪ ማኣሪ ዴንዴ።

18 ባቤሴሎሜኮ ሱንፃ ዔኤሊንታንዳ ዓቲንቁ ናይ ባኣሢር ዒዚ ቤርታ ሸምፔና ዓኣዎ፡- «ካኣቲ ዶኦጮ» ጌይንታ ቤሰካ ዒዛ ጳቂሣያ ማዓንዳጉዲ ዔኤቢ ማዢ ዳኣቤኔ፤ ዬያኮ ሱንፃ ዒ ፔ ሱንፃ ጌሣሢር ሃኖ ሄላኒ «ዓቤሴሎሜ ዳኣቦ» ጌይንታ።

ዳውቲ ባቤሴሎሜኮ ሃይቦ ዋይዜሣ

19 ዬካፓ ሳቶቆ ናኣዚ፣ ዓሂማዓፄ ዲዮባቤ ኮይላ፡- «ናንጊና ናንጋ ጎዳ ሞርኮይዳፓ ዒዛ ዓውሴያ ማዔሣ ከኤዛ ኮዡ ሃይሶ ዔኪ ካኣቲ ኮይላ ታ ጳሽኮም» ጌዔኔ።

20 ዲዮባቤ ጋዓንቲ፡- «ዔይዔ፤ ሃኖ ኔኤኒ ዔኪ ዴንዳንዳ ኮሺ ሃይሴ ባኣሴ፤ ጎንጉቲ ማሌ ከለና ኔ ዬያይዳኒ ዳንዳዓኔ፤ ሃኖ ካኣቲ ናዓ ሃይቁሢር ኔ ዬያይዲባኣቲ ቃራኬ» ጌዔኔ።

21 ዬካፓ ዲዮባቤ ዒዛም ማዶ ማዶ ፔቲ ዒቶጲያ ዓሲሰኬያ ዔኤላዎ፡- «ኔ ዛጌ ባኮ ቢያ ዴንዲ ካኣቲም ከኤዜ» ጋዓዛ፣ ማዶ ማዶሣ ሂርኪ ጌይ ዚጊ ቦንቾ ዔኤሊሣ ዔኤላዎ ጳሽኪ ዴንዴ።

22 ዲማና ዓሂማዓፄ፡- «ዓይጎ ባኣዚ ማዢንቲቲያ ማታ ባኣሴ፤ ታኣኒ ዴንዲ ዬያ ሃይሶ ከኤዞም ጌዔቲራ» ጌኤኔ።

ዲዮባቤ ጋዓንቲ፡- «ታ ናዓሣዮ፣ ዓይጎር ሃሣ ኔ ዬያይዳኒ ኮዓይ? ዬያ ኔ ማዶሢር ኔኤም ዲንጎንዶ ባኣዚ ባኣዎይ» ጌዔኔ።

23 ዓሂማዓፄ ሃሣ ጊንሣ፡- «ዓይጎ ባኣዚ ማዢንቲቲያ ማታ ባኣሴ፤ ታ ዓኣዳኒ ኮዓኔ» ጌዔኔ።

ዲዮባቤ፡- «ሂዳቲ ዴንዴ» ጌዔኔ፤ ዬያር ዓሂማዓፄ ዮርዳኖሴ ዶኦጮ ጎይዎና ጳሽኪ ኔጉዋዎ ዲቶጲዮ ዓሣ ቢሬኔ።

24 ዳውቲ ዲማና ካታሞኮ ጋራ ዓኣ ዲዎ ካርና ዙላ ዓኣ ዲዎ ካርናኮ ባኣካ ፔጋዶ ቤሰካ ዴዒ ዓኣንቲ፣ ካታሞ ካፓ ዓሣ ዲዎ ዑፃ ዓኣ ሴኤሎ ከሰኪ ዓኣሢር ፔቲ ዓሲ ፔኤር ጳሽኪ ሙካንቲ ዴንቃዎ፣

25 ዔኤሊንቲ ዒ ዛጌ ባኮ ካኣቲም ከኤዜኔ፤ ዬያር ካኣቲ፡- «ዒ ፔኤር ሌሊ ሙካያታቲ ኮሺ ሃይሴ ዔኪ ሙካያ ናንዳኔ» ጌዔኔ፤ ዬይ ዓሣ ሙኬ ጎይሣ ዑኬ።

26 ዩካፓ ዓሢ ሃሃ ጳሽኪ ሙካ ሜሌ ዓሲ ዴንቃፆ ካታሞ ዲያ ካሮ ካፓሢ ዔኤሊ፡- «ሃኣሶ ዛጌ! ሜሌ ሃሃ ፔቴ ዓሲ ጳሽኪ ሙካኔ!» ጌዔኔ።

ካኣቲ ዒማና፡- «ዬይያ ኮሺ ሃይሴ ዔኪ ሙካያ ማዓኒ ዳንዳዓኔ» ጌዔኔ።

27 ካፓ ዓሢ ሃሃ፡- «ቤርታ ጳሽካ ዓሢ ዓዳ ሳዶቄናኣዚ ዓሂማዓፆ ማለኔ» ጌዔኔ፤ ካኣቲ፡- «ዒዚ ኮሺ ዓሲኬ፤ ዬያሮ ዒ ኮሺ ሃይሴ ዔኪ ሙካንዳኔ» ጌዔኔ።

28 ዒማና ዓሂማዓፆ ዑኡዞ ጴጊዲ፡- «ኑ ባሽኔ!» ጌዔኔ፤ ሃሃ ካኣቲ ቤርቶይዳኣ ባለቲና ሳዓ ላሂ ቦንቾ ዔኤሊሢ ዔኤላዎ፡- «ካኣቲዮ! ኔኤም ዋይዞ ዒፆ ዓሶ ያሊ ኔ ባሻንዳጉዲ ማኣዴ፥ ናንጊና ናንጋ ጎዳ ማዔ ኔ ያኣዛሢ ጋላቲንቴያ ማዎም» ጌዔኔ።

29 ዓሂማዓፆ ኮይላ ካኣቲ፡- «ጴጌሢ፥ ዓቤሴሎሜ ዋዚ ዓኣይ?» ጌይ ያኦጩኔ።

ዒዚ ማሃዎ፡- «ጎዳሢዮ! ኔኤኮ ፖኦሊሶ ዓይሣ ዒዮዓቤ ኔ ባንሢ ታና ዳካኣና ዓሲ ዲርጋንቴ ታ ዴንቄኔ፤ ጋዓንቴ ዬይ ዓይጎታቴያ ታ ዔሪባኣሴ» ጌዔኔ።

30 ዩካፓ ካኣቲ ዒዛ፡- «ሃሴኬያ ዓኣዲ ዔቄ» ጌዔኔ፤ ዒዚ ሴካ ደጪ ዔቄኔ።

31 ሄሊሳዎ ማዶ ማዶ ዒቲዮጲዮ ዓሢ ሙኪ ካኣቲ ኮይላ፡- «ካኣቲዮ! ኮሺ ሃይሴ ታ ዔኪ ዬዔኔ፤ ኔኤም ዋይዞ ዒፆ ዓሶ ያሊ ኔ ባሻንዳጉዲ ሃሮ ናንጊና ናንጋ ጎዳ ኔና ማኣዴኔ!» ጌዔኔ።

32 ካኣቲ ዒዛ ኮይላ፡- «ጴጌሢ፥ ዓቤሴሎሜ ዋዚ ዓኣይ?» ጌይ ያኦጩኔ።

ዬይ ማዶ ማዶሢ፡- «ጎዳሢዮ! ዒዛይዳ ማዲንቴ ባካ ኔ ሞርኮንታ ኔኤም ዋይዞ ዒፆ ዓሶ ሄሎንጎ!» ጌዔኔ።

33 ዬያሮ ካኣቲ ሚርጌና ያዩ ካታሞ ኬልቄ ዲርቆና ዲያ ዑፃ ዓኣ ጋሮ ጌሊ ያዳዎ ዬኤኬኔ፤ ዒማና ዒዚ፡- «ታ ናኣዚዮ! ታ ናኣዚዮ! ዓቤሴሎሜ! ዓቤሴሎሜ፥ ታ ናኣዚዮ! ታ ሃይቁዋይ! ታ ናኣዚዮ! ዓቤሴሎሜ፥ ታ ናኣዚዮ!» ጌይ ቃዩ ዬኤኬኔ።

19

ዒዮዓቤ ዳውቴ ጎሪሢ

1 ካኣቲ፥ ዳውቴ ዒዛኮ ናኣዚ ዓቤሴሎሜ ሃይቁሢሮ ኮሺ ያዩ ዬኤካሢ ዒዮዓቤ ዋይዜኔ፤

2 ናኣዚ ሃይቁሢሮ ካኣቲ ያያሢ ፖኦሊሳ ዋይዛዎ ያሎና ባሽሢሮ ዋዛዲያ ሃሺ ያዩሢ ዓርቄኔ።

3 ይያር ዔያታ የሎ ቤዛፓ ገንሣም ጳሽኬ ፖኦሊሴጉዲ ዔኤቢ ጎዑዋዎ ካታሞ ሙኪ ጌሌኔ፤

4 ካአቲ ዒማና ዓአፖ ካሮ ፔ ኩጮና ዓርቂ፡- «ታ ናአዚዮ! ታ ናአዚዮ፣ ዓቤሴሎሜ! ዓቤሴሎሜ፣ ታ ናአዚዮ!» ጌይ ጌይ ቃዩ ዩኤኬኔ።

5 ይያር ዒዮዓቤ ካአቲ ማአሪ ዴንዳዎ፡- «ኔኤኮ ዓቲንቆ ናአቶንታ ዉዲር ናአቶንታ ሃሣ ኔኤኮ ላአሎንታ ገንፃአ ማቸንሣንታ ዓውሴ ዓሶ ሃኖ ኔ ቦርሲሴኔ፤

6 ኔኤኒ ኔና ናሽካዘንሣ ዒፃኔ፤ ኔና ዒፃ ዓሶ ጋዓንቲ ኔ ናሽካኔ፤ ኔኤኮ ፖኦሊሶ ሱኡጎና ፖኦሊሶናሞ ፔቲታዎ ኔ ማሉዋያ ማዔሣ ፔጋሲ ኔ ዳዌኔ፤ ዓቤሴሎሜ ሽምፔና ዓቲሞ ኑ ቢያሣ ባይቄያታቲ ሚርገና ኔ ዋዛዳንዳያታሣ ታ ዔሬኔ፤

7 ጋዓንቲ ሃሣ ዔቂጋፓ ኔኤኮ ፖኦሊሶ ደዲሽ፤ ኔ ይያይዲባአቲ ዚር ጉቲ ዔያቶይዳፓ ፔቲ ዓሲታዎ ኔኤና ዋላ ማዒንዲዋአሣ ናንገና ናንጋ ጎዳ ሱንፃና ታ ኔኤም ጫአቃኔ፤ ይይ ኔኤኒ ናንጌ ዋደይዳ ኔና ሄሌ ሚታፓ ቢያ ዑሣ ዓአዳ ፑርታያ ማዓንዳኔ» ጌዔኔ።

8 ይያር ካአቲ ዴዔ ቤዛፓ ዔቂ ዓአዲ ካታሞ ጌሎ ዲር ካራ ዴዔኔ፤ ዒማና ዒዛ ዓሳ ዒዚ ዒኢካ ዓአሣ ዋይዘዎ ቢያሣ ዒዛ ኮይላ ቡኬኔ።

ዳውቲ ዩሩሳላሚ ማዒ ዴንዳኒ ዔቂሣ

ይያኮ ቤርታ ዒሰራዔኤሌ ዓሳ ጉቤ ፑኒንቲ ፔ ማአሪ ማአሪ ዴንዲ ዓአኔ፤

9 ዒማና ዒሰራዔኤሌ ዓጮ ቢያይዳ ዓአ ዴራ ዋላ ዣሎ ዓርቂኔ፤ ዔያታ ዋሊ ኮይላ፡- «ካአቲ፣ ዳውቲ ኑ ሞርኮ ኩጮፓ ኑና ዓውሴኔ፤ ፒሊሰፂኤሚ ዓሶ ኩጮፓአ ኑና ቶሊሴኔ፤ ሃሣ ጋዓንቲ ዒ ዓቤሴሎሜር ፑኒንቲ ዓጮ ሃሺ ዴንዳኔ።

10 ኑኡኮ ሱኡጌ ማዓንዳጉዲ ዓቤሴሎሜ ኑኡኒ ቲሽኪ ካአታሣኔ፤ ጋዓንቲ ዒዚ የሎይዳ ሃይቄኔ፤ ዓካሪ ካአቲ ዳውቲ ማሂ ዔኪ ሙካኒ ጋዓ ዓሲ ዋይቲ ባይቄይ?» ጋዓኔ።

11 ዒሰራዔኤሌ ዓሳ ዋላ ይያ ጌዒ ጌሰታ ባኮ ካአቲ፣ ዳውቲ ዋይዘኔ፤ ይያር ቄኤሶ ማዔዘንሣ፣ ሳደቄና ዓቢያታሬና ዳኪ ዪሁዳ ሱኡጎ፡- «ካአቲ ማአዲ ፔ ካአቲሞ ማአሪ ማሂ ዔኪ ሙካኒ ዋይታዛ ዒንሣ ጋፒንሣ ዓሲ ማዔይ?»

12 ዒንሣ ታአኮ ጌርሲንሣ ማዔ ዒጊኖኬ፤ ሂዳዎ ታና ማሂ ዔካኒ ቤርታሳ ዓሲ ማዒያ ሃሺ ዓይጋ ዒንሣ ጋፒንሣ ዓሲ ማዒይ?» ጌዒ የኦጪሲሴኔ፤

13 ይያጉዲ ሃሣ ዓማሳም ከኤዛዎ፡- «ኔኤኒ ታኣኮ ጌርሲ ማዔ ባጊናሢኔ፤ ሃይማፓ ዓርቃዎ ዒዮዓቤ ቤዛ ታኣኮ ፖኦሊሶ ሱኡጌ ታ ኔና ማሃንዳኔ፤ ታ ይያይዲባኣቴ ናንገና ናንጋ ጎዳ ታና ባይዘም!» ጋዓኔ ጋዓንዳጉዲ ዔያቶ ዓይሣኔ።

14 ዬይ ዳውቴ ጌሰቴ ጌኤዛ ዪሁዳ ዳሮ ቢያሢኮ ዒኖ ዒዛ ባንሢ ማሃኔ፤ ይያሮ ዳውቴ ፔኤኮ ፖኦሊሶ ሱኡጎ ቢያሢና ዋላ ማዔ ሙካንዳጉዲ ዒዛም ኪኢታ ዳኬኔ።

15 ዳውቴ ማዔ ሙኪፆይዳ ዓኣንቴ ዪሁዳ ዓሳ ዮርዳኖሴ ዋሮ ሃላንዳኣና ጎይሣ ዴንዲ ሞኦኪ ዔኬኔ፤ ዒዛና ዋላ ዋሮ ዒዛ ዔኪ ፒንሣኒ ማሊ ጌልጌላ ሃላንዳኣና ዓሳ ሙኬኔ፤

16 ዓማና ባሁሪሜይዳ ሾይንቴያ ቢኢኒያሜ ዓሲ ማዔያ፡ ጌራ ናኣዚ ሸምዔ ዪሁዳ ዓሶና ዋላ ካኣቴ ጎይሣ ሞኦኪ ዔካኒ ዮርዳኖሴ ዋሮ ዑኬና ዴንዳኔ፤

17 ዒዛና ዋላ ቢኢኒያሜ ፃጺ ማዔያ ፔቴ ሺያ ዓሲ ዓኣኔ፤ ሃሣ ሳኣዎኦሌ ማኣራ ማዶ ማዶ ዓሶኮ ሱኡጋሢ፡ ዓባ ታጾ ዶንጎ ዓቲንቄ ናይና ለማታሚ ማዶ ማዶ ዓሲና ዔኪ ሙኬኔ፤ ዔያታ ዮርዳኖሴ ዋሮ ሩኡሪና ሙኪ ሃላዎ ካኣቴ ቤርቶ ሸኢኬኔ።

18 ዔያታ ካኣቴንታ ካኣቴና ዋላ ዓኣ ዓሶንታ ዋኣዎና ፒንቆ ጎንጎና ዔኪ ፒንሣኒ ሃሣ ካኣቴ ኮዓ ባኮዋ ቢያ ማዶኒ ዮርዳኖሴ ዋሮና ፒንቄኔ።

ዳውቴ ሸምዔም ዓቶም ጌዔሢ

ካኣቴ ዋሮና ፒንቃኒ ገኢገንታኣና ጌራ ናኣዚ፡ ሸምዔ ሙኪ ዒዛኮ ቤርታ ሎኦሚ ላሃዎ፡-

19 «ካኣቴዮ! ዬሩሳላሜፓ ኔ ከሰኪ ዴንዳ ከሎና ታኣኒ ማዶ ደቢንቶ ታኣም ዓቶንጎ ጌዔ፤ ታና ኮሚፖ፤ ዬያ ዛሎ ማይ ማሊፖ፤

20 ታ ጎዳሢዮ! ጎሜ ታ ማዶሢ ታኣኒ ዔራኔ፤ ጋዓንቴ ሃኖ ኬዶ ዛሎ ዒሰራዔኤሌ ፃጸፓ ቤርታሳያ ማዔ ኔና ጎይሣ ሞኦኪ ዔካኒ ታ ሙኬኔ» ጌዔኔ።

21 ጂሩያ ናኣዚ ዓቢሻዬ ዒማና፡- «ናንገና ናንጋ ጎዳ ዶኦሚ ካኣታሢ ካኣቴ ጫሽከሢሮ ሸምዔ ዋዎዶንዶያ ኮይሳኔ» ጌዔኔ።

22 ዳውቴ ጋዓንቴ ዓቢሻዬና ዒዛኮ ጌርሲ ዒዮዓቤና ኮይላ፡- «ዒንሢ ዬካ ዓይጌ ጌልዜይ? ዒንሢ ታኣም ሜቶ ማኣኒ ኮዓ? ሃሢ ዒሰራዔኤሌኮ ካኣታሢ ታናኬ፤ ሃሢ ገንሣ ሃናኣ ከሎ ዓይጎ ዓሲያ ማዎም ዒሰራዔኤሌይዳፓ ዋዲንታዓኬ» ጌዔኔ።

23 ዒማና ካኣቴ ሸምዔም፡- «ኔና ታ ዋዲሺንዱዋሴ» ጌይ ጫኣቄኔ።

ዳውቴ ማፍጠራዎች ላይ ዓቶም ጌዔህ

24 ይካፈልህ ሃህ ሳኦትሌኮ ናካዚ ናፖ ማዕረግ። ማፍጠራዎች ካካተት ሳይሆን ሞክሮ ዔካሊ ሙከራ፤ ካካተት ይረሳላላላ ሃሺ ከሰከላማፓ ዓርቃፖ ዳንዲ ዒዚ ገንህ ባሽህና ማዕረግ ከሎ ሄላንዳኣና ማፍጠራዎች ፔኤኮ ቶኮ ማሰታባኣሴ፤ ቡኤጭዎ ማኤዲባኣሴ፤ ማኣዓህያ ማሰከባኣሴ።

25 ማፍጠራዎች ይረሳላላላ ማዕረግ ዔቂ ካካተት ሞክሮ ዔካሊ ዒ ዓኣ ቤዛ ሙካዛ ካካተት ዒዛ ኮራ። «ማፍጠራዎች፡ ዓይጋ ኔ ታኣና ዎላ ዳንዲዎ ዓቲይ?» ጌዔ ያኦጭኔ።

26 ዒዚ ማሃፖ። «ካካተት! ኔ ታና ዔራህጉዲ ታ ዎቦከ፤ ኔኤና ዎላ ታ ዳንዲከ ኮዓፖ ታኣኮ ዓይላህ ታኣከ ላሃ ታኣም ኮኦሬ» ጌይ ዓይሃዛ፤ ዒዒ ታና ሃሺ ዓኣዳኔ፤

27 ካካተት! ይያ ሌሊቱዎንጉ ታ ዛሎ ኔኤም ሉኡቂ ከኤዞና ባኣዚያ ዓኣኔ፤ ጋዓንጉ ኔኤከ ያኦሲ ከኢታንቻጉዲ ማዕረግ ኔኤከ ማዳኒ ኮዔ ባኣዚ ማማዳ።

28 ካካተት! ታ ዓደ ማኣሮ ዓሶ ቢያ ዎዎደንደ ዓሲከ፤ ካካተት! ኔኤከ ጋዓንጉ ታኣከ ኔ ማኣራ ኔኤና ዎላ ዳዒ ሙዓንዳጉዲ ማሃኔ፤ ይካፈልህ ዑሃ ኮሺ ባኣዚ ታኣም ማዳንታንዳጉዲ ታ ያኦጭንዳያ ኮይሱዎሴ» ጌዔኔ።

29 ካካተት ዒዛም። «ሚርጌ ባኣዚ ማይ ኔ ጌሰታንዳያ ኮይሱዎሴ፤ ኔናንታ ዒባንታ ሳኦትሌኮ ዓኣ ባኮ ዎላ ገሽቲ ዒንህ ዔካንዳጉዲ ታ ዓይህኔ» ጌዔኔ።

30 ማፍጠራዎች ዒማና። «ካካተት! ቢያ ቆሎ ዒባ ዔኮንጎ፤ ኔኤከ ኮሺና ኔ ማኣራ ማዕረግ ሌሊ ታኣም ገዳንዳኔ» ጌዔኔ።

ዳውቴ ባርዚላዬም ማዳ ኮዥ ማዳ

31 ጌሌዓዳ ዓህ፤ ባርዚላዬ ካኣቲና ዎላ ካኣቲ ዔከ ዎሮና ፒንህኒ ሮገሊማፓ ሙከራ፤

32 ባርዚላዬ ዒማና ሌዓ ዒዛኮ ሳሊታሚ ማዕረግ ጋርቺ ዓሲከ፤ ዒዚ ሚርጌና ያርሳቺታህሮ ካኣቲ ዳውቴ ማህናይሚይዳ ዓኣ ዎደና ሙያንደ ባኣዚ ካኣቲም ዳካኔ፤

33 ይያሮ ካኣቲ ባርዚላዬ ኮራ። «ታኣና ዎላ ይረሳላላላ ቢሬ፤ ታኣከ ኔኤም ኮይሳ ባኣዚ ዒንጌም ኔኤከ ዎዛዲ ኮሺ ናንገ ናንጋንዳኔ» ጌዔኔ።

34 ባርዚላዬ ጋዓንጉ። «ካካተት! ማይ ሃይፓ ሴካ ሚርጌ ሌዔ ታ ናንጋዓከ፤ ይያሮ ኔኤና ዎላ ዓይጋ ታ ዓኣዳንዳይ?

35 ታኦኮ ሃሢ ሌዓ ሳሊታሚኬ፤ ማይ ታኦኒ ዋዛሳ ባኦዚንታ ዋዛሱዋ ባኦዚንታ ዲማሲ ዔራንዳ? ሙዖ ባኮንታ ዑሽኮ ባኮንታኮ ባኦሁዋ ዲማሲ ታ ዔራንዳ? ታኦኮ ዋያ ባቲንቆንታ ላኦኦንታ ኮርጋ ኮዖ ዋይዛንዳ? ካኦቲዮ! ኔና፡ ታ ሳዲሢም ሜሌ ኬዲ ታ ማዓሢ ማይ ዓይጌንዳርዳይ?

36 ሃሢ ገንሣ ካኦቲ ታኦም ማዳ ባኮኮ ሃያጉዴ ጴኤፒ ባኦዚ ማዲ ማሃሢያ ዓይጌንዳርዳይ? ጋዓንቲ ሃሢ ታኦኒ ዮርዳኖሴ ዋርና ፒንቁ ዳካ ኔኤና ዋላ ዴንዳንዳኔ፤

37 ዩካፓ ሃደራ ታኦኒ፡ ኔኤኮ ዓይላሢ ታ ዓደንታ ታ ዒንደንታ ዲኡጉ ሴዛ ዲኡታኒ ማዒ ታ ማኦሪ ታ ዴንደም፤ ሃኦዛጌ፡ ታ ናዓሢ ከምሃሜ ኔ ዓይሌ ማዖንጎ፤ ካኦቲዮ! ዒዛ ዔኪ ዴንዲጋፓ ኔ ናሽኬ ባኦዚ ዒዛም ማዳ» ጌዔኔ።

38 ካኦቲ ዒማና፡- «ዒዛ ታ ዔኪ ዓኦዳንዳኔ፤ ዒዛም ታ ማዳንዳጉዲ ኔ ኮዓ ባኮ ቢያ ታ ማዳንዳኔ፤ ኔኤማኦ ኔ ዖኤጫ ባኮ ቢያ ታ ከንሣንዳኔ» ጌዔኔ።

39 ዩካፓ ዳውቲንታ ዒዛ ዓሶንታ ቢያሢ ዮርዳኖሴ ዋርና ፒንቁኔ፤ ዳውቲ ዒማና ባርዚላዩ ሄርቃዖ ዓንጃኔ፤ ባርዚላዩያ ፔ ማኦሪ ማዒ ዴንዳኔ።

ዪሁዳ ዴርና ዒሰራዔኤሌ ዴርና ዳውቲ ዛሎ ማርሜሢ

40 ካኦቲ፡ ዳውቲ ዪሁዳ ዴር ቢያሢና ዒሰራዔኤሌ ዴርኮ ዛሎና ዋላ ዋርና ፒንቁሰካፓ ጌልጌላ ባንሢ ዴንዳኔ፤ ከምሃሜያ ዒዛና ዋላ ፒንቁ ዴንዳኔ፤

41 ዩካፓ ዒሰራዔኤሌ ዓሳ ቢያ ካኦቲ ኮይላ ሙኪ፡- «ካኦቲዮ! ኑ ጌርሰንሢ ማዔ፡ ዪሁዳ ዓሳ ኔና ዔኪ ፔኤም ማሃኒ፤ ዩያጉዲ ሃሢ ኔናንታ ኔ ማኦር ዓሶንታ ኔ ዓሶዋ ቢያ ዔኪ ዋላ ዮርዳኖሴ ፒንቃኒ ዔያቶ ኮይሳያ ማሃ ዓይጋ ማላይ?» ጌይ ዖኦጩኔ።

42 ዪሁዳ ዓሳ ዒሰራዔኤሌ ዓሶም፡- «ኑ ዩያ ማዳሢ ካኦቲ ኑ ዒጊኒ ማዔሢር ሌሊኬ፤ ሂዳዖ ዩያ ዛሎ ዒንሢ ዓይጋ ዳጋዳይ? ኑ ሙዔ ሙዖኮ ዒ ኑም ጨጌ ባኦዚ ባኦሴ፤ ሜሌ ዓይጎ ባኦዚያ ዒ ኑም ዒንገባኦሴ» ጌዔኔ።

43 ዒሰራዔኤሌ ዓሳ፡- «ዋዚ ዒ ዒንሢኮ ዒጊኒ ማዔቲያ ዒንሢ ዒዛ ኮዓሰካፓ ባሼ ዒዛ ኑ ኮዓኔ፤ ካኦቲ ካኦታዳ ዴርፓ ባሼሢ ኑ ዖጶኬ፤ ዒንሢ ኑና ቦሃሢ ዓይጎርዳይ? ካኦቲ ማሃ ዔኪ ሙኪዖኮ ቤርታዲ ዖኦጩዖ ዖኦጩሢ ኑናኬ!» ጌዔኔ።

ጋዓንቲ ዒሰራዔኤሌ ዓሶፓ ባሼ ዪሁዳ ዓሳ ዳውቲ ፔኤም ማሃኒ ዲዲ ማርሜኔ።

20

ሼባዔ ማዳ ፑርታ ማዳ

1 ዩሮ ወደና ሼባዔ ገይንታያ ዒኔ ዔርቱዋ፡ ፑርታ ዓሲስኬይ ጌልጌላይዳ ናንጋኔ፤ ዒዚ ሸይንቱሢ ቢኢኒያሚ ፃጸፓ ማዓዛ ቢኪሪ ገይንታኔ፤ ዩይ ዓሢ ዛዬ ዋርቃ፡- «ዒሴዬ ናኣዚ ዳውቱ ሃሹዋቱ! ኑዒዛ ዓሲ ማዒ ዴዓዓኩ! ዒሰራዔኤሌ ዓሲዮቱ ፔቱ ፔቱሢ ማኣሪ ማኣሪ ዴንዲዋቱ!» ገይ ዒላቲኔ።

2 ዩያር ዒሰራዔኤሌ ዓሳ ዳውቱ ዒኢካ ሃሺ ሼባዔና ዓኣዳኔ፤ ዩሁዳ ዴራ ጋዓንቱ ዮርዳኖሴፓ ዓርቃ፡ ዴንዲ ዩራሳላሚ ሃላንዳኣና ዒዛፓ ዲማዲባኣሴ።

3 ዳውቱ ዩራሳላሚይዳ ዓኣ ዒዛኮ ካኣቱሞ ማኣር ሙካፖ ዒኢካ ዩያ ማኣር ካፓንዳፑዲ ዒ ገሢ፤ ታጸ ላኣሎንሢ ዔኪ ፔቱ ማኣሪዳ ገሢ፡ ካፓ ዓሲና ካፒሴኔ፤ ዔያቶሞ ኮይሳ ባኣዚያ ቢያ ዒንጋንዳፑዲ ዓይሢ፤ ጋዓንቱ ዔያቶና ዒ ላሃባኣሴ፤ ዩማፓ ዓርቃ፡ ዴንዲ ሃይቃንዲያ ሃላንዳኣና ዓኢ ሃይቁ ዜኤሪንዳፑዲ ዒኢካ ጋርይዳ ሌሊ ዴዒ ዔያታ ናንጌኔ።

4 ካኣቲ ዒማና፡- «ዩሁዳ ዓሶ ቢያ ፔቱይዳ ዔኤሊ ቡኩሲፓፓ ሂንቶ ሃይካ ዔኪ ዩዔ» ገዒ ዓማሳ ዓይሢ።

5 ዩካፓ ዒዚ ዔያቶ ዔኤላኒ ዳንዳዔኔ፤ ጋዓንቱ ካኣቲ ገዔ ኬሎና ማዒ ዒዚ ሙካኒ ዳንዳዒባኣሴ።

6 ዩያር ካኣቲ ዓቢሻዬም፡- «ሼባዔ ዓቤሴሎሚፓ ባሼ ሜቶ ኑጊዳ ዔኪ ዩዓንዳኔ፤ ሃሢ ታኣኮ ፖኦሊሶ ዔኪፓፓ ጊንፖ ዳውሲ ዴንዴ፤ ሃንሳ ዒ ዙሎ ዲርቆና ካታሞ ታኣሲፓ ፔቱይዳ ጌሌቱ ቶላኒ ዳንዳዓኔ» ጋዓኣ።

7 ዒዮዓቤኮ ፖኦሊሳ፡ ኬሊታ ዓሳ፡ ፔሊታ ዓሶንታ ፖሎና ዔርቱ ሃንሳ ፖኦሊሳኣ ዓቢሻዬና ዋላ ቢኪሪ ናኣዚ ሼባዔ ዳውሳኒ ዩራሳላሚ ዴንዴኔ።

8 ዔያታ ገባፖኦይዳ ዓኣ ዴኤፖ ሹጫሢ ካሮ ሃላፖ ዓማሳና ካኣሚኔ፤ ዒማና ዒዮዓቤ ጨንቾ ዓፓር ጎንጎና ዶቂ ጎንጎናዋ ቃልሻ ቱኪ ፖልዘም ገኢጊንቲ ዓኣኔ፤ ዒዚ ቤርቲም ሴካ ዴንዳንቱ ጨንቾ ዓፓራ ኪሪ ኬይኔ፤

9 ዩካፓ ዒዮዓቤ ዓማሳ ኮይላ፡- «ታ ዒሻሢ! ኔ ዋዚ ዓኣይ?» ጋዓ፡ ሃሄርቃያ ማሊ ሚዛቆ ኩጮና ቡኡጮ ዓርቄኔ፤

20:1 1ካኣቶ. ማ 12:16፤ 2ፖኦሲ. ዓሃኬ 10:16። 20:3 2ሳሙ. 16:22።

10 ዲዮዓቤ ባሳ ኩጮይዳ ጨንቾ ዓፓር ዓርቋሢ ዓማሳ ዴንቁባአሢር ዔዲቀንቲ ጎጆይዳ ጫርጌም ሩቁንታ ሳዓ ቶሪ ላሃኔ፤ ዓማሳ ቤዘማና ሃይቋሢር ዲዮዓቤ ዲዛ ላሚ ጫርጊባአሴ።

ዩካፓ ዲዮዓቤና ጌርሲ ዓቢሻዬና ቢኪሪ ናኣዚ ሹባዔ ዳውሲዖ ዓርቋኔ።

11 ዲዮዓቤ ፖኦሊሶይዳፓ ፔቴሰኬይ ዓማሳኮ ሌዘ ኮይላ ዔቁ፡- «ዲዮዓቤና ዳውቴናሮ ማዔ ዓሳ ቢያ ዲዮዓቤ ጊንዖ ዴንዱዋቴ!» ጌዔኔ።

12 ዲማና ዓማሳኮ ሌዘ ሱጉሢ ሌሊ ማዔ ጎይዖ ሳዛ ላሃ ዓኣኔ፤ ዩይ ዓሢ ዲዮዓቤኮ ፖኦሊሳ ጉቤ ዔቁ ዘጋሢር ሌዘ ጎቺ ዔኪ ጎሽ ጋርሲ ጌልዚ ዓፕላና ካንቁ ሃሹኔ።

13 ዓማሳኮ ሌዘ ጎይዖፓ ዩይ ዓሢ ሺኢሹሰካፓ ዓሳ ጉቤ ቢኪሪ ናኣዚ ሹባዔ ዳውሳኒ ዲዮዓቤ ጊንዖ ዴንዳኔ።

14 ሹባዔ ዲማና ዲሰራዔኤሌ ፃጰ ዓጮ ቢያኮ ጊዴና ቲቁ ዴንዲ ዓቤልቤትማዕካ ጌይንታ ካታሞ፡ ሃሢ ቢኪሪ ዓሶ ዓጮዋ ሄሌኔ፤ ዩያሮ ቢኪሪ ቶኦኪ ማዔ ዓሳ ቢያ ቡኪንቲ ሹባዔ ጊንዖ ካታሜሎ ጌሌኔ፤

15 ዲዮዓቤኮ ፖኦሊሳ ሹባዔ ዲኢካ ዓኣሢ ዋይዘዖ ዴንዲ ካታሜሎ ማንጌኔ፤ ዩካፓ ዙሎ ዘሎና ካታሞኮ ከኤሎ ዲዖ ሄሊሲ ዓጪ ኩሊ፡ ዩይ ከኤሎ ዲዖ ደዓንዳጉዲ ፃጰ ቦኦኪሢ ዓርቋኔ።

16 ዲማና ካታሞይዳ ናንጋ ፔቴ ጨንጫ ላኣሊሰኬና ከኤሎ ዲዖ ዑፃ ዔቃዖ ዑኡዘ ዴጊዲ፡- «ዋይዘዋቴ! ዋይዘዋቴ! ዲዮዓቤ ሃይካ ሙካንዳጉዲ ከኤዘዋቴ፤ ታ ዲዛና ዔኤቢ ጌሰታኒ ኮዓኔ» ጌዔኔ።

17 ዲዮዓቤ ዲኢካ ሙካዛ ላኣሌላ፡- «ዲዮዓቤ ጎዖሢ ኔናዳ?» ጌይ ዖኦጮኔ።

ዲዚ ማሃዖ፡- «ሂዮ፡ ታናኬ» ጌዔኔ፤

ዲዛ፡- «ታ ጎዳሢዮ፡ ዋይዘ» ጌዔኔ፤

ዲዚያ፡- «ታ ዋይዘኔ፡ ከኤዘ» ጌዔኔ።

18 ዲዛ ከኤዘዖ፡- «ሚና ሳኣቤኤሌ ካታሞ ዴንዲ ዲንሢ ዖኦጮ ባኮ ዲኢካፓ ዋይዘንዳኔ» ጌይንታሢር ዓሳ ዲማይዳኔ።

19 ዲሰራዔኤሌይዳ ኮሺ፡ ሃሢ ጉሙርቁንታ ካታሜላ ሃኖኬ፤ ኔኤኒ ሃሢ ሃኖ ዲሰራዔኤሌይዳ ዲንዶ ማዔ ዓኣ ካታሜሎ ባይዘኒ ኮዓሢ ዓይጎሮዳይ? ናንጊና ናንጋ ጎዳሮ ማዔ ካታሞ ኔኤኒ ሻሂ ባይዘኒ ጋዓ?» ጌዔኔ።

20 ዲዮዓቤ ዲዘሞ፡- «ዲንሢኮ ካታሞ ታ ባይዘዓኬ፤ ፔቴታዖ ታ ሻሂ ደይሳዓኬ!

21 ኑ ማሊ ሙኬሢ ዩያይዳኒቱዋሴ፤ ጌሜራ ሚርጌ ዓኣ፡ ዔፕሬኤሜ ዓጮሎ ሹይንቲ ማዔ ቢኪሪ ናኣዚ ሹባዔ ካኣታሢ

ዳውቴም ወይዘ ዲጃኔ፤ ዬያ ዓሢ ሌሊ ኑም ዒንጉዋቴ፤ ካታሜሎ ኑ ሃሺ ዴንዳንዳኔ» ጌዔኔ።

ዒዛ ማሃያ፡- «ዒዛኮ ቶኦኮ ቲቂ ዔኪ ከኤሎ ዲያ ዑሣ ኔኤም ኑ ዒጋንዳኔ» ጌዔኔ።

22 ዬያ ዒዛ ማሌ ማሊያ ማዲ ኩንሣኒ ካታሞ ዴሮ ከይላ ዴንዳኔ፤ ዔያታ ዒማና ቢኪሪ ናኣዚ፤ ሺባዔኮ ቶኦኮ ቲቂ ዔኪ ከኤሎ ዲያ ዑሣና ዒዮዒቤም ዓጌኔ፤ ዬካፓ ዒዛኮ ፖኦሊሳ ካታሜሎ ሃሺ ዴንዳንዳጉዲ ዒዮዒቤ ዛዬ ዋርቁም ፖኦሊሳ ፔ ማኣሪ ማኣሪ ማዒ ዴንዳኔ፤ ዒዮዒቤያ ካኣቲ ከይላ ዬሩሳላሜ ዴንዳኔ።

ዳውቴኮ ዶንዛ

23 ዒዮዒቤ ዒሰራዔኤሌ ፖኦሊሶኮ ሱኡጋሢ ማዓዛ፤ ዮዳሃ ናኣዚ ቤናያ ከኤሊታ ዓሶንታ ፔሊታ ዓሶንታኮ ሱኡጌኮ፤

24 ዓደራራሜ ዔኤቢ ጨጉዋንቴ ጉሪ ማዳ ዓሶኮ ሱኡጌ ማዓዛ፤ ዓሃሉዴ ናኣዚ ዒዮሳፒጭ ማዲንቴ ባኮኮ ሃይሶ ፃኣፓያኮ፤

25 ሱሳ ጎዖሢ ካኣቲሞ ማኣሮይዳ ዔኤቢ ፃኣፓያ ማዓዛ፤ ሳዶቄና ዓቢያታሬና ቄኤሶኮ፤

26 ዬያጉዲ ሃሣ ያዒሬ ካታማ ሾይንቴ፤ ዒራ ጎዖሰኮይ ዳውቴም ቄኤሴ ማዒ ማዳያኮ።

21

ጌባዖኦኔ ዓሳ ኮሞ ማሃሢ

1 ዳውቴ ካኣታዲ ዓኣንቴ ሃይሣ ሌዔ ጉቤ ዓጫ ሉማዴኔ፤ ዬያሮ ዳውቴ ናንጊና ናንጋ ጎዳ ዖኦጫዛ፤ ናንጊና ናንጋ ጎዳ ማሃያ፡- «ሳኣዖኦሌና ዒዛ ማኣሮ ዓሶና ጌባዖኦኔ ዓሶ ዋዴሢሮ ሱጉሢ ዓሰ ማዒ ዓኣኔ» ጌዔኔ።

2 ዬና ጌባዖኦኔ ዓሳ ዒሰራዔኤሌ ዓሰቲሞሴ፤ ዒሰራዔኤሌ ዓሳ ዔያቶም፡- «ኑ ዒንሢ ዋዲንዲሞሴ» ጌይ ጫኣቁም ዓሞራ ዓሶፓ ፒኢጫዲ ዓቲ ዴሬኮ፤ ሳኣዖኦሌ ዒሰራዔኤሌ ዓሶና ዩሁዳ ዓሶና ዒናፓ ናሽካያታሢሮ ዔያቶ ባይዛኒ ማሌንቴ ዓቲ ዓኣያኮ።

3 ዬያሮ ዳውቴ ዬያቶ፤ ጌባዖኦኔ ዓሶ ፔቴይዳ ዔኤሊ፡- «ናንጊና ናንጋ ጎዳ ዴሮና ዒንሢ ጊኢጌም ናንጊና ናንጋ ጎዳ ዔያቶኮ ዳቢንቶ ዓቶም ጋዓንዳጉዲ ዒንሢዳ ማዲንቴ ጌሮ ማዳ ዛሎ ፔቴ ባኣዚ ታ ዒንሢም ማዲኒ ኮዓኔ፤ ታ ዋዎዶንዶይ?» ጌዔኔ።

21:2 ዒያ. 9:3-15።

4 ዔያታ ማሃያ፡- «ሳኦኦኤልና ዒዛኮ ማኦር ዓሰና ዋርቄ ማምም ቢራ ጩሳናቴያ ኵኡኒ ገኢጋኒ ዳንዳዑዋሴ፤ ሃሣ ኵኡኒ ዒሰራዔኤል ዓሰፓ ዓይጎ ዓሲያ ዋዳኒ ኮዑዋሴ» ጌዔ።

ዳውቴ ዒማና፡- «ሂዳያ ታ ዋዳንዳጉዲ ዒንሢ ኮዓይ?» ጌይ ዔያቶ ያኦጩኔ።

5 ዔያታ ማሃያ፡- «ሳኦኦኤል ኵና ጋፒሲ ባይዛኒ፣ ሃሣ ገንሣ ኵ ባኦካፓ ዓይጎ ዓሲያ ዒሰራዔኤል ዓጮይዳ ዓንካኦ ሸምፔና ዓቲ ናንጋንዳጉዲ ኮዒባኦ፤

6 ዬያር ሳኦኦኤል ዜርፃፓ ላንካይ ዓቲንቄ ዔኪ ኵም ዒንጌ፤ ኵኡኒ ዔያቶ ናንገና ናንጋ ጎዳ ደኦሪ ካኦታሢ ካኦቲ፡ ሳኦኦኤል ካታም ገቢዓይዳ ናንገና ናንጋ ጎዳ ካኦሽኪንታ ቤዞ ኮይላ ሱፃንዳ።» ጌዔ።

ካኦቲ፡ ዳውቴ፡- «ታ ዔያቶ ዒንሢም ዒንጋንዳ።» ጌዔ።

7 ጋዓንቴ ዳውቴና ዮናታኦኔና ዋላ ናንገና ናንጋ ጎዳ ማርካ ማሂ ጫኦቄ ጫኦቄምር ሳኦኦኤል ናኦኪ ዮናታኦኔ ናይ ማዔሢ፡ ማፒሶሼቴ ዔያታ ዋዳንዳጉዲ ዳውቴ ዔያቶም ዓኦሢ ዒንገባኦ።።

8 ያዲ ማዔቴያ ዓያ ናኦ፡ ሪፃፓ ሳኦኦኤልም ሸዔ ላምም ዓቲንቄ ናይ ዓርሞኔና ማፒሶሼቴ ጌይንታሰኬንሢ ዳውቴ ዔኬ፤ ሃሣ ሳኦኦኤል ናኦ ማራባ ጌይንታዞ ማሆላ ዓጪ ዓሲ ማዔሢ፡ ባርዚላይ ናኦኪ፡ ዓድሪዔኤልም ሸዔ ደንጎ ዓቲንቄ ናይሰኬንሢያ ዒዚ ዔኬ።።

9 ዳውቴ ዔያቶ ቢያ ጌባያኦኔ ዓሰም ዔኪ ዒንጌም ጌባያኦኔ ዓሳ ናንገና ናንጋ ጎዳ ዳርና ካኦማ ቤዞ ኮይላ ዓኦ ዲኮይዳ ዔያቶ ሱፃ፤ ዔያታ ቢያሢ ዒኦካ ሃይቄ፤ ዔያታ ዋዳንቴሢ ሲሎ ዓገና ጋፓንቴ ዔልዓ ጮኦሪንቶ ዓርቃማናኬ።።

10 ዬካፓ ሳኦኦኤል ከገንፃ ማቼላ፡ ዓያ ናኦ፡ ሪፅፓ ሌዛ ዓኦ ቤዞ ኮይላ ዴኤፒ ሹቺ ዓኦንቴ ዔያ ሹጮ ዑፃ ሲዬ ዓፒላ ሂኦሃያ ዳማ ዳዔ፤ ዒዛ ዒማና ሃኦኮ ጮኦር ዋደፓ ዳንዲ ዒራ ዋርቃንዳ ዋደ ሂላንዳኦና ዒኦካ ዳዔ፤ ዒዛ ሮኦር ሮኦር ካፓ፤ ዒባኖ ዒባኖ ቦዎ ሙዑዋጉዲ ሌዞ ካፓ።።

11 ሳኦኦኤል ከገንፃ ማቻ፡ ሪፅፓ ማዴ ባኮ ዳውቴ ዋይዛዮ፡-

12 ያቤሽጌሌዓዴ ካታም ዳር ኮይላ ዳንዲ ሳኦኦኤልና ናኦኪ ዮናታኦኔናኮ ማጌያ ዔኪ ሙኬ፤ ያቤሽጌሌዓዴ ዓሳ ዔያ ማጌያ ዳንቄሢ ፒሊሰፃኤማ ዓሳ ሳኦኦኤል ገልቦዓይዳ ዋዴ ኬሎና ሌዛ ሱፃንቴ፡ ቤትሻ ጌይንታ ዳራ ቡካ ጳኦካፓ ዉኡቁኬ።።

13 ደውቱ ሳኦኦሌና የናታኣኔናኮ ማጌያ ዔኮኔ፤ ሃሣ ሱዲንቲ ለንካዎ ዓሶንሢኮዎ ማጌያ ዔኮ ቡኩሴኔ፤

14 ዩካፓ ሳኦኦሌና የናታኣኔናኮ ማጌያ ዓሳ ዔኮ ዴንዲ ቢኢኒያሜይ ያላዔ ጌይንታ ቤዛ ሳኦኦሌኮ ዓዶ፣ ቂሴ ዱኡፖ ካያ ካኣቲ ዓይሣሞ ዱኡኮኔ፤ ዩይ ቢያ ማዲንቲሰካፓ ዴራ ፔኤኮ ዓጮ ዛሎ ሺኢቁ ሺኢጲያ ያኦሲ ዋይዜኔ።

ፒሊሰዌኤማኮ ያሎና ዔርቲ ዓሶና ዒሰራዔኤሌ ዓሳ ያልቲ ያሎ (1ያኦሲ. ዓሃኬ 20:4-8)

15 ፒሊሰዌኤማ ዓሶና ዒሰራዔኤሌ ዓሶና ሃሣ ዎሊ ያሌኔ፤ ዩያር ደውቲና ዒዛ ዓሶና ዴንዲ ፒሊሰዌኤማ ዓሶ ያሌኔ፤ ፔቲ ኬሊ ደውቲ ዩያ ያሎ ያሊቤቃ ላቤኔ፤

16 ዒማና ዴኤሠማ ሃይሃና ዛላና ኪሎ ማዓ ሞኦና ዓንጊና ዲዎና ዎርሢ ዓርቂያ ሃሣ ዓኪ ጩንቻ ዓፓር ቱኡቲያ ዩሽቢቤናቤ ጌይንታ ያልዚና ዔርቲ ዓሲሰኬይ ደውቲ ዎዳኒ ማሌኔ፤

17 ጋዓንቲ ዪሩያ ናኣዚ፣ ዓቢሻዬ ደውቲ ማኣዳኒ ሙኪ ዩያ ያሎና ዔርቲ ዓሢ ዎዳኔ፤ ዩካፓ ደውቲ ዒዛ ዓሶና ዎላ ላሚ ዩኖ ዓሶ ያላኒ ዴንዲዎጉዲ ዓሳ ዒዛ ጩኣቂሳያ፡- «ዒሰራዔኤሌ ዓሶኮ ያንፔ ማዔሢ፣ ኔኤኒ ሃይቃንዳሢር ላሚ ያልዚዳ ኔ ኬሰካንዳያ ኮይሱዎሴ» ጌዔኔ።

18 ዩካፓ ሃሣ ጎቤ ጌይንታ ቤሰካ ፒሊሰዌኤማ ዓሶና ዎላ ያልዚ ማኸንቲኔ፤ ዒማና ሁሻዬይዳ ሾይንቲ፣ ሲቤካዬ ሳፒ ጌይንታ ያልዚና ዔርቲ ዓሲሰኬያ ራፓይማ ፃጲታንቲ ዎዳኔ።

19 ጊንሣ ሃሣ ጎቤይዳ ያልዚ ማኸንታዛ ቤኤቲሌሃሜይዳ ሾይንቲ፣ ያዒሬዓርጊማ ናኣዚ፣ ዔልሃናኔ ጋኣቲይዳ ሾይንቲያ ዎርዎኮ ዘያ ዓንዲርሙማ ዶርዘኮ ዓንዲራሾ ሚያጉዴያ ማዔ፣ ጎኦሊያዴ ጌይንታ ፒሊሰዌኤማ ዓሲ ዎዳኔ።

20 ዩካፓ ሃሣ ጋኣቲይዳ ያልዚ ማኸንቲኔ፤ ዒኢካ ያልዚ ናሽካያ፣ ያልዚና ዔርቲ ፔቲ ዓሲሰኬይ ዓኣኔ፤ ዩያ ዓሢኮ ጉቤ ቶኮና ኩጮናይዳ ላቆ ኬኤላና ዎላ ላሆ ላሆ ኬኤላ ዓኣያ ማዓዛ፣ ኬኤሎኮ ሚርጉማ ዎሊ ዑፃ ላማታሚ ያይዶኬ፤ ዒዚ ያዶሲ ዓሲ፣ ሃሣ ራፓይማ ጌይንታ ዜርፃፓ ሾይንቲኬ።

21 ዩይ ዓሢ ዒሰራዔኤሌ ዓሶ ያሎና ሚርጌ ማታሴኔ፤ ያዲ ማዔቲያ ደውቲኮ ጌርሲ ሻማ ናኣዚ፣ የናታኣኔ ዒዛ ዎዳኔ።

22 ዩንሢ ያይዶ ያሎና ዔርቲ ጋኣቲ ዓሶንሢ ራፓይማ ዜርሢ ማዓዛ ደውቲና ደውቲ ዓሶና ዔያቶ ዎዳኔ።

21:17 1ካኣቶ. ማ 11:36፤ ዓይኦ. 132:17።

22

ዳውቴ ያሎና ባሻያ ዓይናዬ ዓይኑሞ
(ዓይኑ. 18)

1 ናንጊና ናንጋ ጎዳ ሳኦኦሌንታ ሃንጎ ዒዛኮ ሞርኮንታይዳፓ
ዓይሴሢረ ሂዚ ጌዒ ያኦሲ ቦንቾሞ ዳውቴ ዓይናዬ፡-

2 «ናንጊና ናንጋ ጎዳ ታና ዓውሳ ላላሢ
ታኦኮ ዒ ዶዶ ሞርዲያሢኬ።

3 ናንጊና ናንጋ ጎዳ ታና ዓውሳ ላላሢ ማዔሢረ
ዒዛና ሞላ ኮሺ ታ ናንጋ፤

ዒዚ ጌቲማጉዲ ታጊዳ ሙካ ባኮ ቃዛ፤
ታና ማኦዳሢ፡ ዒዚ ኮሺ ታና ናንጊሳ፤

ዒዚ ታና ዓውሳያታሢረ
ሜቶይዳፓ ታና ካፓ፤ ዓውሳ።

4 ጋላታ ኮይሳ ናንጊና ናንጋ ጎዳሢ ታ ሺኢቃ፤
ዒዚ ታ ሞርካፓ ታና ዳቂሻ።»

5 «ሃይቢ ታኦኮ ካራ ባይዚ ታና ማንጌ፤
ባይሲንታ ዲጲ ሙኪ ታና ዔኤዳ፤

6 ጋፒንፃባኣ ዒጊቻ ዔቶኮ ሱዛ ታና ማሬ፤
ሃይቢ ፒራ ታኦሞ ፒሪንቴ።

7 ሜታሢ ታና ሄሌ ሞዶና
ናንጊና ናንጋ ጎዳ ታኦኢ ሺኢቁሞ
ታና ዒ ማኦዳንዳጉዲ ታ ያኦሲ ታኦኢ ያኦጩሞ
ፔኤኮ ጌኤዠ ማኦራ ዓኦያ ታ ዑኡዞ ሞይዜ፤
ታኦኢ ሺኢቁ ዒላታ ዒላቶሞ ዒ ሞይዜ።»

8 «ያኦሲ ዳጋዳሢረ
ሳዓ ዓጊፄ፤ ጎጋይቄ፤
ጫሪንጮ ማዢ ዔቂሶና ፃጳ ቤዞ ሃሺ ዓጊፄ።»

9 ዒዛኮ ሲኢዳፓ ዳጋ ጩቢ
ዒዛኮ ዳንጋፓ ሙዓ ታሚ ሎሰታ
ሃሢ ሚቻ ቄንሢያ ኬሰኬ።

10 ዒዚ ጫሪንጮ ዳርዚ ሊካ ኬዴ፤
ዒዛኮ ቶኮ ዴማ ዲሞ ጌዔ ሻኦሪ ዓኦ፤

11 ኪሩቤሌ ጌይንታ ባኮይዳ ዴዒ ዒ ባራ፤
ዒዚ ዠባሮ ባኦካ ጋኦሲ ዓኦያ ማዒ ጴዴ።

12 ፔና ጉቤ ዒ ዲሚና ዓኦቼ፤

ዒርዚ ካርሣ፥ ዲሞ ጌዔ ሻኣሬ ዒዛ ኮይላ ቡኬኔ።
13 ዒዛኮ ቤርታ ዓኣ ዜኤሊንፆፓ
ታሚ ዔኤቲ ኬሰኬኔ፤

14 ናንጊና ናንጋ ጎዳ ጫሪንጫፓ ጉጉንሣኔ፤
ዴኤፖ ፆኦዛሢ ፔ ዑኡዞ ዋይዚሴኔ።

15 ፔኤኮ ሂኢዦና ዒ ዲኪ
ሃሃ ዜኤሊንፆ ፓልፖና ዳውሲ
ፔኤኮ ሞርኮ ዒዚ ላኣሌኔ።

16 ናንጊና ናንጋ ጎዳሚዮ! ኔኤኮ ሞርኮ ኔ ጎሬ ዋዶና
ኔኤኮ ዳጎ ዑኡዞ ኔ ዋይዚሴ ዋዶና
ዴኤፖ ባዘኮ ጋፖ ሳዓ ጴዴኔ፤
ሳዓ ማዢንቴ ዓይፆ ካራ ፔጋዴኔ።»

17 «ናንጊና ናንጋ ጎዳ ሎፓ ኩጮ ዳኪ ታና ዓርቄኔ፤
ዴኤፖ ዔቶ ዋኣፆ ዳማፓ ጎቺ ታና ኬሴኔ።

18 ዑሃ ዓኣዴ ታኣም ዋልቃዴ ታኣኮ ሞርኮና
ታና ዒፆ ዓሶ ቢያሢፓ
ናንጊና ናንጋ ጎዳ ታና ዓውሴኔ።

19 ታኣም ካራ ባይቃዛ ሞርኬ ማዒ ዔያታ ዔቄንቴ
ናንጊና ናንጋ ጎዳ ታና ካፔኔ።

20 ናንጊና ናንጋ ጎዳ ታና ማኣዲ ፑርታፓ ኬሴኔ፤
ታ ናንጎና ዒዚ ዋዛዴሢፍ
ፑርታፓ ታ ቶላንዳ ዳልጊ ካራ ታኣም ዒ ጌሣኔ።»

21 «ታኣኔ ዒሎ ባኣዚ ማዳሢፍ
ናንጊና ናንጋ ጎዳ ዬያ ዛሎ ማሂ ታኣም ጨጋኔ፤
ታኣኮ ፒዙሞ ማዶ ጎይፆ
ኮሺ ባኣዚ ዒ ታኣም ማዳኔ።

22 ናንጊና ናንጋ ጎዳ ዓይሃ ጎይፆ ታ ሃንቴኔ፤
ታ ፆኦዛሢ ታና ዲማሳ ዳቢንቴ ታ ማዲባኣሴ።

23 ናንጊና ናንጋ ጎዳኮ ዋጎ ቢያ ማዲ ታ ኩንሣኔ፤
ዒዚ ዓይሣ ዳምቦዋ ታ ቦንቹኔ።

24 ታ ዒዛ ቤርታ ጌኤሺኬ፤
ጎሜያ ታ ማዲባኣሴ።

25 ታኣኔ ዒዛ ቤርታ ማዶ ባኮ
ኮዦ ማዶንታ ጉሙርቄንቴፆንታ
ናንጊና ናንጋ ጎዳ ዔራያታሢፍ
ዒዚ ዬያ ዛሎ ማሂ ታኣም ጨጋኔ።»

- 26 «ናንገና ናንገ ጎዳሂዮ!
 ኔኤም ጉሙርቂንታ ዓሶም ኔ ጉሙርቂንታያኬ፤
 ፒዜ ዓሶማኣ ኔ ፒዜኬ፤
- 27 ጌኤዠ ዓሶም ኔ ጌኤሺኬ፤
 ዎሶ ዓሶም ኔ ዎሶኬ።።
- 28 ሹሌዔ ዓሶ ኔ ዓውሳኔ፤
 ዎቶርቃ ዓሶ ጋዓንቴ ኔ ቦርሲሳኔ።።

- 29 ናንገና ናንገ ጎዳሂዮ! ኔ ታኣኮ ፖዓሂኬ፤
 ታጊዳ ዓኣ ደሩም ኔ ፖዒሳኔ።።
- 30 ታኣኒ ሞርኮ ባሻጎዳ ዎልቄ ኔ ታኣም ዒንጋኔ፤
 ዔያታ ዋርዲ ዴዔ ቤዞ ኮኦሚ ታ ጌላንዳጉዲ
 ዎልቄ ታኣም ኔ ዒንጋኔ።።»

- 31 «ፆኦሲ ማዳ ማደና ፓጫ ባኣዚ ባኣያኬ!
 ናንገና ናንገ ጎዳኮ ቃኣላኣ ፒዜኔ፤
 ዒዛና ካናዳ ዓሶም ቢያ ዒ ጌቲማኬ።።
- 32 ናንገና ናንገ ጎዳፓ ዓታዛ ሜሌ ፆኦሲ ባኣሴ፤
 ዒዛይዳፓዓቲም ካናደ ባኣዚያ ባኣሴ።።
- 33 ታኣም ደደም ዒንጋሂና
 ጎይፆ ታኣም ጌኢጊሻሂያ ናንገና ናንገ ጎዳኬ።።
- 34 ዒዚ ታኣኮ ቶኮ ጌንፆ ቶኪጉዲ ደዲሻኔ፤
 ጌሚር ጎኦቦይዳ ዓልቱዎፆ ታ ዔቃንዳጉዲ ማኣዳኔ።።
- 35 ኩጮ ታኣኮ ዒ ፆልዚ ዔርዛኔ፤
 ደደ ቆኦዞ ታ ጎቻንዳጉዲ ኩጮዎ ዒዚ ደዲሻኔ።።
- 36 ታ ፆኦዛሂዮ!
 ታና ዓውሳ ጌቲሞ ታኣም ኔ ዒንጋኔ፤
 ኔ ዎልቃ ታና ደዲሻኔ።።
- 37 ታኣኮ ቤርታ ዓኣ ባኮ ዒ ሺኢሻኔ፤
 ዬያር ቶካ ታኣኮ ደቁንቴዎሴ።።»
- 38 «ታ ሞርኮ ደውሲ ታ ዓርቃኔ፤
 ታ ዔያቶ ባይዙዎፆ ጌንሂም ማዑዎሴ።።
- 39 ለሚ ዔቁዎ ጎይሂ ታ ዔያቶ ባይዛኔ፤
 ታኣኮ ዔያታ ቶኮ ዴማ ሎኦማኔ።።
- 40 ፆሎ ታ ፆላንዳ ዎልቄ ታኣም ኔ ዒንጋኔ፤
 ፆሎና ታ ሞርኮ ኔ ታና ባሺሳኔ።።

22:34 ዓምባ. 3:19።

- 41 ታ ሞርካ ታ ቤርታፓ ጳሽካንዳጉዲ ኔ ማሃኔ፤
ታና ዒፃ ዓሶ ቢያ ኔ ባይዛኔ።
- 42 ዔያቶ ማአዳ ዓሲ ኮዒ ዔያታ ዒላታኔ፤
ጋዓንቴ ዔያቶ ማአዳ ዓሲ ፔቲታፖ ባኣሴ፤
ናንጊና ናንጋ ጎዳ ዔያታ ዔኤላኔ፤
ጋዓንቴ ዒዚ ዔያቶም ዬሁዋሴ።
- 43 ሲላሊ ማዓንዳያ ሄላንዳአና ታ ዔያቶ ጊኢጫኔ፤
ጎይሢዳ ዓኣ ቶርጳጉዲ ታ ዔያቶ ዳኣፃኔ።»
- 44 «ፑርቶ ዴሮይዳፓ ኔ ታና ዓውሴኔ፤
ዴሮ ቢያ ዋይህንዳጉዲ ኔ ታና ዶኦሬኔ፤
ታ ዔኔፈዋ ዴሬ ታ ዴማ ዋርቃኔ።
- 45 ፃንጎ ማዔ ዴራ
ታ ዛሎ ዋይዚ ታአም ዓይሢንታኔ፤
ታና ቦንቺ ዚጊያ ዚጋኔ።
- 46 ጫርሹማ ዔያቶኮ ባይቁም ዓጊጪ ሜታዲ
ጎጋይቁ ፔኤኮ ዋርዲዮይዳፓ ኬሰኪ
ታ ባንሢ ሙካኔ።»
- 47 «ናንጊና ናንጋ ጎዳ ናንጊና ናንጋያኬ፤
ታኣኮ ካናዶ ፆኦዛሢ ጋላቲንቶም፤
ታና ዳቁሻ ዴኤፖ ፆኦዛሢ ዴግ ዴጊ ጎፖም!
- 48 ዒ ታ ሞርካ ኮሚ ኮም ማሃኔ፤
ዴሮ ቢያሢ ታ ዴማ ማሃ ዒ ዋይሢሳኔ።
- 49 ታ ሞርካፓ ታና ዒ ዓውሳኔ፤
ፆኦዛሢዮ!
ታ ሞርኮ ኔ ታና ባሺሲሳኔ፤
ጌኖ ማዶ ማዳ ዓሶፓ ኔ ታና ዓውሳኔ።
- 50 ዬያሮ ዴሮ ባኣካ ታ ኔና ጋላታኔ፤
ኔ ሱንፆዋ ዓይኦምና ታ ዴኤፒሳኔ።
- 51 ዒዚ ካኣታሢ ካኣቲም ባሺሢ ዒዚ ዒንጋኔ፤
ዒዚ ቲሽኪ ዶኦሬ ዳውቴና ዜርፆናም፤
ናንጊና ጋፑዋ ናሹም ፔኤሲ ዒ ፔጋሲ ዳዋኔ።»

23

ዳውቴ ጋፒንፃ ኬኤዜ ባኮ

22:50 ሮሜ 15:9።

- 1 የኦሲ ደግ ደገዳህ፤ ያይቆኑ የእዛህ ደኑራህ፤
 ቢሰራዊኤሌይዳ ቃራ ዓይኑም ዓይናዳያ ማዕህ፤ ቢሴዬ ናኣዚ፤
 ዳውቴ ጋፒንፃ ጌሰቴ ባካ ያዲኩ፡-
- 2 ናንገና ናንጋ ጎዳኮ ዓያና ታእና ማዕህ ኬኤዘኔ፤
 ቢዘኮ ቃኣላ ታ ዳንጋኩ።
- 3 ቢሰራዊኤሌ የእዛህ ዬያ ኬኤዘኔ፤
 ቢሰራዊኤሌ ካፓህ ሂዚ ታኣም ጌዔኔ፤
 «የኦሲ ዒጊጨ
 ፒዜ ወይሥህ ወይህ ካኣቲ፤
- 4 ቢዚ ሻኣሬ ባኣያ ሳዓ ካራዛ ፖዓ ፖዒጉዲኩ፤
 ሳይይዳ ማኣቶ ባቃልሳ
 ጉቴና የርቃ ዓቢጉዲኩ። »
- 5 ቢያ ባኣዚና ጊኢጌያ ሃሃ ጉሙርሳያ ዒ ማዕህሮ
 ናንገና ናንጋ ጫኣቁም ዒ ታእና ዎላ ጫኣቁህሮ
 ጎኔና ታኣኮ ማኣራ የኦሲም ጉሙርቁንታያቱዎዓዳ?
 ታና ዒ ማኣዲ ሃሃ ታ ኮዓ ባኮዎ ቢያ ዒ ኩንሃያቱዎዓዳ?
- 6 ፑርቶ ዓሳ ጋዓንቴ ኬኤሪንቴ ዓንገሂጉዲኩ፤
 ዓይሳ ዓሲያ ኩቻ ዔያቶ ካኣማኒ ዳንዳዑዎያኩ።
- 7 ዬያቶ ቡኡራኒ ኬላኬቺ ኮይሳያኩ፤
 ያዲ ማዕቴ ዔያታ ጋፒ ሚቺንታንዳኔ።

ዳውቴኮ የሎና ዔርቴ ፖኦሊሶ
 (1የኦሲ. ዓሃኬ 11:10-41)

- 8 ዳውቴኮ የሎና ዔርቴ ፖኦሊሶ ሱንፃ ሃካፓ ሊካ ፓይዲንታ
 ዓሶኬ፤ ቤርታሳህ፡- ታህኪሞኔይዳ ሸይንቴ፤ ዮሹብባሼቤቴ
 ጌይንታሰኬያ ማዓዛ ቢዚ የሎና ዔርቴ ሃይሃ ፖኦሊሶኮ ሱኡጌኬ፤
 ዬይ ዓህ ፔቴ የልዚና ፔኤኮ ዎርዎ ዔኪ ዴንዲ ዔርቴ፤ ሳሊ ጃኤታ
 ዓሲ ዎዴኔ።
- 9 ላምዓሳህ፡- ዓሆሃ ቶኦኪ ማዕያ፤ የሎና ዔርቴያ፤ ደዶ
 ናኣዚ፤ ዓላዜሬኬ፤ ፔቴ ኬሊ ዒዛና ዳውቴና የሎ የላኒ ኬሰኬ
 ፒሊሰጃኤሜ ዓሶ ቃዚ ሜታሴኔ፤ ቢሰራዊኤሌ ዓሳ ዒማና ጊንሂም
 ደጩኔ፤
- 10 ዬይ ዓህ ጋዓንቴ ዓኣ ቤዛ ዶዲ ዔቂ ኩጫ ዒዘኮ ዶጨ
 ጨንቾ ዓፓሮ ዓርቂ ዚቲዮ ጋዓንዳያ ሄላንዳና ፒሊሰጃኤሜ ዓሶ
 የሌኔ፤ ዬኖ ኬሎ ናንገና ናንጋ ጎዳ ዴኤፒ ባሺህ ዔያቶም ዒንጌኔ፤
 የላ ጋፔሰካፓ ቢሰራዊኤሌ ዓሳ ዓላዜሬ ዓኣ ቤዛ ሙኪ ሃይቁ፤
 ፒሊሰጃኤሜ ዓሶፓ ሚርጌ የልዚ ዓንጋሞንታ ማኣያንታ ዔኬኔ።

11 ሃይሣሳሢ ሃሃ፡- ሃራሬይዳ ሾይንቴያ፡ የልዘና ዔርቴያ፡ ዓጌ ናኣዚ፡ ሻማኬ፤ ፔቴ ኬሊ ፒሊሰጻኤሜ ዓሳ ሪንጎ ጎሺ ዓኣ፡ ሌሂ ጌይንታ ቤዛ የሎሮ ሙኪ ዓኣንቴ ዒሰራዔኤሌ ዓሳ ፒሊሰጻኤሜ ዓሳ ቤርታፓ ጳሽኪ ፑኔኔ፤

12 ሻማ ጋዓንቴ ዬኖ ጎዡ ጋራ ጫርቂ ዔቄኔ፤ ዒዚ ዒማና ፒሊሰጻኤሜ ዓሳ የሊ ዎዳኔ፤ ዬኖ ኬሎዎ ናንጊና ናንጋ ጎዳ ዳኤፒ ባሺሢ ባሽኔ።

13 ሃኣኮ ጮኦሮ ዎደና ፒሊሰጻኤሜኮ የሎ ዓሳ ራፓይሜይዳ ዲንኪ ዴዒ ዓኣንቴ ሃይሢታዎ የሎና ዔርቴ ዓሳፓ ዬንሢ ሃይሃንሢ ዲውቴ ኮራ ዓዲላማ ሙኬኔ።

14 ዲውቴ ዒማና ዎርዲ ገኢጊሸና ጎኦቢዳ ዓኣኔ፤ ፒሊሰጻኤሜ ዓሳ ፖኦሊሶፓ ፔቴይዳ ፓቆና ፖኦሊሴ ሙኪ ቤኤቴሌሃሜ ዓርቄኔ፤

15 ዲውቴ ዒማና ዓጮ ጸቂሃዎ፡- «ኬልቂ ዲርቆና ቤኤቴሌሃሜ ካታዎ ጌሎ ካሮ ኮይላ ዓኣ ዔቶ ዎኣፃፓ ታ ዑሽካንዳ ዎኣሢ ዓይጌ ታኣም ዔኪ ሙካንዲይ!» ጌዔኔ።

16 ዬያሮ ዬንሢ የሎና ዔርቴ ሃይሃ ፖኦሊሶንሢ ፒሊሰጻኤሜ ዓሳ ዲንኪ ዴዔ ቤዛ ገዴና ጫርቂ ዴንዲ ዎኣፃ ዔቴሎፓ ዲይ ዲውቴም ዔኪ ሙኬኔ፤ ዲውቴ ጋዓንቴ ዑሽካኒ ኮይባኣሴ፤ ዬያይደንዲሢ ሃሺ ናንጊና ናንጋ ጎዳም ዒንጎ ባኣዚ ማሂ ሳዓ ላኣሌሰካፓ፡

17 «ናንጊና ናንጋ ጎዳሢዮ! ሃያ ዎኣፃ ታ ፔቴታዎ ዑሽካዓኬ! ታኣኒ ዑሽኬቴ ሃይቢሮ ዒጊጩዎዎ ዴንዴ ዬንሢ ዓሳንሢኮ ሱጉዎ ታ ዑሽካያ ማዓኔ!» ጋዓዎ፡ ዎኣፃ ዑዡ ዒጻኔ።

የሎና ዔርቴያ ማዔ ሃይሃ ጫርዡ ፖኦሊሶንሢ ማዳ ሄርሺሳ ማዳ ዬያኬ።

18 ጂሩያ ናኣዚ፡ ዒዮዓቤኮ ጌርሲ ዓቢሻዬ የሎና ዔርቴ ሃይሃ ፖኦሊሶንሢኮ ሱኡጌኬ፤ ዒዚ ፔኤኮ ዎርዎ ዔኪ ሃይሃ ጻኤታ ዓሲና የልቴ ዬያቶ ቢያ ዎዳኔ፤ ዬያሮ ዒዚያ ሃይሃንሢጉዲ የልዘና ዔርቴ ዓሲ ማዔኔ።

19 ዒዚ ዬያቶ ሃይሃሢፓ ዑሣ ዓኣዳ የሎና ዔርቴ ዓሲ ማዔሢሮ ዔያቶኮ ሱኡጌ ማዔኔ፤ ጋዓንቴ ዒዚ የሎና ዔርቴ ሃይሃ ዓሳንሢጉዲ ማዓያቴዎሴ።

20 ሜሌ ሃሃ የሎና ዔርቴ ፖኦሊሴ፡- ቃብጻዔሌይዳ ሾይንቴያ፡ ዮዳሄ ናኣዚ፡ ቤናያኬ፤ ዒዚ ላምዎ ዔርቴ ሞዓኣቤ ዓሲ ፖኦሊሴ ዎዳኔ። ጊንሣ ሃሃ ማርጌ ሄርሺሳ ማዳ ማዳያኬ፤ ፔቴ ኬሊ ሻቺ ዎርቄ ኬሊሰኬና ፔቴ ዴኔ ባኣካ ጌሊ ዘቢ ዎዳኔ፤

21 ዬያጉዲ ሃሃ ዒዚ ዎርሢ ዔኪ ዓኣ፡ ፔቴ የልዘና ዔርቴ ጌብጻ ዓሲሰኬያ ዎዳኔ፤ ዒዚ ዒማና ኮኦሎፓዓቴም ኩጫ ሜሌ ዓንጋዎ

ባኣንቲ ጊብፃ ዓጮ ዓሢ ባንሢ ሙኪ ዋርቻ ኩጫፓ ሳሪ ዔኪ ዬያና ጫርጊ ዋጅኔ።

22 ያሎና ዔርቲ ሃይሠ ዓሶንሢጉዲ ማዔሢ፡ ቤናያ ማጳ ሄርሺሳ ማጳ ያኣጳኬ።

23 ዒዚ ሃይሢታሞ ዓሶ ባኣካ ኮሺ ዔርቲያ ማዔቲያ ያሎና ዔርቲያ ማዔያና ሃይሠ ዓሶ ሄሉዋሴ፤ ዳውቲ ፔና ካፓ ዓሶኮ ዒዛ ሱኡጌ ማሂ ደኦሬኔ።

24-39 ሃይሢታሞ ዓሶ ባኣካፓ ዛሎ ዓሶኮ ሱንፃ ሃካፓ ሊካ ፓይዲንታኔ፡-

- ዒዮዓቤኮ ጌርሲ ዓሳሄሌ፤
- ቤኤቴሌሃሜይዳ ሾይንቲ፡ ደዶ ናኣዚ ዓልሃናኔ፤
- ሃርዳይዳ ሾይንቲ፡ ሻማንታ ዔልቃንታ፤
- ፔሌፃይዳ ሾይንቲ፡ ሄሌፃ፤
- ቴቆዓይዳ ሾይንቲ፡ ዒቁሽ ናኣዚ ዒራ፤
- ዓናቶቴይዳ ሾይንቲ፡ ዓቢዔዜሬ፤
- ሁሻዬይዳ ሾይንቲ፡ ሜቡናዬ፤
- ዓሆሌይዳ ሾይንቲ፡ ፃልሞኔ፤
- ኔያፓይዳ ሾይንቲ፡ ማሂራዬ፤
- ሃሃ ኔያፓይዳ ሾይንቲ፡ ባዔ ናኣዚ ሄሌቤ፤
- ቢኢኒያሜ ዓጮ ገራ ዓኣ ጊቢዓይዳ ሾይንቲ፡ ሪባዬ ናኣዚ፡ ዒታዬ፤
- ፒርዓቶኔይዳ ሾይንቲ፡ ቤናያ፤
- ጋዓሽ ደኦጮ ኮይላ ሾይንቲ፡ ሂዳዬ፤
- ዓርባዓይዳ ሾይንቲ፡ ዓቢዓልቦኔ፤
- ባርሁሜይዳ ሾይንቲ፡ ዓዝማዌቲ፤
- ሻዓልቦኔይዳ ሾይንቲ፡ ዔልያሂባ፤
- ያሽኔ ናኣታ፤
- ዮናቲኔ፤
- ሃራሬይዳ ሾይንቲ፡ ሻማ፤
- ጊንሣ ሃሃ ሃራሬይዳ ሾይንቲ፡ ሻራሬ ናኣዚ፡ ዓሂዓሜ፤
- ማዕካይዳ ሾይንቲ፡ ዓሃሴባዬ ናኣዚ፡ ዔሊፔሌፃ፤
- ጊሎይዳ ሾይንቲ፡ ዓኪያፔሌ ናኣዚ፡ ዓልዓሜ፤
- ቁርሜሎሴይዳ ሾይንቲ፡ ሄፅር፤
- ዓሬቤይዳ ሾይንቲ፡ ፓዓራዬ፤
- ያባ ናኣዚ ናኣታኣኔኮ ናኣዚ፡ ዪግዓሌ፤
- ጋኣዳይዳ ሾይንቲ፡ ባኒ፤
- ዓሞኦኔይዳ ሾይንቲ፡ ጄሌቁ፤

ዲዮዓቤኮ ስሎ ዓንጋሞ ኩዳ፣ ቤዔርቴይዳ ሾይንቴ፣ ናህራዬ፤
ያቴሬይዳ ሾይንቴ፣ ዒራንታ ጋሪቤንታ፤
ሂታ ዓሢ ያሪዮንታኩ።

ዳውቴኮ ስሎና ዔርቴ ፖሊሶኮ ሚርጉማ ዋሊ ዑፃ ሃይሢታሚ ለንካይኩ።

24

ዳውቴ ዳር ፓይዳሢ
(1ያኦሲ. ዓሃኬ 21:1-27)

1 ናንጊና ናንጋ ጎዳ ሃሣ ላሚ ዒሰራዔኤል ዓሰይዳ ዳጋደሢር ዳውቴ ዔያቶይዳ ሜቶ ዔኪ ዩዓንዳጉዲ ዒ ማሄን፤ ናንጊና ናንጋ ጎዳ ዳውቴ፡- «ዳንዲ ዒሰራዔኤል ዓሰና ዩሁዳ ዓሰና ፓይዳ!» ጌዔኔ፤

2 ዩያሮ ዳውቴ ዒዛኮ ፖኦሊሶ ዓይሣ፣ ዲዮዓቤ፡- «ኔ ዳማ ፖኦሊሶ ዓይሣያ ማዔ ዓሰ ዔኪ ዳንዲ ዓጮኮ ካራፓ ዳንዲ ጋፖ ሄላንዳኣና ጌይፃ ዳኣኔፓ ዳንዲ ቤርሳቤ ሄላንዳኣና ዓኣ ዒሰራዔኤል ፃ፳ ዳሮ ቢያ ፓይዳ፤ ታኣኒ ዋኣዳ ዓሲ ዓኣቴያ ዔራኒ ኮዓኔ» ጌይ ዓይሣኔ።

3 ዲዮዓቤ ጋዓንቴ፡- «ካኣቴዮ! ናንጊና ናንጋ ጎዳ ማዔ ኔ ያኦዛሢ ዒሰራዔኤል ዳሮ ሃሢ ዓኣ ዓሰፓ ዑሣ ዪኤታ ጳንጨጭ ማሂ ኔኤም ሚርጊሾንጎ፤ ያኣዳ ዒ ማሄም ኔ ዛጋንዳጉዲ ሌያ ኔኤኮ ዒዚ ያደሶንጎ፤ ጋዓንቴ ካኣቴዮ! ዩያይዳኒ ኔ ዓይጋ ኮዔይ?» ጌዔኔ።

4 ካኣቴ ጋዓንቴ ዲዮዓቤንታ ፖኦሊሶ ዓይሣ ዓሰንታ ዒ ዓይሣ ባኮ ማዳንዳጉዲ ዋልቃዳሢር ዒዛ ኮራፓ ዒሰራዔኤል ዳር ፓይዳኒ ዔያታ ዳንዳኔ።

5 ዔያታ ዒማና ዮርዳናሴ ዋሮና ፒንቁ ጋኣዳይዳ ዓኣ ደኦጫ፣ ዓርዔኤሬ ካታሞኮ ደኦሎ ዛላ ዲንኪ ዳዔኔ፤ ዩካፓ ሌካ ኬሰካፃ ያዕዘሬ ሄሌኔ፤

6 ዩይና ጌሲ ጌሌዓዳና ሂኢታ ዓሰ ዓጮ ጋራ ዓኣ ቃዳሴ ሄሌኔ፤ ዩካፓ ዳኣኔ ዳንዳኔ፤ ዳኣኔፓ ጊንሣ ዓባ ጌላ ባንፃ ዛሎና ጌይ ሲዶና ዳንዳኔ፤

7 ጊንሣ ሃሣ ዓጮሎኮ ደኦሎ ዛላ ዙላ ኬኤሎ ዲያና ዲርቁንቴ፣ ያኢርሴ ካታሞ ዳንዲ ዒኣና ጋዓፃ ሂኢታ ዓሰንታ ካኣና ኔ ዓሰንታ ካታሞ ቢያ ዳንዳኔ፤ ጋፒንፆይዳ ዩሁዳይዳ ዓኣ፣ ቤርሳቤ ዔያታ ሄሌኔ፤

8 ዩያይዲ ዓጮሎ ጉቤ ሸሪ ታዞጳ ዓጊኒና ላማታሚ ኬሊና ማዔሰካፓ ዩሩሳሚ ማዔ ሙኬኔ።

9 ዲዮባቤ ዲማና ዲሰራዔኤሌይዳ ሳሊ ያኔታ ሺያ፣ ዪሁዳይዳ ደንጎ ያኔታ ሺያ የልዚ የላኒ ዳንዳዓ ዓሲ ዓኣሢ ዔሪ ካኦትም ኬኤዜኔ።

10 ጋዓንቴ ዳውቴ ዳሮ ፓይዳሰካፓ ዒኔ ዒዛኮ ዱጴም ዒዛ ማሊሺ ባሽሢሮ፡- «ታኣኒ ሃያ ማዲያና ዳኤፒ ዳቢንቴ ዳቤኔ፤ ዔኤያቶ ማዶ ታማዴሢሮ ሃዳራ ታኣም ዓቶንጎ ጌዔ!» ጌይ ናንጊና ናንጋ ጎዳ ሺኢቄኔ።

11-12 ዳውቴም የኦሲ ማሊያ ኬኤዛ ጋኣዳ ኮራ ናንጊና ናንጋ ጎዳ፡- «ዳውቴ ኮይላ ዳንዲጋፓ «ኔኤኒ ሃይሃ ባኣዚፓ ደኦራንዳጉዲ ታ ኮዓኔ፤ ታኣኒያ ኔኤኒ ደኦራማጉዴያ ማዳንዳኔ» ጌዒ ኬኤዜ» ጌዔኔ። ዘሮ ጉቴሎ ዳውቴ ጊንዓሰካፓ ጴጫኣና፡

13 ጋኣዳ ዒዛ ኮይላ ሙኪ ናንጊና ናንጋ ጎዳ ዒዛም ጌዔ ባኮ ኬኤዜኔ፤ ዒ ኬኤዛዎ፡- «ኔ ዓጮይዳ ሃይሃ ለዔ ሎማ፣ ሃይሃ ዓጊኒ ኔ ሞርካ ኔና ዳውሲ ሃንታያ፤ ሃሣ ሃይሃ ኬሊ ዲማ ዲማ ሃርጌ ኔ ዓጫ ኬዳያፓ ሞማ ኔ ደኦራይ? ሂንዳ ኮሺ ማሊጋፓ ናንጊና ናንጋ ጎዳም ታ ኬኤዛንዳጉዲ ማሂ ታኣም ኔ ኬኤዜ» ጌዒ የኦጮኔ።

14 ዳውቴ ማሃዎ፡- «ታ ሞኖ ደኦራንዳቴያ ታኣም ዔርቶ ዒፃኔ! ጋዓንቴ ዓሲ ኩቺ ጋርሲ ጌላኒ ታ ኮዑሞሴ፤ ናንጊና ናንጋ ጎዳ ሚጠጊታያታሢሮ ዒ ታኣም ኮይሳ ሜቶ ዒንጎንጎ!» ጌዔኔ።

15 ዬያሮ ናንጊና ናንጋ ጎዳ ዬኖ ኬሎ ጉታፓ ዓርቃዎ ዒዚ ጌዔ ኬሎ ሄላንዳኣና ዒሰራዔኤሌ ዓሶ ዑፃ ዲማ ዲማ ዎዳ ዶርዎ ኬይሴኔ፤ ዒማና ዓጮሎኮ ካራፓ ዳንዲ ጋፖ ሄላንዳኣና ጌይፃ ዳኣኔፓ ዳንዲ ቤርሳቤ ሄላንዳኣና ላንካይታሚ ሺያ ዓሲ ሃይቂ ጋፔኔ።

16 ናንጊና ናንጋ ጎዳኮ ከኢታንቻሢ ዬሩሳላሜ ባይዛኒ ጊኢጊ ዓኣንቴ ናንጊና ናንጋ ጎዳ ዳሮ ዑፃ ዔኪ ሙካኒ ማሌ ሜቶ ሃሺ ዬያ ዳሮ ዎዳ፣ ከኢታንቻሢ ኮራ፡- «ጊዳንዳኔ! ሃሺ!» ጌዔኔ፤ ዒማና ከኢታንቻሢ ዒያቡሳ ዓሲ ማዔ፣ ዎርና ጎየሰኬያኮ ሃኣኮ ሺርኮ ቆይዳይዳ ዔቂ ዓኣኔ።

17 ዳውቴያ ዳሮ ዎዳ፣ ከኢታንቻሢ ዳንቃዎ፡- «ዳቢንቶ ማዶ ማዴሢ ታናኬ፤ ታታኣር ፑርቶ ባኮ ማዴኔ፤ ዓካሪ ሃይ ዔቦ ዔሩሞ ዳራ ዓይጎ ዎዴይ? ሃይ ዎዳሢ ዔያቶ ሄላሰካፓ ታኣና ታ ማኣር ዓሶናም ማዎንጎ» ጌይ ናንጊና ናንጋ ጎዳ የኦጮኔ።

ዳውቴ የኦሲም ዒንጎ ባኮ ዒንጎ ቤዞ ኮሺሢ

18 ዲዛ ኬሎና ያኦሲ ማሊያ ኬኤዛ፣ ጋኣዳ ዳውቴ ኮራ ዳንዳዎ፡- «ዖርናኮ ሃኣኮ ሺርኮ ቆይዶ ዳንዲጋፓ ናንገና ናንጋ ጎዳም ዒንጎ ባኮ ዒንጎ ቤዞ ኮሼ!» ጌዔኔ፤

19 ዳውቴያ ናንገና ናንጋ ጎዳ ጌዔ ጎይያ ዓይሢንጉ ጋኣዳ ጌዔ ጎይያ ማዳኔ፤

20 ዖርና ዒማና ሊካ ዛጋያ ካኣቲ፣ ዳውቴንታ ዒዛኮ ደንዞ ማዔ ቢታንታ ዓኣ ዓሳ ዒዛ ባንሢ ሙካንቴ ዳንቄኔ፤ ዒዚ ዳውቴ ቤርታ ሳዓ ላሂ ቦንቾ ዔኤሊሢ ዔኤላዎ፡-

21 «ካኣቲዮ! ሃይካ ኔ ኮሺ ዓኣዎ ሙኪያ?» ጌይ ያኦጩኔ።

ዳውቴ ማሃዎ፡- «ናንገና ናንጋ ጎዳ ዲማ ዲማ ዎዳ ዶርዓሢ ታ ዓጫፓ ዔቂሳንዳጉዲ ኔኤኮ ሃኣኮ ሺርኮ ቆይዶ ሻንቃኒና ዒኣካ ናንገና ናንጋ ጎዳም ዒንጎ ባኮ ዒንጎ ቤሲ ኮሻኒ ታ ሙኬኔ» ጌዔኔ።

22 ዖርና ዒማና፡- «ካኣቲዮ! ቆይዶ ዔኪ ኔ ናሽኬሢጉዲ ያኦሲም ዒንጎ ባኮ ዒንጌ፤ ዒንጎ ባኮ ዒንጎ ቤዞይዳ ሚቺ ዒንጎ ዒንገሢም ማዓንዳ ጌማይ ሃይሾ ዓኣኔ፤ ሚቾንዶ ሃንዲሎኮ ጌማቶ ሚኢሾንታ ሃኣኮ ሺርኮ ባኮንታ ቢያ ዓኣኔ» ጌዔኔ።

23 ዖርና ዬያ ቢያ ካኣቲም ዒንጋዎ፡- «ናንገና ናንጋ ጎዳ ማዔ ኔ ያኦዛሢ ኔኤኒ ዒንጋ ባኮ ዔኮንጎ» ጌዔኔ።

24 ካኣቲ፣ ዳውቴ ጋዓንቴ፡- «ያዲ ማዎፓ፤ ታ ኔኤም ጨጋንዳያ ኮይሳኔ፤ ታ ዔኤቢ ጨገ ዔኪባኣ ባኣዚ ናንገና ናንጋ ጎዳ ማዔ ታ ያኦዛሢም ዒንጎ ባኣዚ ማሂ ታ ሺኣሻንዳያ ኮይሱዋሴ» ጌዔኔ፤ ዬካፓ ዳውቴ ዬኖ ቆይዳሎንታ ጌማቶንታ ደንገታሚ ሹቺ ቢራና ሻንቄኔ፤

25 ዒዚ ዒማና ናንገና ናንጋ ጎዳም ዒንጎ ባኮ ዒንጎ ቤሲ ኮሺ ሚቺ ዒንጎ ባኮንታ ፔቱሞና ዒንጎ ባኮ ናንገና ናንጋ ጎዳም ሺኣሹኔ፤ ናንገና ናንጋ ጎዳኣ ዳውቴኮ ሺኣጲዎ ዋይዜኔ፤ ዒሰራዔኤሌይዳ ኬዳ ዲማ ዲማ ዎዳ ዶርዓሢ ዬካፓ ዔቄኔ።

ጌሌዢ ማጻሕፍት
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዢ ማጻሕፍት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-13

PDF generated using Haiola and XeLaTeX on 13 May 2025 from source files dated 13 May 2025

bbcfb90a-3ae3-5452-983d-6c4c02375929